

5

DE RITV
SANCTISSIMAE CRVCIS
ROMANO PONTIFICI
P R A E F E R E N D A E

Commentarius

A F. AVGVSTINO FIVIZANIO ROMANO
PALATII APOSTOLICI SACRISTA,

Et Ordinis Eremitarum S. Augustini Vicario Generali
conscriptus.

AD SANCTISS. D. N.

CLEMENTEM VIII.
PONT. MAX.



3

R O M A E,

Ex Typographia APOSTOLICA VATICANA.

M. D. X C I I.

SVPERIORVM PERMISSV.

THE BOSTON
MUSEUM OF NATURAL HISTORY
HAS RECEIVED

CONGRATULATIONS

ON THE
RECENTLY PUBLISHED
"HISTOIRE NATURELLE DE LA FRANCE"

BY M. DE LAMOURGUE, M. DE LAMOURGUE, M. DE LAMOURGUE,
ET AL.

ALBENIZEM VIII.
MONT. MAY.



THE BOSTON
MUSEUM OF NATURAL HISTORY
HAS RECEIVED
"HISTOIRE NATURELLE DE LA FRANCE"

SANCTISSIMO PATRI
ET DOMINO NOSTRO
CLEMENTI VIII.
PONT. MAX.

F. AVGVSTINVS FIVIZANIVS ROMANVS
APOSTOLICI PALATII SACRISTA,

Et Ordinis Eremitarum S. Augustini Vicarius Generalis
S. P. D.



Vo tempore GREGORIVS XIII.
spectatissime pietatis Pont. de
adeunda Bononia, præclarissi-
ma patria sua cogitauerat, il-
lius professionis occasione
conscripsi Libellum de anti-
quitate & causis ritus præferendi sanctissimæ
Eucharistiæ Sacramentum Summo Pont. ex-
tra Urbem proficiscenti: quem cum ille a me
sibi oblatum, qua præditus erat humanitate,
legisset, ac etiam rei argumentum probasset,
iniunxit mihi, vt & de Cruce, quæ eidem Pont.
in publicum prodeunti rite præfertur, aliquid
adnotarem: quod, qua maiore potui diligentia,
perfecì: scriptionemq. iam diu absolui: quam
cum multis doctis viris & legēdam, & proban-
dam

dam tradidissem, suaserunt illi, immo vero
quasi coegerunt, vt eam in publicum darem.
Quorum ego suasu & iussu ductus, illam in ho-
minum conspectum prodire permisi. Multis
autem nominibus laborem hunc meum, qua-
liscumque sit, augustiss. nomini Tuo, CLEMENS
Pont. sanctissime, deberi existimaui. Pri-
mum, quòd Pontificijs obsequijs a tam magno
tempore sum mancipatus. Deinde, quòd de
re ad Romanum Pont. præcipue spectante
agatur. Præterea (vt & hoc mihi sine vllo as-
sentationis, quam tantopere detestaris & hor-
res, suspicione dicere liceat) quia ex gentilitio
Stemmata tuo, in quo, cum Stellis, Crucis quã-
dam figuram inspicere videor, illud ipsum Ec-
clesiæ sanctæ, ac iam diu afflictæ Christianæ
Reip. boni portendi conijcio: quod ex signo
cum Stellis Constantino magno cælitus osten-
so, euenit; hoc est summam felicitatem &
tranquillitatem.

Accipe igitur PATER BEATISSIME Li-
bellum, quem sanctitati Tuæ ad illius pedes
prouolutus ingentis obseruantia ac studij mei
testimonium quamuis perexiguum offero ac
dico: quem si grauissimo ac prudentissimo iu-
dicio tuo probari sensero, dabo propediem
aliud de Eucharistiæ gestatione, cuius paulo
antea

antea memini. Deus interim Sanctitati Tuæ,
tam magna assidue pro Ecclesiæ suæ sancto
regimine molienti, perpetuo plenitudinis gra
tiæ suæ ac fortitudinis spiritu assilstat, ac per
petuam incolumitatem præstet. Romæ, in
Palatio Apostolico apud Vaticanum, Kal.
Maij. M. D. XCII.



1. The first of these is the fact that the
the first of these is the fact that the
the first of these is the fact that the
the first of these is the fact that the
the first of these is the fact that the
the first of these is the fact that the
the first of these is the fact that the
the first of these is the fact that the
the first of these is the fact that the
the first of these is the fact that the



OTRYA



Quos
Per Crucis mysterium
Saluas,
Rege per sæcula.
Amen.

A V C T O R V M, Q V I I N H O C O P E R E P A S S I M C I T A N T V R,

Nomina.

A edias.	Franciscus Aluarez.	Nicephorus Callistus.
Ado Trener.	Gabriel Franciscanus.	Nicephorus Gregeras.
Aegidius Columna Rom.	Gaudentius Brixien.	Nicolaus Sanderus.
Albinus Flaccus.	Gregorius Magnus.	Nonus Orbis.
Alexander a S. Elpidio.	Gregorius Nazianzenus.	Oecumenius.
Aloisius Lippom.	Gregorius Nyssenus.	Onuphrius Panninius.
Alphonfus Ciacconus.	Gregorius Turonen.	Origenes.
Amalaricus.	Grimoldus Abbas.	Paulinus.
Ambrosius.	Guillelmus Cremonen.	Paulus Diac.
Anastafius Bibliothecarius.	Guillelmus Durantes.	Petrus Cluniacen.
Andreas Creten.	Guillelmus Neobrigen.	Petrus Damian.
Anselmus.	Hieronymus.	Petrus Manlius.
Antoninus.	Hieronymus Oserius.	Philon Hebraus.
Aristoteles.	Hippolytus Martyr.	Pontificalis liber.
Arhanafius.	Hiliter. Tripart.	Perpbyrius.
Augustinus.	Isidorus Hispalen.	Pratum spirituale.
Augustinus Fanaronius.	Jacobus Pamelinus.	Procopius Gazaus.
Augustinus Triumphus.	Isachus Vsterb.	Prudentius.
Bartholomaeus Cyprias.	Ignatius Martyr.	Rabanus Maurus.
Basil. us.	Innocentius Pont. III.	Robertus Bellarminus.
Beda.	Ioannes Belethus.	Rodolphus Tungrensis.
Benedictus; Can. S. Petri.	Ioannes Chrysoft.	Rufinus.
Bernardus.	Ioannes Diaconus.	Rupertus Tuitiensis.
Bibliotheca SS. PP.	Ioannes Lessius.	Saluianus Mafsilien.
Carolus Sigon.	Ioannes Molanus.	Seneca.
Casiodorus.	Ioannes Perell.	Simon Metaphrastes.
Caesar Baronius.	Iosephus Seeph. Val. Epis.	Simon Mariolus.
Claudianus.	Irenaeus.	Sozomenus.
Clementianus.	Iulius Africanus.	Socrates.
Caesii Rhedig.	Ino Carnoten.	Stamiffaus Ofius.
Concilia.	Ius can. & ciu.	Sulpitius Senecus.
Cyprianus.	Iustinianus Imper.	Tertullianus.
Cyrellus Alexandr.	Iulianus Martyr.	Theodoretus.
Cyrellus Hierosol.	Lactantius Firmianus.	Theodorus Balsamon.
Dama'genus.	Laurentius Surius.	Theodulphus.
Dionysius Areopag.	Leo Magnus.	Thomas Aquin.
Ephrem Ediff.	Leonius Episcopus.	Thomas Vualdensis.
Epiphanius.	Maphaus Veginus.	Venantius.
Eusebius Caesariensis.	Marsilius Ficinus.	Zonaras.
Euthymius.	Martialis Episcopus.	
Fortunatus.	Micrologus.	



DE RITV præferendæ CRVCIS
 Romano Pontifici in publicum
 prodeunti argumentum, de quo
 vt scriberē mihi imperatum est,
 tanto difficilius explicatu vide-
 tur, quanto nostra Aetas a Christianæ Religio-
 nis exordio, quo ritus ipse vsum primitus acce-
 pit, longiori disūgitur interuallo: nulla enim
 certa huius institutionis apud nos viget recor-
 datio: nullusq. certus auctor extat (quod sciā)
 qui ex proposito hoc idem tractarit. His ergo
 de causis, quamuis accusari merito possim, qui
 onus viribus impar subierim; obsequēdi tamen
 studiū, siue parēdi potius necessitas, iure excu-
 sat: facilius namque probaturos omnes arbi-
 tror, me Maiorum auctoritate compulsus, id
 præstare, quàm de ingenij tenuitate diffisum
 abnuere debuisse. Mihi igitur rem ipsam altius
 animo repetenti, satisfecisse tanto muneri
 videbor, si huius instituti antiquitatem, & cau-
 sas ex sanctorum Patrum sententijs, & rei ve-
 ritatem, testimonijs summa fide vndique col-
 lectis comprobauero. Qua in re magnum mo-
 mentum habent quæ spectant ad alium ritum,
 isto longe antiquiorem, communioremq. il-

lum nimirum, quo fidelis quisque salutari Cru-
cis signo se, suaq. omnia, manu sua munire
consuevit. Triplex autem in vniuersum signi
viuificæ Crucis vsus occurrit: aut enim sola
manu formatur: aut e saxo sculptum cernitur,
pictum in muris, in lapidibus pretiosis inci-
sum, panno intextum, siue cuius materiæ ap-
positum: aut postremo ex ligno delatum, ære
conflatum, auro, argento, & quacumque ex re
alia fabrefactum effertur, siue aliquo in loco
perpetuo, aut statis temporibus, ad veneran-
dum populo proponitur. Ita fit, vt explicatio-
nem propositi argumenti aggressurus, hæc
omnia complecti, breuemq. hanc disputatio-
nem in tres Sectiones, seu Libros partiri vi-
sum sit opportunum. In primo agam de ve-
tustissimo, ac frequentissimo vsu fidelium
Cruci, se, aliaq. manu sua consignandi. In se-
cundo, de ritus circumferendæ Crucis anti-
quitate. In tertio, de ratione, & causis propo-
siti ritus, qui perpetuo quodam tenore ad no-
stra vsque tempora perductus est. Quilibet
Liber erit distinctus per Capita. Accedit præ-
terea Appendix de honore sanctissimæ Cruci
exhibendo; hanc præter intentionem quidem
suscepti operis ab initio, præsentis tamen tra-
ctationi in ipso progressu plurimum conue-
nire sum arbitratus.


LIBER PRIMVS

De vetustissimo, atque frequentissimo vsu
Christianorum, se, & alia Crucis
viuificæ signo muniendi.



*Cruce signandi ritum ab Apostolis, qui illum a
Christo acceperunt, ad Christianos omnes
descendisse, ostenditur.*

CAP. I.



IGNI sanctissimæ CRVCIS vsum in
Ecclesia Dei ab eius (vt ita loquar) infan-
tia frequentissimum fuisse, grauissimo-
rum Patrum monumenta testantur.
Non potest autem veneranda huiusmodi
antiquitas altius peti, nisi a diuinis viris,
qui post Christum, Ecclesiæ fundamenta iecerunt, hoc
est a sanctissimis Apostolis, a quibus exordiemur, ipsorū
exempla primum referentes. Sicut autē credendum est,
nullum vere fidelem virum dubitasse, pium hunc ritum
ab illis, qui cum Christo manducarunt, & biberunt, ad
nos manasse, & ab eisdem, & fidei illorum heredibus
fuisse nobis, quasi per manus, traditū; ita minime am-
bigendum putamus, illos ab ipsomet Salvatore accepisse.
Nam sicut non audemus prorsus affirmare a Do-
mino nostro Crucis signum adhibitum fuisse, quando
benedicens panem in corpus suum transubstantiauit, de
quo scripsit Amalarius Fortunatus dicens: *Si Dominus,*
quando benedixit panem, fecisset Crucis signaculum, ipsi norunt,

De Eccl.
offi. lib. 5.
cap. 24.

4 L I B. I.
qui praesentes fuerunt, praesertim cum nondum esset erectum vexillum sanctae Crucis; ita haud difficulter nobis persuaderi potest, Christum post debellatos per passionem & mortem suam in Cruce Principatus, & Potestates, in caelum ascendentem signo Crucis Apostolis benedixisse, eosque tutissimo isto clypeo munitos reliquisse. Hoc ipsum

Luc. 24. indicare videntur beati Lucae verba, dicentis, Christum, eleuatis manibus, Apostolos benedixisse. Vnde non absurde quis crediderit voluisse significare, quod extensa manu, magna cum grauitate, & maiestate, Crucis signum super illos duxerit. Ex quo loco desumpta videtur etiam

Lib. Pontificali in Missa Pontificum.

forma, quam seruant Episcopi, quando populum solemniter benedicunt. Mos enim illis est, ut ambas manus primo leuent, & extollant ad caelum, mox eas iungant, tum dexteram solam super adstantes deducant, signumque Crucis forment super eos. In quam sententiam, videlicet quod Christus Discipulis signo Crucis manu formato, benedixerit, venire videtur Ioannes Molanus in suo de picturis egregio libro cap. 79. ubi ait: *Ascendens porro Christus, benedixit Apostolis manibus eleuatis: Quod fecit, aut ritu Aaronico, exiensis super eos palmis, uti Iudaici Sacerdotes hodie temere benedicunt: aut ritu Christiano, quo Episcopi benedicunt. Posterius tamquam probabilius exprimunt pictores.* Hac ut clariora fiant, methodo tractabimus, ac primo quidem afferemus se signandi exempla. Secundo loco statuemus ea, quibus signum Crucis super alias res ab ipso signante distinctas ducendum demonstretur.

Iulius Aphric.

Inter illa igitur primo se offert beatissimi Andreae Apostoli memorabile exemplum, qui tamquam Crucis amatissimus, singulos Christianos Cruce munebat, deinde seipsum signabat, ut Iulius Aphricanus Abdiae interpres lib. 3. affirmavit his verbis: *Sanctus Apostolus Andreas singulis manus imponens, & consignans Cruce, eos abire permittit; nouissime autem se signans, & ipse discessit.*

Præterea Discipulus præ ceteris dilectus, qui stetit iuxta

iuxta Crucem Magistri sui patientis, & morientis, ante obitum se signo Crucis manu propria signauit, vt ait idem Abdias: si tamen Abdiæ liber est is, qui eius nomine circumfertur, cuius fides etsi omnino probata non est, multa tamen, quæ vera sunt, ibi continentur in hæc verba: *Ioannes signans se totum, astitit, & ait: Tu mecum Domine Iesu solus: & proiecit se supra tumulum, in quo struueras vestimenta sua, dicens: Pax vobis, fratres: ac omnes benedicens, ac valesfaciens deposuit se viuentem in sepulchro suo, & iussit se operiri glorificans Dominum, & statim reddidit spiritum.*

Abd. li. 1.

Hanc eandem historiam copiose descripsit Nicephorus Calixtus, dicens: *Cum dudum transicionem suam ad Deum, diemq. & horã eius prauidisset Ioannes, presbyteris, ministrisq. Ecclesie, & praterea quicumque flagrante essent fide fratribus assumptis, extra Ephesiorum urbem progreditur, & cum eis in vicinum quendam tumulum, quò frequenter ire precationi operam daturus solebat, conscendit. Ibi vehementius orans Ecclesias Deo commendat, mox sarculis quibusdam, & lignis celeriter sepulchrum sibi fodi præcipit: Deinde eos, qui tum aderant, arcanis de Deo verbis, & præceptis optimis de fide, spe, & potissimum dilectione (quippe dilectus ipse) erudit: & corda eorum confirmans Seruatori verbo commendat. Postremoq. illu in Domino saluere & valere iussit, ubi se Crucis signo communisset, in monumentum descendit.*

Niceph.
hist. Eccl.
lib. 2. cap.
42.

Vnde, quæso, Antipas, cuius Apostolus & Euangelista Ioannes in Apocalypsi meminit, ritum consignandi se didicit, nisi ab ipsis Apostolis, quos ille habuit doctores. De quo hæc refert Metaphrastes: *Virum hunc insum Antipam corripiunt homines impij, & ad Diane templum trahunt, ubi erat statua bouis arca, quam igne succenso multo ante inflammarunt. In hanc beatum Martyrem coniecerunt. At ille cum se signo Crucis munivisset, dum eiusmodi cruciatu torqueretur, diu in hunc modum precabatur: Deus, & ceter.*

Apoc. 2.

Apud Sur.
diem 1. April.

De Thecla quoque a beatissimo Apostolo Paulo fidei præceptis instituta idem prorsus refert Ado Treuerensis x x i j . Septemb. dicens: *Capta ab apparitoribus vi in so-*

Ado Tre-
uer.

cum

6. L. I. B. I.
cum iactaretur, sponte pyram ascendit, & signo Crucis facto, virili animo inter medias flammās stetit, subitoq. facta inundatione pluiarum, ignis extinctus est, & beata virgo illaesa, virtute superna erigitur. Eodemq. signo munita, vt idem Auctor testatur, illaesa quoque euasit a collectis, & congregatis serpentibus in fouea, in quam a furentibus populis deiecta fuerat.

Euphemia virgo sanctissima inter atrocia tormenta machinarum in vno Crucis signo praesidium sibi constituit. De qua haec habet Metaphrastes: *Postquam autem ipsa machine, dicto citius, fuerunt constructae, & Martyr in eas erat coniicienda, validis continuo in se paratis armis, nempe diuina Crucis figura, ac ea signata, aut (vt melius dicam) munita aduersus rotas processit, nullam quidem vulnū ostendens tristitiam.*

Confessorum ille maximus, & Monachorum pater Antonius, vt in eius vita scribit Athanasius, se Crucis signo contra innumeras daemonum pugnas, & hostiles incursiones armabat: discipulosq. suos, vt eadem armatura se munirent, sapissime hortabatur inter cetera, dicens: *Solent nocte venientes Angelos Dei se fingere, laudare studium, mirari perseuerantiam, futura praemia polliceri: quos cum videritis, tam vos, quam domos vestras Crucis armate signaculo, & confestim soluentur in nihilum.* Hoc vero, quod alijs commendabat, Crucis propugnaculo Antonium vsum fuisse testatur beatus Hieronymus, dum in vita sancti Pauli primi Eremitae refert illum ad Anachoretarum Principem visendum perrexisse, his verbis: *Et iam media dies desuper, coquente sole, feruebat; nec tamen a capto itinere abducebatur, dicens: Credo in Deum meum, quia quod mihi seruo suo promisit, ostendet. Nec plura his, conspiciens hominem equo mixtum, cui opinio Poetarum equo centauro vocabulum indidit: quo viso salutaris impressionis signo armat frons, & ab illo didicis iter ad Paulum.*

Constantinum etiam Imperatorem se hoc sacrosigno muniendi consuetudinem habuisse apud Ecclesiasticarum

Hierony.
in vita S.
Pauli to.
7.

fticarum hiftoriarum Scriptores videre est. Inter quos hæc habet Eusebius: *Hic Christum libero ore & sermone in omnes diuulgauit, atque interdum vultum saluari illa passionis signauit nota, nonnumquam trophæo illo glorioso plurimum se extollens.*

De Vit.
Const.
lib. 3. c. 2.

Præstantissimus Patriarcha Ioannes Chrysostomus spiritum Deo redditurus, eodem signaculo se ipsum insigniuit, vt refert Nicephorus Hiftor. Eccl. lib. x i j. cap. 37.

Sed post Apostolorum, Martyrum, Confessorum, & Virginum relata exempla, aliquot nunc Patrum sententijs propositum argumentum confirmemus.

Tertullianus Apostolorum ætati valde propinquus, ad eam, de qua agimus, signandi frequentiam comprobendam luculentissimum huiusmodi testimonium perhibet: *Ad omnem progressum, atque promotum, ad omnem aditum, & exitum, ad vestitum, & calceatum, ad lauacra, ad mensas, ad lumina, ad cubilia, ad sedilia, quacumque nos conuersatio exercet, frontem Crucis signaculo scriamus.*

De corona
militis.

His maxime concordant, quæ habet Hierosolymorum olim Antistes beatus Cyrillus Cathec. i i j. vbi dicit: *Fac hoc signum & manducans, & bibens, & sedens, & stans, & loquens, & ambulans: In summa, in omni tuo negotio.* Et cathec. x i j. *Non pudeat igitur nos Crucifixum confiteri, sed in fronte confidenter signaculum Crucis digitis imprimere, & in omnibus alijs Crux fiat. In panibus comedendis, & in poculis bibendis, & in ingressu, & egressu, & ante somnum, recumbendo, & surgendo, eundo, & quiescendo. Et quod ad pocula Cruce signanda attinet, præclarum a Theodoro refertur exemplum militis, qui, quod Christianus esset, detectus, ac increpatus, & in vitæ periculum adductus, quod in conuiuio, sumpto in manum poculo, non ante bibebat, quàm salutare Crucis signum adhibuisse.*

Hist. Eccl.
lib. 3
cap. 13.

Tertulliani & Cyrilli sententiæ se subscribit Ephrem Edissæ Diaconus beati Basilij contemporaneus, dicens:

In serm.
de Cruc.
ce.

Nos

Gal. 6. Nos Christiani a Gentilibus & Iudæis declinemus, posteq. nostros pretiosa, ac vinifica Cruce coronemus, dicentes cum Apostolo: Mihi absit gloriari, nisi in Cruce Domini nostri Iesu Christi. Pingamus in ianuis, atque in frontibus nostris, & in ore, & in pectore, atque in membris omnibus viuificum signum, armemur insuperabili hac Christianorum armatura: ea enim victrix est mortis, fidelium spes, lux orbis terra, paradisi referatrix, haresum profligatrix, demonum expultrix, monachorum adminiculum, firmamentum fidei, magna, salutarisq. custodia, & gloria perpetua orthodoxorum in æternum. Hanc, o Christiane, armaturam diebus singulis, & noctibus, horis, atque momentis in omni loco circumferre non desinas, nihilq. sine ipsa perficias: sed siue dormias, siue iter agas, siue euigiles, siue transmittas flumina, hac se lorica circumtege, membraq. tua omnia salutaris signo exorna, atque circumsepi.

Insignium horum Doctorum testimonijs adstipulans. *S. Ioan.* tur quæ S. Ioannes Chrysostomus scripsit in demonstratione contra Gentes, quod Christus sit Deus, dicens:

Quam omnes prius abhorrebant Crucis figuram, tanto opere quaerunt, atque adeo ea ubique inuenitur apud Principes, apud subditos, apud mulieres, apud viros, apud virgines, apud nuptias, apud seruos, apud liberos: subinde omnes ea se signant inscribendo in nobilissimum membrum: in fronte enim nostra quasi columna quotidie figuratur.

Prudentius. Ante somnum vero, frontem, locumq. cordis Cruce signandum docet Prudentius in Cathemerino hymno vj. dicens:

Fac, cum, vocante somno,

Castum petis cubile,

Frontem, locumq. cordis

Crucis figura signes:

Crux pellit omne crimen,

Fugiunt Crucem tenebra,

Tali dicata signo

Mens fluctuare nescit.

: Accedat ad hæc Gaudentij Brixienfis Episcopi, qui & cir-

& circa eadem tempora floruit locupletissimum testimonium, quo manifeste comprobatur, huiusmodi ad singulas actiones signandi ritum ab ipso Apostolo Paulo fidelibus fuisse traditum. Gaudentij autem verba sunt ista: *Sis sermo Dei, & signum Christi in corde, in ore, in fronte, inter cibos, in lauacris, in cubilibus, & in ingressu, & egressu, in letitia, in mœrore; ut iuxta beatissimi Pauli doctrinam; siue manducatis, siue bibitis, siue aliquid facitis, omnia in nomine Domini nostri Iesu Christi, qui vos vocauit ad gratiam, faciatis.*

Gauden-
tius tract.
1. de Lect.
Euang. &
in ord. o-
ctauo. 7

Sed ne in re luce ipsa clariore diutius immoremur, vno beati Paulini Nolani Episcopi testimonio in vita sancti Felicis, Natali 8. ut silentio præteream quæ Hieronymus, Augustinus, & alij sanctissimi, & eruditissimi viri de se Cruce signando scriptis tradiderunt, iam tandem caput hoc concludamus: Is enim Crucis laudes enumerans, ita subiungit:

*Nos Crucis inuictæ signum, & confessio munit,
Armatisq. Deo mentem, non quarimus arma
Corporis, & quamquam membris videamur inermes,
Arma tamen gerimus, quibus & sub pace serena
Contra incorporeos animis decernimus hostes.*

Hier. epi.
8. & 27. in
vita sancti
Pauli pri
mi Ere-
mitæ: &
in vita S.
Hilario-
nis.

Ambros.
ser. 58.
Aug. de
doct. chri
stia. lib. 2.
cap. 41.
De rect.
cath. cõ-
uers. de
verb. Do-
mini ser.
18. & de
tempore
serm. 131.

*De ratione se rite signandi, & de ijs, quæ ex
ea proficiuntur, vtilitatibus.*

C A P. I I.

AT ne quod graues ac docti viri accurate scriptis tradiderunt, a nobis quasi leuis momenti silentio inuoluatur, rite se signandi formam, eiusq. signationis rationem, ac vtilitates, antea quam vltèrius progrediamur, explicare minime grauati sumus. Rite igitur, quemadmodum ex Maiorum traditione, scriptoq. accepimus, cum se signare asserimus, quì dextera manu plena, tribus, vel etiam solis duobus digitis ad frontem
B admotis,

Ad ortho
dox. in re
spō. ad q.
118.

admotis, primo pronunciauerit: *In nomine Patris*. Subinde ad ventrem descendendo proferat: *Et Filij*. Mox ad pectus manum adducens, & a læuo ad dextrum latus deducens, subinferat: *Et Spiritus sancti*. Amen. Formationis autem huiusmodi ratio hæc redditur: Primum, quod manu dextera fiat, illa est causa, quam a beato Iuliano Martyre accepimus: *Quia honorabilior est dextera quam sinistra; tametsi situ, non natura, ab ea differt*. Si plena manu, hoc est, cunctis simul quinque digitis absoluitur, quinque Domini plagæ: Si tribus, sanctissima Trinitas: Si duobus folis, duæ in Christo naturæ significantur. Patris nomen primum ad frontem pronuntiatur, quippe qui, cum a nullo sit, reliquarum personarum fons est, & origo. Filius subinde a fronte ad ventrem descendendo exprimitur: quoniam qui a solo Patre gignitur, in temporis plenitudine in Matris Virginis utero descendens, in ea, & ex ea homo factus est. Manus vero ad pectus inter frontem, & ventrem medium reducat, cum dicitur: *Et Spiritus sancti*, in memoriam reuocat, quod Spiritus sanctus a Patre, Filioque procedens utriusque amor est, & quasi quidam ipsorum nexus. A læuo autem ad dextrum latus transitio docet, vere fideles ex hac vita, miseriarum plena, ad cælestem omnium gaudiorum refertam, & a læua damnationis ad saluationis æternæ dexteram per Crucis virtutem transferendos.

Commoda vero, ac vtilitates, quæ ex huiusmodi sanctæ Crucis cum inuocatione trium Diuinarum Personarum, formatione proficiuntur, hoc ordine explicantur.

Ioan. Perrell. libro
piarum
institutio-
num.

Primo, signum Crucis præcipua religionis nostræ capita complectitur, quæ credere & palam profiteri, Christiani omnes tenentur. Qualia sunt, sanctissimæ Trinitatis, Incarnationis, & Passionis Christi, remissionis peccatorum, denique gloriæ cælestis cognitio.

Secundo, in Crucis formatione sancta oratio continetur,

netur, quæ sese signantes Deum precantur, ut in omnibus actionibus auxilium præbeat.

Tertio, est oblatio, quæ nos, nostraq. omnia Deo offerimus.

Quarto, est quædam in dæmonem cōiuratio, ad eum scilicet depellendum, eiusq. vires frangendas, & obtendas.

Quinto, hac Crucis formatione, nostra spes excitatur in Deum, ut remissionem peccatorum obtinere possimus.

Sexto, in nobis charitas inflammatur, dum per hoc signum passionem Domini memoriâ complectimur:

Septimo, incitatur alacriter ad imitationem Crucifixi, & ad nostros labores patienter, immo alacri animo perferendos.

Sacra omnes actiones, quæ circa rem externam exercentur, non possunt sine signaculo Crucis absolui.

CAP. III.

HVmanarum, immo quarumcumque actionū, quædam in exteriorem, ut Philosophi dicunt, materiam transeunt, quædam verò in ipsarum auctore persistunt. Has in præcedenti capite complexi sumus; nunc de transeuntibus, siue illæ circa homines, siue circa quæcūque aliam rem exercentur, testimonia proferamus, ut aperte demonstrare possimus eas omnes sine Crucis signaculo ab ipso Christianæ religionis exordio tradito, compleri non posse. Et prætermisissis fere infinitis rebus notitiam hominum omnino excedentibus, quæ post Christi in cælos ascensum potentissimo signo Crucis factæ fuerunt, tantummodo nonnulla insignium viro-

rum dicta in medium afferemus, quibus res ipsa, quasi ex certissimis tabulis confirmetur. Qua in re primum nonnulla adducenda veniunt ex his auctoribus, qui de mysticis functionibus agunt, quas Ecclesiarum Dei Præsules ad hominum sibi traditas animas purgandas, & Deo dicandas ex Christi, & Apostolorum præscripto adhibere consueverunt. Inter quos primus occurrit sapientissimus ille Philosophus, ac fortissimus Martyr Dionysius Areopagita, beatissimi Apostoli Pauli discipulus, qui de Ecclesiastica hierarchia cap. 5. par. 2. mysteria consecrationis Episcoporum, & Sacerdotum explicans, post multa ita intulit: *Vnicuique autem eorum signum Crucis a consecrante Pontifice imprimitur.* Et cap. 6. eiusdem part: in quo de mysterio monasticæ consumptionis verba facit, ad finem dicit: *Vbi vero ille (Monachus videlicet) mundo renuncians ista omnia intente promiserit, consignans eum signo Crucis sacerdos tondet, trinas divina beatitudinis personas inclamans.* Et par. 3. *Communia quidem sunt & Pontificibus, & sacerdotibus, & ministris, cum cooptantur, & consecrantur, accessus ad diuinum altare, inflexio genuum, Pontificis manus admotio; signum Crucis, pradi- catio, siue laudatio, perficiens salutatio.*

Dion. A-
reopag.

Beatus quoque Iustinus, & ipse Philosophus & Martyr, & a Dionysij ætate parum distans, ad Orthod. post probatum ab ipso ritum orandi orientem versus, hæc habet: *Quemadmodum dextera manu in nomine Christi consignamus eos, qui hoc signo egent, quia honorabilior existimatur, quam sinistra; tamen si situ, non natura ab ipsa differt.*

S. Iustinus
In respō.
ad q. 118.

Sanctus quoque Cyprianus doctrina & Martyrio insignis diuersis in locis non pauca scripsit, quæ ad huius instituti confirmationem faciunt: sed satis erit mihi attulisse quod in libro de baptismo habet his verbis: *Neque enim Paulus pro nobis crucifixus est, aut nos gloriamur in Paulo, sed in Cruce Domini gloriamur, cuius virtus omnia peragis sacramenta: sine quo signo nihil est sanctum, neque aliqua consecratio meretur effectum.*

S. Cypria-
nus.

Confir-

Confirmat hoc ipsum apertissime magni Basilij locus liber de Spiritu sancto, cap. 18. cuius verba quoniam manifestissime redarguunt nostræ quoque tempestatis hæreticos, temere impieq. asserentes nihil in Ecclesia recipiendum præter illa, quæ in sacris Biblijs scripta sunt, paulo latius referre haud superuacaneum erit. Ea autem sunt: *Dogmata, quæ in Ecclesia prædicantur, quædam habemus doctrina scripto prodita: quædam rursus ex Apostolorum traditione in mysterio tradita recipimus, quorum utraque parem vim habent ad pietatem, nec his quisquam contradicit, quisquis sane vel tenuiter expertus est, quæ sint iura Ecclesiastica. Nam si consuetudines, quæ scripto proditæ non sunt, tamquam haud multum habentes momenti conemur reycere, impudentes & ea damnabimus; quæ in Euangelio necessaria ad salutem habentur. Immo potius ipsam fidei prædicationem ad nudum nomen contrahemus, quod genus est, ut eius, quod primum est, & vulgatissimum, primo loco commemorem, ut signo Crucis eos, qui spem collocarunt in Christo, signemus.*

Basilij
Magnus.

His adstipulatur in pluribus aureorum operum suorum locis Ioan. Chrysostomus & disertissime hom. 55. in Matthæum dicens: *Etenim omnia, quæ secundum nos fiunt per ipsam (scilicet Crucem) perficiuntur: et si generari oportet, Crux accedit: & si nutrirî, vel pasce mystico illo cibo, & si quodcumque aliud facere, ubique signum victoriæ nobis assistit.*

S. Ioann.
Chrysost.

Confirmantur eadem per illam sancti Ambrosij sententiam: *Marath amarissimus erat, misit in eum Moyses lignum, & dulcis factus est: Aqua enim sine prædicatione Domine Crucis ad nullos usus futura salutis est: cum vero salutaris fuerit Crucis mysterio consecrata, tunc ad usum spiritalis lanacri, & salutaris poculi temperatur.*

S. Amb.
lib. de in
itâdis c. 3
to. 4. in c.
15. Exo-
di de Ma-
rath, vel
Marach, si
ue Mara
fonte.

Beatissimus quoque pater Augustinus tract. 117. in Ioan. de hac propolita re inter alia hæc habet: *Postremo quid est, quod omnes nouerunt, signum Christi; nisi Crux Christi? Quod signum nisi adhibeatur frontibus credentium, siue ipsi aqua, qua regenerantur, siue oleo, quo chrismate un-
guntur, siue sacrificio, quo aluntur, nihil eorum rite perficitur.*

S. August.

Leo Ma-
gnus.

Leo præterea ille magnus huic veritati elegantissime fauet, cum inquit: *Traxisti Domine omnia ad te, ut quod in uno Iudææ templo obumbratis significationibus tegebatur, pleno apertoque sacramento, uniuersarum ubique nationum deuoto celebraret. Nunc enim & ordo clarior Levitarum, & dignitas amplior seniorum, & sacratiores est unctio sacerdotum: quia Crux tua omnium fons benedictionum, omnium est causa gratiarum, per quam credentibus datur virtus de infirmitate, gloria de opprobrio, vita de morte.*

Finem huic capiti imponat Stephani Papæ subscriptio de consecr. dist. v. cap. Numquid, relata in hæc verba: *Numquid non omnia sacerdotalis mysterij christiana Crucis figura perficiuntur? Numquid baptismatis unda, nisi Cruce sanctificata peccata relaxantur? Et, ut cetera prætereamus, sine Crucis signaculo quis ad Sacerdotij gradus ascendit?*

De benedictione supra populum.

CAP. IIII.

BREVITATI studens ritum omiseram in Ecclesia frequentissimum, & valde insignem, quo Episcopi, & Presbyteri populo benedicere consueuerunt.

Chrys. in
1. tom. 4.
Hom. 55.
in Matth.
Augus. de
pec. mor.
& remiss.
lib. 2. c. 26
Isidor. de
din. offic.
lib. 1. c. 17
Micro.
de Eccl.
obsecr.
cap. 21.

Qui benedicendi usus, ut ex Chrysostomo, Augustino, aliisque grauissimis Patribus non sine Crucis signo, & ut Isidorus ait, semper cum inuocatione sanctissimæ Trinitatis fiebat. Et cum sit Episcoporum, maiorumque Præsulum quodam modo proprius, Presbyteris tamen aliquando conceditur, cum nimirum absente Episcopo sacra faciunt, vel eo præsentem impetrata primum benedicendi facultate: Episcopi vero non solum sacra facientes, vel diuinis officiis præsentem, verum etiam ubique, & semper quoscumque sibi obuios inuenerint, intra diocesis suæ limites benedicere solent, licet non semper illam solemnitatem adhibeant, qua in fine Missæ vtuntur. Huius vero instituti antiquitas (nam non est quòd

de

de eiusdem frequentia, utpote cunctis notissima differamus) ex eo potissimum colligitur, quod in veteri testamento non tantum adumbrata, sed ad viuum (ut ita dicam) expressa fuit: nempe quando grandæuus ille Patriarcha Iacob Ephraim, & Manassem nepotibus suis, Gen. 48. ex Ioseph progenitis, & in proprios filios ascitis, benedixit. Etenim illud, quod Moyses refert, manus scilicet, supra puerorum capita commutatas fuisse, proculdubio intelligendū est, eius manus in Crucis figuram fuisse dispositas, & complicatas, ut doctissimus Hieronymus interpretatur his verbis: *Ephraim in typo esse populi de gentibus congregati Scriptura testatur. Fuit enim posterior filius Ioseph, & subripuit primogenita Manasse, qui natura primogenitus erat, sed in mysterio Crucis, decussatis manibus, qui stabat ad sinistram Iacob, dextra manus eius suscepit benedictionem. Cui interpretationi subscribit beatus Ioannes Damascenus dicens: Iacob adorans summitatem virgæ, alternatis, cancellatisq. manibus, filios Ioseph benedicens, signum Crucis manifestissime descripsit.*

In Hier.
cap. 31.
to 4.
Isido. Hi-
spalen. in
Genesim.

De Orth.
fide lib. 4.
cap. 12.

Rupertus Tuitiensis typum hunc clarissime explicauit his verbis: *Sine dubio transpositio manuum Crucis expressit figuram. Numquid in eo sic manus commutando casu Crucem figurauit? Numquid non poterat eadem ratione data Manassem ad dextram, Ephraim vero ad sinistram posuisse? poterat plane, & prophetico spiritu sciebat, quod per Crucem componenda esset benedictio, quam Legislator daret, vel qua in eo semine benedicerentur omnes Gentes. Quando vero idem ritus in nouo Testamento originem duxerit, supra primi capitis fronte indicauimus, cum scilicet omnium Patriarcharum Pater, Pastorum cunctorum primus & antesignanus, animarumq. omnium nostrum Episcopus a sibi charissimis discipulis, quos vere Principes super omnem terram instituerat, discessurus eleuatis manibus eis benedixit, quasi hac ratione significans, & admonens eos, qui ex ipsius instituto sacrificium offerunt, eo loco, id est, in fine Missæ, benedictionem solem-*

De oper.
Trin. li. 9.
cap. 24.

Psal. 44

Mat. 1.

niter

niter impertiri debere; quemadmodum ipse discessurus impertitus est. At si quis res a Redemptore nostro in mortali carne gestas diligenter consideret, plane confitebitur benedictionem illā fuisse finem Missæ per Christum maximum, & sempiternum Pontificem celebratæ. Nam in quem, obsecro, finem a palatio suo regio, hoc est, a summo cælo egressus, in mundissimum almę Virginis vterum descendit, nisi vt in eo tamquam in Pontificio ac sibi soli reseruato, cælestibusq. aulæis, omnibus videlicet virtutibus, & gratiarum coloribus, & splendoribus ornatissimo secretario, seu sacrario ad Missam celebrandam se præpararet, indumenta q. sacratissima ad tanta mysteria complenda necessaria, line quibus nec sacrificium offerre poterat, Patre, ac Spiritu sancto cooperantibus se indueret? Quod profundissimum mysteriū v. as electionis Paulus satis obscuram Dauidis sententiā elucidans explicauit in hæc verba: *Ideo ingrediens mundum, hostiam, & oblationem noluit, corpus autem aptasti mihi. Holocausta, & pro peccato non tibi placuerunt: tunc dixi: Ecce venio.* Ex quo secretario æternus ille Sacerdos secundum ordinem Melchisedech (vt Psalmographi verbis vtat) tamquam Sponsus de thalamo suo cælestibus choris, quæ omni populo lætissima futura erant, nuntiantibus, egressus exultauit vt gigas ad currendam viā. Quid autem fuit totius vita eius per huiusmodi semitas cursus, nisi solemnissima, & celeberrima quædam, quā tamen nō cognoscit mundus, supplicatio, vel processio ad sibi optatissimum, & a se tanto Pontifice consecrandum, & mirifice, ac ineffabili modo exornandum altare Crucis, supra quod salutaris illa victima immolāda, sacrificium illud incendendum, & holocaustum assumendum, ac consummandum, hoc est, Missa pro viuīs & defunctis celebranda erat? qua hominum vniuersa peccata remittuntur, & patriæ cælestis aditus a mundi exordio propter primi Parentis nostri culpam nobis clausus, reſeratur, & quæ hominum genus per eiusdem parentis

parentis ipsius inobedientiam incurrerat damna integre refarcita, sufficientissimeq. reparata, ac instaurata fuerunt. Ipsum vero sacrificium perfectissime absolutum fuisse, in ipso celebrationis actu significauit ipse, qui semetipsum obtulit Sacerdos, cum dixit: *Consummatum est.* Ioan. 19. Quod Apostolus paucissimis explicauit superiori a me mox relatæ sententiæ subiiciens: *Vna oblatione consummatum est in æternum sanctificatus.* Heb. 10. Quæ autem postea sequuta sunt, sepultura videlicet, ad inferos descensus, & a mortis resurrectio, quid fuerunt, nisi paucorum, quæ pro integra quadam solemnitate Missæ perficienda erant, adimpletio? Quibus admirabili ordine pro infinita sua sapientia absolutis, non quemadmodum Sacerdotes nostri, rursus Secretarium repetijt, ad sacras vestes deponendas, quia Verbum Dei, sicuti communis Theologorum schola docet, quod semel assumpsit, numquam dimisit, sed ad cæleste, ac æternum palatium, vnde venerat, remeaturus, celebratæ suæ Missæ ministris, illiusq. ab initio vsque in finem auditoribus, discipulisq. inexplicabili, ac incredibili maiestate benedixit: Quam benedictionem mox sequuta est auditorū dimissio. Nam quod in illius sacrificij incruenti commemorationis fine facit Diaconus, cuius est populū dimittere, tres illas voces pronunciando, *Ite, Missa est.*, suppleuerunt Angeli, qui in vestibus albis astiterunt, dixeruntq. *Viri Galilæi, quid statis aspicientes in celum?* Act. 1. Ac si dicerent: Hinc vobis discedere licet: non enim est quod diutius hoc in loco moram faciatis, Dominum ac Magistrum expectantes, qui non nisi in sæculi consummatione de cælo, ad quod, vobis videntibus, nunc ascendit, rediturus est.

Licet autem is a nobis ordo seruetur, vt prius scilicet per Diaconum dimittatur, & postea per Sacerdotē benedicatur populus; nihilominus in Missa Ambrosiana statuitur primo benedictio, & mox dimissio populi: Quem morem olim etiam a nostris seruatum fuisse,

Damasc.
lib. 3. de
orth. fide
cap. 27.
S. Tho. 3.
par. 9. q. 50.
art. 2. & 3.

Amalar.
de Eccl.
offi. lib. 2.
cap. 36.
Rab. mau.
de instit.
cler. lib. 1.
cap. 30.
Micro.
de Eccl.
offi. c. 20.

testantur Amalarius, Rabanus, & qui auctor fuit libri, qui Micrologus dicitur. Et quamuis huiusmodi regula rationi valde consona mihi videatur, videlicet ut non dimittatur populus antea quàm benedictionem acceperit; tamen quia vsu receptum est, ut Diaconus prius pronunciet, *Ite, Missa est*, quàm Sacerdos benedicat, non sine matura consideratione id factum crediderim. Ideo dicerem, illos, qui monent, ut prius dicatur: *Ite, Missa est*, quibus verbis dimittuntur qui sacris interfuerunt, quàm illi a Sacerdote benedicantur, non permittere ut populus dimissus exeat ante acceptam benedictionem: sed quòd illa Diaconi voce admoneantur audientes (quibus sit abundi facultas) ut se præparèt ad benedictionem per suum pastorem exhibendam, debita cum animi humilitate, & corporis summissione accipiendam.

De diuin.
offic. cap.
celebrat.
Miss. ad fi.

Quod his verbis indicare videtur Albinus: *Finis omnibus, adstanti, & obseruanti populo absolutio datur, inclamante Diacono: Ite, Missa est.* Quemadmodum & Amalarius sentire videtur laudabilem vsu in familiari consuetudine a Patrum exemplis acceptum, & in familiari conuersatione seruatum afferens in hæc verba: *Et ut cetera prætermittam, sanctorum Patrum exempla, causa compendij breuiter dico: Quando familiarem assatum habemus cum seruis Dei, more religionis nostræ antequam separemur ab illis, in vltimo benedictionem petimus.* Ut interim non omitam orationem, quæ, peracta communionem, dicitur, appellari benedictionem vltimam, & eam, quæ super populum, præfertim in ferijs Quadragesimæ dici cõsuevit, vltiorem vltimam nominari. Immo & ante sacrosanctæ Eucharistiæ sumptionem benedictio ab Episcopo porrigebatur, ut illi, qui Corpus Domini sumpturi essent, cælesti benedictione cumulari possent. De qua re in Concil.

Amalar. qui
bus supra.
lib. & cap.

Concil.
Tolet.

1111. Toletano, cap. xv i I. statutum est his verbis: *Nonnulli Sacerdotes post dictam orationem Dominicam statim communicant, & postea benedictionem populo dant: quod deinceps interdiximus: sed post orationem Dominicam benedictio*

etio

*die in populo sequatur. Verum ut tandem ad id, a quo digressi sumus, reuertamur, de multis pauca, & quidem illustriora testimonia in medium proferamus, quibus formandæ Crucis ritus super populum non minus utilitatem, quàm antiquitatem demonstramus. Occurrit autem primo loco beati Cyrilli Hierosolymitani de Crucis formatione sententia: *Magna est hac custodia (quasi dicat, & propterea non parum æstimanda) qua propter pauperes gratis datur, sine labore propter infirmos, cum a Deo sit hac gratia, signum fidelium, & timor demonum: triumphauit enim de illis hoc signo.* Deinde accedit Concilij Agathensis auctoritas, cui in hac re subscripsit Aurelianus. I I I. ubi Patres hunc ritum ita probarunt, ut cauerent maxime ne populus, qui die Dominico totas Missas audire iubetur, ante Episcopi, si adsit; sin minus, Presbyteri benedictionem egredi præsumat. Quæ cum quibusdam verborum formulis enuncietur, non ab re beatus Isidorus Hispalensis consuetudinem benedictionis, quæ a Sacerdotibus confertur populo, asserit a Moyse, qui ut Sacerdos solemniter diuina numinis inuocatione super populum precatus est, acceptam fuisse.*

Sed ex recentioribus Rodolphus Decanus Tungrensis, benedictiones, quæ populo adhibentur ab Episcopis, Martialis Episcopi Apostolorum discipuli testimonio, ex ipsorum Apostolorum ministerio deductas existimat.

** Quas (sunt autem hæc ipsa eius verba) probabile studium seruientium auxit, Ambrosius dicere capit.*

Hinc forte ortum habuerunt CXLVIIII. illæ benedicendi populo formulæ a Grimoldo Abbate collectæ, quas Iacobus Pamelius vir eruditissimus Tomo II. Liturgicon Ecclesiæ Latinæ adiungi curauit. Quorum plurima adhuc extant in libris Pontificalibus, licet in usu esse iam pridem desierint. Hæc dicta sint de Episcopali, & Sacerdotali benedictione. De qua re D. Iosephus Stephanus Valentinus Episcopus Vestanus in cap. xvi. libri de osculatione pedum Romani

Cathet.
13.

Agathen.
côcilium
cap. 47.
Aurelian.
côcil. 3.
cap. 43.
De cōsec.
d. 1. cap.
Missas.
die Domi
nico, & c.
Omnes si
deles.
De offic.
Ecccl. li. 2.
c. 17. nu. 6
De can.
obseruat.
proposit.
ultima.

* Ita habet, sed fortasse mēdo nō carēs, lectio.
Grimoldus.
Pamelius

Ioseph.
Stephan.
Valent.

Pontificis, quem nunc secundò additionibus locupletatum in lucem edidit, consulendus erit. Sicui autem gratum fuerit de benedictione mensæ sine Crucis signaculo haudquaquam fieri solitæ, vt credibile est, testimonium habere, legat Sancti Augustini initium cap. xxi lib. i. de peccat. mort. & remiss. vbi post pauca ita habet: *Verum & ipsos cibos, quibus ad necessitatem sustentandæ huius vitæ alimur, sanctificari, idem Apostolus dixit, per verbum Dei, & orationem, qua oramus utique nostra corpora refecturi.*

*Crucis in subiecta aliqua materia efformanda
vsum apud veteres frequentissimum
fuisse, probatur.*

C A P. V.

HVCVS QVE fatis dictum est de vsu formandi signum Crucis sola dextera, nullo in re signata vestigio, quod sensu percipi possit, relicto. Restat modo vt in huius primæ partis calce de signandi consuetudine dicatur, quando nimirum Crucis signum pictura, sculptura, textura, futura, vel quacumque alia ratione cernitur expressum. Prima autem huius rei demonstratio peti potest ex Ioannis vaticinio, vel potius (ni fallor) verissimo exemplo, quo illius crebra frequentia, atque etiam antiquitas probatur, vt in Apocalypsi legitur his verbis: *Ecce ego Ioannes vidi alterum Angelum ascendentem ab ortu solis habentem signum Dei vini, & clamauit voce magna quatuor Angelis, quibus datum est nocere terræ & mari, dicens: Nolite nocere terræ, & mari, neque arboribus, quoadusque signemus seruos Dei nostri in frontibus eorum. Et audiui numerum signatorum centum quadraginta quattuor. millia ex omni*

omni Tribu filiorum Israel. Ex tali itaque, tantoq. testimonio constat signandi antiquitas; necnō a numero signatorum eiusdem signi frequentia. Quod autem hæc verba de signo Crucis intelligenda sint, nemini dubium erit, qui Andream Cæsariensem, Bedam, Occumenium, & Anselmum in huius loci commentariis consulat: Omnes enim hoc Ioannis testimonium, ad Crucis significationem, & impressionem transfulerunt: quoniam signum, de quo loquitur Apostolus, præter invisibilem characterem, ac mysticam consignationem; impressionem quoque in fronte, seu sigillum quoddam significare, vis græcæ dictionis *σπαρῖδα*, qua utitur Ioannes, satis indicare videtur.

Eadem quoque ratione Ezechielis verba de littera *Ezec. 9.* *Thau*, quæ in frontibus gementium, iussu Dei imprimenda erat, de Cruce intelligenda sunt, teste Tertulliano lib. 1111. aduersus Marcionem, & beato Cypriano lib. 11. testimoniorum aduersus Quirinum cap. xx11. cum ea ex atramento efformanda dicatur: litteram enim illam, Crucis figuram habuisse, in eius Prophætæ commentariis cap. x1111. docet sanctus Hieronymus his verbis: *Antiquis Hebræorum litteris, quibus usque hodie utuntur Samaritani, extrema Thau littera Crucis habet similitudinem, quæ in Christianorum frontibus pingitur, & frequentis manus inscriptione signatur.*

S. Hieronymus.
Rupert. in
Ezec. li. r.
cap. 32.

Hanc vero formationem Crucis non solum in fronte, sed in alijs quoque membris, faciendam fore Isaias fuerat vaticinatus his verbis: *Iste dicit, Domini ego sum: & Isai. 44.* *ille vocabit in nomine Iacob. & hic scribet manu sua, Domino: & in nomine Israel assimilabitur.* Vti enim Procopius Gazæus in illius loci interpretatione demonstrat, permulti Christiani Crucis signa in palmis, & brachiis sibi inuri curabant; fortasse quemadmodum nunc a multis fieri videmus, qui in fronte, seu in manibus seruorum, qui Christi fidem in adulta ætate suscipiunt, Crucis signum cæruleis notis inurunt.

Procopius.

Antiquitatem sculpendæ Crucis in petra ad ipsorum sanctissimorum Apostolorum ætatem referri debere, beatissimi Thomæ Apostoli historia ab Oforio Siluensi Episcopo de rebus ab Emanuele Lusitanæ Rege in India gestis lib. 11. ad finem eleganter narrata demonstrat his verbis: *Anno a Christo nato M. D. LXII. Pontifex Cochienfis misit ad Henricum Cardinalem testimonium publicis litteris consignatum, quod historiam commemoratione dignam continebat: In ea ciuitate, quam diximus appellari Malipurem, & nunc, postquam a Lusitanis frequentari cepit, Sancti Thomæ ciuitas appellatur, erat in colle sacellum adificatum, eo quod affirmarent incole in eo loco Thomam fuisse a Religionis hostibus interfectum. Erat autem hoc solemniter institutum, ut in eo sacello octo diebus ante Natalem Christi res diuina fieret, & omnes Christiani in eo conuenerent. Fuerat autem ante quattuordecim annos in eo colle inuenta Crux in lapide incisa, in cuius fastigio columba imago desidebat, basis uero erat in specie quadam herbarum, quæ diffundi latissime videbantur collocata, & tam fastigium quàm basis, & brachia in liliorum formam desinebant. Arcus eam ex eodem lapide factus undique muniebat. In arca erant incisa litteræ, quas nemo legere poterat. Totum hoc opus integrum, quod erat satis magnum, fuit super altare eiusdem sacelli multorum operis statutum. Hæc Oforius. Subijcitur ibidem insigne miraculum guttarum sanguinis a Cruce illa in lapide insculpta defluentium, sed ne longius digrediamur, satis sit locum indicasse.*

Petrus
Dam.
Iuo Carnoten.

Pingendi autem in muris Crucis uiuificæ signum frequentem usum inter cetera demonstrant Templorum nostrorum parietes, qui in eorum dedicatione antiquissimo de more duodecim crucibus rubro colore formatis exornantur, & insigniuntur, ut referunt Petrus Damianus serm. 1. de dedicatione Ecclesiæ, & cœtaneus ipsius Iuo Carnotensis Episcopus serm. de Sacramentis dedicationis in lib. de diuinis officiis. Cuius consuetudinis non solum in Ecclesiasticis, sed etiam in prophanis, & communibus fabricis, & ædificijs antiquitatem, & frequentiam

quentiam perpulchro hoc exemplo ostendit Ruffinus ad Eusebij historiam lib.xj.cap.xxix, dicens: *Sed & illud apud Alexandriam gestum est, quod etiam Thoraces Serapis, qui per singulas quasque domos in parietibus, in ingressibus, in postibus etiam, ac fenestris erant, ita abscessi sunt omnes, & abradi, ut ne vestigium quidem usquam, uel nominis appellatio, aut ipsius, aut cuiuslibet alterius demonis remaneret. Sed pro his Crucis Dominica signum unusquisque in postibus, in ingressibus, in fenestris, in parietibus, ac columnis pingeret. Quod cum factum esse hi, qui superfuera ex paganis, viderent, in recordationem rei magna ex traditione sibi antiquitus commendata venisse perhibentur. Signum hoc nostrum Dominica Crucis inter illas, quas dicunt *ἱερὰ ἑλκῆ*, idest sacerdotales litteras habere Aegyptij dicuntur, velut unum ex ceteris litterarum, quae apud illos sunt elementis. Cuius littera, seu vocabuli hanc esse asserunt interpretationem: *Vita ventura*. Dicebant ergo, qui tunc admiratione rerum gestarum conuertebantur ad fidem, ita sibi ab antiquis traditum, quod hac, quae nunc coluntur, tamdiu starent, quamdiu viderent signum istud venisse, in quo esset vita. Unde accidit, ut magis hi, qui erant ex Sacerdotibus, vel Ministris templorum, ad fidem conuerterentur, quam illi, quos errorum praecepta, & deceptionum machina delectabant. Haec autem ubique & ab omnibus cuiuscumque conditionis hominibus in usu positum fuisse, eleganti carmine explicauit Prudentius:*

*Reges, Prophetae, Iudices, & Principes,
Virtute, bellis, cultibus, sacris, stylo,
Non desisterunt pingere hanc formam Crucis.
Crux prae-notata, crux adumbrata est prius,
Crucem vetusta comibant sacula.*

Sed adiungemus Ioannis Chrysostomi testimonium, in quo frequentissimus Crucis usus maxime commendatur; ait enim de Cruce: *Hanc ubique celebrari videre licet, in domibus, in foro, in solitudine, in vijs, in montibus, in collibus, in vallibus, in mari, in nauigio, in insulis; in lectis, in vestibus, in ramis, in thalamis, in symposijs, in vasis argenteis, in aureis, in margaritis, in murorum picturis, in corporibus brutis male affectis,*

Ruffinus
lib. 2. sed
11. in ord.
ad lib. Eu
feb.

Greg. Na-
zia. in in-
somnio
de Ana-
stasia Ec-
clesia.

In Peri
Stepha-
non, hym
no 10.

In demō-
stra. quod
Christus
fuit Deus.

his: in bello, in pace, in diebus, in noctibus, in delicatorem cho-
reis, in Monachorum ordinibus, adeo certatim donum hoc mira-
bile rapiunt omnes. Et paucis omnia complectens adiungit: In
precibus Crux, in purpureis Crux, in diadematis Crux,
in armis Crux, & in mensa sacra Crux, & in toto orbe Crux,
& super solem fulget Crux. Horum similia referantur in
Nicæna Synodo 1 I. ex verbis Leontij Episcopi Neapo-
leos Cypri in eo Concilio recitatis, quæ sic habent: Hinc etiam
propter Christum, Christi-que passionis passim in Ec-
clesijs, in domibus & in foro, in pieturis, in sindonibus, in prom-
ptuarijs, in vestibus, omnibus denique in locis hanc figuram po-
nimus.

To. 2. Cō
cil. in Sy-
nodo Ni-
cæno 2.
act. 4.

Cassio-
dorus.

Nec prætereundum videtur quod Cassiodorus Tri-
 pert. hist. lib. 1. cap. 1 x. refert ex Socrate de Constan-
 tino Magno dicens: *Assuescens autem milites, ut, sicut ipse,*
Deum colerent, signo Crucis eorum arma signabat.

Antiquissimus ergo est, & illis temporibus frequentis-
 simus erat usus circumferendi signum Crucis in vestibus
 sacris, in indumentis Monachorum, & in ipsorum etiā
 militum armaturis. Vnde non est mirum, quod tam
 multis, varijsq. modis hic usus in Ecclesia Catholica fue-
 rit mirabiliter propagatus. Taceo nunc Cruces ex pre-
 tiosa materia, elegantiq. artificio varijs, multiplicibusq.
 ministrorum Ecclesiæ indumentis appositas, quæ in-
 tuentium oculos iucundissime afficiunt.

Quis nunc enumerabit tot Equites illustrium militia-
 rum; tot Monachos, & alios regularis vitæ professores,
 tam multis, & in materia, & in forma, & colore diuersis
 Crucibus insignitos? Omitto innumerabiles exercitus

Cruce si-
gnati.

Cruce signatorum, qui primum sub Urbano 1 I. dein-
 de sub Innocentio 1 I. pro recuperanda Terra sancta
 certatim arma sumpserunt. At illud minime præter-
 eundum, quod sacri signi huius in lapidibus insculpendi
 adeo frequens apud veteres usus fuit, ut in silicibus, ac
 marmoribus, humi, & in pavimentis, licet imperite ni-
 mis, & irreligiose, insculperetur. Id ne quis in posterum
 auderet,

auderet, Theodosij & Valentiniani legibus ita cautum fuit: *Cum sis nobis cura diligens per omnia superni numinis religionem tueri, signum Saluatoris nostri Christi, nemini lice-
re vel in solo, vel in silice, vel in marmoribus humi positis insculpere, vel pingere; sed quodcumque reperitur tolli, grauissima pœna mulctando eos, qui contrarium statuti nostris tentauerint, specialiter imperamus. Datum xij. Kalend. Iun. Hierid. & Ar-
dubario Consulibus.*

L. vnica,
cap. Ne-
mini lic.

Cuius prohibitionis vsus quantopere Deo gratus ex-
titerit, manifestissime declarauit omni memoria dignū
exemplum, quod Paulus Diaconus in historia Miscell.
lib. xvij. & beatus Gregorius Turonen. de Tiberio II.
Imperatore narrant in hæc verba: *Et quia magnus, &
verus Christianus erat, dum hilari distributione pauperibus
opem præstat, magis ac magis ei Dominus subministrat. Nam
deambulans per palatium, vidit in pavimento domus tabulam
marmoream, in qua Crux marmorea erat insculpta, & ait: Cru-
ce tua, Domine, frontem nostram munimus, & pectora: & ecce
Crucem sub pedibus conculcamus. Et dicto citius, iussit eam
auferri. Defossaq. tabula, atque erecta, inueniunt subter
& aliam hoc signum habentem, quam & iussit amo-
ueri: qua amota reperiunt & tertiam, iussuq. eius hæc
etiam aufertur: ea vero sublata, inueniunt arcam ma-
gnam thesaurum habentem supra millia centenaria
auri, sublatumq. aurum pauperibus adhuc abundan-
tius, vt consueuerat, subministrat; nec ei Dominus ali-
quid deficere permittebat pro bona voluntate. Sed cum
hominum iniuria Imperatorum constitutio in desuetu-
dinem abiisset, in vj. Synodo, can. 73. omnium Patrum*

Paulus
Diaconus
Greg. Tu-
ronen.

Syn. 6.

*Cum Crux nobis viuifica illud salutare ostenderit, nos
omnem diligentiam adhibere oportet, vt ei, per quam ab antiquo
lapsu saluati sumus, cum, qui par est, honorem habeamus.
Quamobrem & mente, & sermone, & sensu adorationem ei
tribuentes, Crucis figuras, quæ a nonnullis in solo, ac pavimento*

D

sunt,

sunt, omnino deleri mandamus, ne incedentium conculcatione victorie nobis trophæum iniuria afficiatur. Eos itaque, qui deinceps Crucis signum in solo construunt, segregari decernimus. Sed si fortasse alicui Crucis in ære, & metallis alijs imprimendæ frequentia, vel antiquitas satis nota non sit, numismata is, argenteos scilicet, & aureos nūmos inspiciat, qui a Constantini magni felicissimo illo sæculo ad nostrā vsque ætatem præclarissimæ Crucis imagine insigniti peruenere. Ita enim illi cum signo Crucis excudi solebant, vt tanti miraculi, atque victoriæ, quæ per Crucem Imperatori contigerat, memoriam retinerent, vt testatur Sozomen. hist. Eccles. lib. 1. cap. 8. his verbis:

Sozom.

Quin etiam suam imaginem, seu in nummis expressam, seu depictam, in tabulis iussit semper hoc quoque diuino signo inscribi, consignariq. Cuius rei etiam adhuc testimonio sunt imagines eius hac figura descriptæ. Quod forte ab eodem auctore acceptum retulit Nicephorus hist. Eccl. lib. 7. cap. 47.

Nicephorus.

in hæc verba: Quam etiam ob causam eam (videlicet Crucem) summopere in veneratione habens in nummis suis & imaginibus omnibus insculpi, inscribiq. fecit. Testantur hoc imagines eius, eo habitu, & forma propositæ.

Sed quid Lectorem moror in ostendenda Crucis antiquitate, ac frequentia tantummodo in sacramentis, & sacramentalibus, & in ceteris ad diuinum cultum vel quacumque alia ratione ad Christianam pietatem spectantibus, cum & ipsa quotidiana munia, in quibus miseri homines mortales pro corporis vita tuenda se diuersis modis excruciant, non sine Crucis figura in illis quodam modo impressa expleri possint, licet, vt beatus Iustinus ait, non omnes aliud agētes aduertant? In cuius rei considerationem Mediolanensem Pastor Ambrosius, vt omnes adduceret, dicebat: *Grande Crucis est sacramentum: & si intelligamus, per hoc signum etiam mundus ipse saluatur: nam cum a nauis scinditur mare, prius ab ipsis arbor erigitur, velum distenditur, vt Cruce Domini facta, aquarum fluenta rumpantur, & hoc Dominico securi signo portum salutis petunt,*

Iustin. 2.
pol. 2.
Ambr. to.
5. serm. 2.
de Cruce
in Para-
secue, in
ord. 52.

petunt, periculum moris euadunt. Et infra: Sed & bonus agricola cum parat terra solum vertere, & vitæ alimenta perquirere, non nisi per signum Crucis id facere conatur. Dum enim aratro dentale subijcit, affigit aures, stiuam inserit, figuram Crucis imitatur: compactio enim ipsa similitudo quadam est Dominica passionis.

Neque vero Crucis antiquitatem, ac frequentiam in ijs tantummodo, quæ hominum industria & arte fiunt, licet agnoscere, cum simul ipso cum tempore Crux esse cœperit, & in ipso cælo, quod vnâ cum tempore, & motu initium habuit, ab eius opifice figurata descripta, videatur, & quidem tanta cum æquali partium commensuratione, atque frequentia, vt numquam non appareat: & in ipsismet hominibus brachiorum apta dispositione cernatur, eodem Ambrosio teste, qui de cælo ita dicit: *Calum quoque ipsum huius signi figura dispositum est. Nam cum quattuor partibus, hoc est, Oriente, & Occidente, Meridiano, & Septentrione distinguitur, quattuor quasi Crucis angulis continetur. De homine vero subdit: Ipsius etiam incessus hominis cum manus leuauerit, Crucem pingit, atque adeo eleuatis manibus orare precipimur, vt ipso quoque membrorum gestu passionem Domini fateamur. Tunc enim citius nostra exauditur oratio, cum Christum, quem mens loquitur, etiam corpus imitatur. Et paulo infra: Hoc igitur Dominico signo frangitur mare, terra colitur, calum regitur, homines conseruantur.*

S. Ambr.
eisdē to.
& serm.

Horum similia S. Hieronymus, siue quicumque fuerit auctor eorum, quæ illi adscribuntur, commentariorum in Marcum, explicauit his verbis: *Ipsa species Crucis, quid est nisi quadrata forma mundi? Oriens de vertice fulgens: Arcton dextra tenet: Ausfer in laua consistit: Occidens sub plantis firmatur. Vnde Apostolus dicit: Et sciamus, quæ sit altitudo, & latitudo, & longitudo, & profundum. Aues quando volat ad æthera, formam Crucis assumunt: homo nasans per aquas, vel orans, forma Crucis vehitur: nauis per maria antenna Crucis similata sufflatur. Et re vera nulla est figura om-*

In Marc.
cap. 15.
to. 6.

Ephes. 3.

De diu.
off. cap. de
singul. ve-
stibus.

Marsil. Fi-
cin. lib. 3.
cap. 18. de
vit. cxli-
tus cōpa-
randa, &
Cæli. Rho-
dig. li. 10.
Antiq. le-
ctio. cap. 3
tom. 1. in
Editioni-
bus recen-
tioribus,
& ab eo-
dē auctis:
in vetu-
stioribus
autē lib. 6
Marsilius
floruit an-
no 1490.
Rhodig.
autē cir-
ca annum
1500.

Lib. 4.

nibus tam natura, quàm ab arte effectis ita communis, nec oculis hominum æque grata, sicut est figura Crucis. Cui Albinus Flaccus inter omnes creaturas apicem, primumq. concedit, dicens: *Quattuor litteræ in lamina scriptæ, quattuor sunt cornua Crucis totum mundum complectentis: Cruci enim Christi in omni creatura apex conceditur, quæ omnium fidelium frontes signantur.* Ad cuius figuræ inter ceteras omnes dignitatem intelligendam, non ingratum erit Lectori hic scribere, quæ Marsilius Ficinus, & Cælius Rhodiginus de illa ex Arabum sententia referunt: *Traditum est ab Arabibus, Crucis figuram videri ceteras quotquot sunt præstare, quoniam superficies prima, Cruce describitur: sic enim in primis longitudinem habent atque latitudinem, primaq. hæc figura est & omnium recta quàm maxime, constansq. rectis angulis quattuor: Effectus vero celestium maxime per rectitudinem angulorum, radiorumq. resultant. Tunc enim stellarum potestas præualeat, quando caly quattuor habeant angulos, vel cardines potius, Orientis videlicet, Occidentis, & medij utrinque caly. Sic vero disposita radios ita coniungunt in se inuicem, ut Crucem inde constituent: Et infra: Ego vero quod de Crucis excellentia fuit apud Aegyptios ante Christi aduentum, non tam muneris stellarum testimonium fuisse arbitror, quàm virtutis præsagium, quam a Christo fuerat acceptura.*

Nec illud consideratione indignum est, quod Pererius Valentinus in egregijs suis in Danielelem commentarijs de Stella, quæ Crucifer dicitur, se accepisse narrat his verbis: *Qui ad nos scripserunt, vel etiam venerunt ex regione Americana, quæ calo Antarctico subiecta est, affirmarunt in eo calo, nec tot cerni stellas, quot in Arctico, easq. minus fulgere, aspectuq. notabiles, præter unam quandam valde illustrem syderum speciem & effigiem, quam Cruciferum appellant. Hoc sydus quattuor ex fulgentibus ex æquo fere distantibus stellis in similitudinem Crucis pulcherrimæ figuratum est. Ex quibus optime deduci potest imaginis Crucis excellentia, quæ tanta est, ut non tantum figuras naturales, verum & Astro-*

Astrologicas, & Mathematicas superet.

Sed vt ad ritum Cruce signandi sermonem conuertamus, innumera profecto alia Patrum dicta, & aliorum Sanctorum exempla prope infinita nō deessent ad eiusmodi ritus antiquitatem, & frequentiam confirmandam: a quibus supersedendum existimaui, quia per ea, quæ dicta sunt, satis superq. probatas censeo: Nam quæ maior antiquitas, vt de hac præcipue loquamur, desiderari potest, quàm quòd hic se signandi adhibito Crucis signaculo vsus vnà cum ipso nomine Christiano, Christianisq. ipsis initium, & ortum acceperit, progressionemq. fecerit? At clarissime iam constat, eos, qui post Christum Ecclesiæ fundamenta iecerunt, sanctissimos videlicet Apostolos, & qui eandem surgentem suo sanguine irrigarunt, hoc est beatissimos Martyres sacra huiusmodi figura se pie muniuisse, atque signasse, eiusq. vsum omnibus fidelibus tradidisse. Cuinam vero hæc exacte ac diligenter explanata nō videatur? Patet enim neminem ex ijs, qui Christo nomen dederunt, ab ipsa nascentis Ecclesiæ infantia, Christiano huiusmodi symbolo tum ab alijs, tum a semetipso, & quidem sæpissime, insignitum non fuisse. Ne igitur in re manifestissima frustra versari, ac laborare videamur, ad ea, quæ in secundo Libro explicare proposuimus, redeamus; sed prius nonnulla enarramus exempla illorum, qui grauissimamna passi sunt ob
 Crucis viuificæ signaculum neglectum.

*Varijs exemplis ostenditur, illos multis periculis
subiectos esse, qui se, suaq. signaculo
Crucis munire negligunt.*

C A P. V I.

Greg. Ma-
gnus li. 1.
Dial. c. 4.

MANIFESTISSIME demonstrat id, quod pro-
bandum sumpsimus, historia de sanctimoniali a
Magno Gregorio lib. 1. Dialog. cap. 4. in hæc verba re-
lata: *Quadam die una Dei famula ex eodem monasterio Vir-*

Greg. li. 1.
Dial. c. 11.

*ginum, hortum ingressa est, quæ lactucam conspiciens concupiuit,
eamq. signo Crucis benedicere oblita, auide momordit: sed arrepta
a demone protinus cecidit. Facit præterea ad eandem rem
confirmandam quod idem grauissimus Auctor de Mar-*

De rebus
Angl. lib.
2. cap. 21.

*tyrio monacho refert in hunc modum: Dum quadam
die Fratres illius panem subcinericium fecissent, eiq. obliti es-
sent signum Crucis imprimere sicuti in hac prouincia crudi pa-
nes signo signari solent, ut per quadras quattuor partiti videan-
tur, idem Dei famulus affuit, eiq. referentibus signatū non fuisse
cognouit. Cumq. iam panis ille prunis esset, & cineribus cooper-
tus, dixit: Quare hunc minime signastis? Qui hoc dicens, signum
Crucis digito contra prunas fecit. Quo signante, protinus im-
mensum crepitum panis dedit, ac si ingens in ignibus olla cre-
pisset. Qui dum coctus postmodum fuisset, ab igne subtractus,
ea Cruce signatus inuentus est, quam non contactus, sed fides fe-
cit. Extat tertio insigne Ketelli exemplum a Gulielmo
Neobrigensi scriptis traditum in hæc verba: Contigis Ke-
tellum aliquando eorundem pene hastium, demonum sauitiam ex-
periri: Fessus ex agrario opere domum reuerfus, dum somno gra-
uaretur, sacri se signaculi nequaquam impressione munivit. Dor-
mienti loco solito soli, astiterunt duo demones saui nimis, atque
terribiles: & excitatum apprehendentes: Surge (inquiunt) Ke-
telle, incidisti in manus nostras, infestos sentire habes, quos pro-
uocare minime timuisti, quorum mysteria toties prodidisti. Ille
subito casu attonitus nomen Christi inuocare, & signare se vo-
luit,*

luit, nec valuit: manus enim eius ac lingua tenebantur, ne sacri vel signi, vel nominis munimine tueretur. Noli (inquiunt) Ketelle frustra conari, manum, linguamque tuam ligauimus, ut nihil tibi aduersum nos valeat suffragari. Cumque de illo ita triumphare viderentur, & malum, quod ei facere cogitabant, verbis minacibus atque insultatorijs praeuenirent, repente iuuenis splendidus bipennem manu ferens introijt, stansque in medio bipenni molliter digito tacto sonitum ingentem dedit. Quo sonitu exterriti daemones, relicto, de quo triumphare ceperunt, homine, diffugerunt. Tunc accedens iuuenis, quem eiusdem hominis credo fuisse Angelum, Ketelle (inquit) negligentia tua pene te nunc periclitari fecit, caue ne ulterius te inueniens insidiantes tibi hostes inermem. Inermem proculdubio eum dixit, quia sibi Crucis signum non impresserat.

Hæc in eum finem relata sunt, ut nos aliorum periculis cauti effecti, & quantæ virtutis Crucis signum sit edocti, numquam fortissimo huiusmodi clypeo nos ipsos munire negligamus, nullum opus inchoemus, nisi hoc sacro signo pie præmissio. Pie, inquam, quia non desunt, qui eodem impie, & in suam quidem ipsorum perniciem abutantur: quos admonens Origenes dicit:

Vt ergo non exprobremur ab insipiente diabolo, conuertamus nos ab omnibus iniquitatibus nostris, ne deprehendens in nobis maculas peccatorum, id est, suæ voluntatis insignia, exprobet, & dicat: Ecce hic Christianus dicebatur, & signo Crucis signabatur in fronte, meas autem voluntates, & mea chirographa gerebat in corde. Quod apertius explicatur a beatissimo

Patre Augustino in hæc verba: *Omnis, qui ad aliquid malum opus currit, si forte pedem impeerit, signat os suum, & nescit, quod includit potius demonem, quam excludat. Tunc enim bene se signaret, & diabolus de corde suo depelleret, si se ab illo opere nefando reuocaret. Vnde & supra de ijs, qui ad spectacula furiosa, vel cruenta, vel turpia currebant, præmiserat: Qui si forte in ipso circo aliqua ex parte expauescant, continuo se signant, & stant illic portantes in fronte, unde abscederent si hoc in corde portarent. Pie autem illum se si-*

gnare

Sup Psal.
38. hom. 2

Lib. 56.
homilia-
rum. ho-
mil. 21.
sub init.
Ruper. in
Leuit. lib.
1. cap. 33.

gnare crediderim, qui imprimendo sibi Crucis signaculum, illo se totum, & omnes suas actiones sanctissimæ Trinitati, in cuius nomine se signat, dicare: & eius numini consecrare studet, & quasi cum Apostolo dicit:

Gal. 2. Christo confixus sum Cruci: Manus, inquam, pedes, & reliqua membra mea confixi, ut numquam proprio, sed semper Christi arbitrio illis utar, vnoq. eius spiritu ducar, ut qui illius semper voluntatem, & meam nunquam, me facturum toto & sincero corde profitear.

Hinc vero omnia feliciter cuique cessura, omniaq. consolationis genera euentura non secus ac si ipsum Dominum in forma visibili præsentē haberet certo polliceor,

*De Sanct.
Serm. 19.
in li. 10.*

idq. nō meis, sed Augustini sanctissimi Patris verbis, qui ita ait: *Quod faciebat in terris corporis Christi præsentia, hoc facit cū fideli inuocatione nominis Christi victoriosa Crucis insignita memoria.* Et paulo superius ait: *Qui hoc mare magnū, & spatiosum, in quo sunt reptilia, quorum non est numerus, absque naufragio transire desiderat, Crucem sequatur, Crucem teneat, & eam non deferat donec ad optatum salutis portum perueniat. Hoc cursum nostrum dirigit: Hoc ad agonem nos instruit: Hoc in luctamine nos adiuvat: Hoc ad victoriam prouehit: Hoc maleficia destruit, & omnia demonum machinamenta ad nihilum redigit.*

*S. August.
de temp.
serm. 181.
cap. 3.*

Hæc Augustinus: qui cur Dominus crucifigi, & non præcipitari, vel lapidari, seu gladio truncari voluerit, rationem afferens, inquit: *Vtique causa nostra salutis hoc fecit. Mors enim Christi, signum est nostra salutis. Noluisset ergo lapidari, aut etiam gladio percuti, quia videlicet nos semper nobiscum lapides aut ferrum ferre non possumus, quibus defendamur: elegit vero Crucem, qua leui motu manus exprimitur, qua & contra mundi versutias munimur.*

FINIS LIBRI PRIMI.



LIBER



LIBER SECVNDVS

De antiquitate ritus deferendi Vexillum
viuificæ CRVCIS summo Pontifici
in publicum prodeunti.



Crux corpore, & mente tollitur.

C A P. I.

INNOCENTIVS Pontifex huius no- Sem. 1. de vno Martyre.
minis III. (vt hinc secundi Libri
exordium ducamus) interpretans il-
lud Lucae 9. *Qui vult venire post me, ab-
neget semetipsum, & tollat Crucem suam,
& sequatur me,* docet Crucem tolli,
vt ipsius verbis utar, spiritualiter & materialiter. Et
prosequitur: Spiritualiter quidem duobus modis, per
mentis scilicet compassionem, & carnis afflictionem.
Cum enim, ait, quisque cruciatur in corde compati-
endo proximo, tunc utique Crucem tollit cum Apostolo,
qui dicebat: *Quis infirmatur, & ego non infirmor? quis scan-* 2. Cor. 1.
dalizatur, & ego non uror? Cum vero cruciatur in cor-
pore, affligendo seipsum, tunc etiã cum Apostolo Cru-
cem tollit, qui ait: *Castigo corpus meum, & in seruitutem* 1. Cor. 9.
redigo, ne forte cum alijs predicauerim, ipse reprobus efficiar.
Alia præterea ratione, materialiter videlicet, duobus
quoque modis Crux tollitur: Nam in signum religio-
nis quidam arctioris vitæ genus amplexati, Crucem
E portant,

To. 3. Bi-
blior. SS.
Patrū, de
prouiden-
Dei. lib. 3

Matt. 27

Apud Sur.
die 8. Iu-
lij to. 4.
Lipom.
tom. 6.

portant, vt ostendant se spirituali & speciali quodā mo-
do mancipatos esse ad obsequium Crucifixi. De quibus
& speciatim de illis, qui foris tantum, & non in corde
Crucem gestant, sapide scripsit Saluianus Massiliensis
Episcopus in hæc verba: *Nam & qui renunciare diuitijs vi-
dentur, non sic renunciant vt penitus renunciaſſe videantur: &
qui putantur Crucem portare, sic portant, vt plus habeant in
Cruce dignitatis, quàm in Pafione supplicij.* Alij in suppli-
cium, vt qui pro iustitia vel offensa olim Cruci affige-
bantur, quemadmodum iuxta Crucem IESV duo la-
trones crucifixi fuerunt, vnus a dextris, alter a sinistris.
Nostrū autem institutū est de materiali, & ea quidem
publica gestatione tractare: cuius plane, publicæ, in-
quam, manifestaq. gestationis, licet ante Constantini
magni Imperatoris ad Christum conuerſionem, nul-
lum exemplum hætenus inuenire potuerim, id enim
sæuientium in Christianos Tyrannorum impietas, &
perſequentio, nec passim, nec palam, nec honorifice
fieri permittebat; nihilominus tamen præter priuatam
Crucem, quam quisque Christianus apud se deferabat,
qualem porro gestasse Procopium martyrem ex auro
confectam refert Metaphraſtes, facile adducor vt cred-
dam, Christi fideles nullibi ad sacra facienda, & susci-
pienda: & ad Dei verbum in communi audiendum
conuenire solitos fuisse absque sanctissimi Vexilli Cru-
cis eleuatione, salutatione, & adoratione. In locis
vero, quorum incolæ omnes, vel pars illorum
maior Dei, & Virginis Filio nomen dede-
rant, nemini dubium esse arbitrarer,
salutaris Crucis trophæum tam-
quam victoriæ signum pa-
lam & publice circum-
ductum.

*De Crucis erectione, ac fixatione, durante
idolatrarum Principum in Chri-
stianos persecutione.*

CAP. II.

CRUCIS, quam materialem dicimus, duplex in Ecclesia semper fuit usus, nam vel in certo loco statui, & affigi, vel de loco ad locum circumferri consuevit. De utroque dicendum est: Et primo de fixatione, tum quoniam hæc circumlationem tempore præcessit, tum etiam, & maxime, quia de circumferendæ Crucis usu longe prolixior sermo habendus est: ad illum enim omnis hæc a nobis tamquam ad scopum dirigitur disputatio. Quis autem in dubium reuocet sanctæ Crucis fixationem multis annis antecessisse eiusdem circumferendæ ritum, plurimasque alias, ac fere sacras omnes Ecclesiæ ceremonias? Declarat id in primis usus sacratissimæ illius, ac felicissimæ Crucis, propter quam ceteræ Crucēs omnes in veneratione esse cœperunt: nam in Caluariæ monte primum defixa fuit: in quo post aliquot sæcula Helenæ Imperatricis iussu celeberrimum templum ædificandum erat, quasi præsagium, & felicissimum quoddam auspicium illius consuetudinis in Ecclesiam inferendæ, quæ a sanctorum Apostolorum, ducta temporibus in hæc usque diem religiosissime seruatur, nimirum ut in locis templorum, ad Dei Sanctorumque honorem ædificandorum, ante omnia Crux per Episcopū defigatur, & hac ratione diuino cultui ea dicata esse significantur. Indicatur hoc in xxxj. canone Apostolorum, in quo presbyter condemnatur, qui, contempto proprio Episcopo, altare fixerit: ubi Theodorus Balsamon, *σαυτοπηγίας*, idest Crucis fixationem, pro altaris constructione intelligit; quæ a solis Episcopis statui, &

Crucis v-
sus in Ec-
clesia du-
plex.

Præsagiū
felicissi-
mum.

Theodo-
rus Balsa-
mon.

affigi debet, cum soli ipsi affigendarum Crucum, & construendorum altarium habeant facultatem.

Suffragatur huic veritati Syluani Troadis Episcopi ætati Apostolorum proximi exemplum, qui vt Simeon

Apud Sur.
die 13. Sc.
ptemb. in
vita sancti
Cornelij
Cæt. mart.

Metaphrastes refert, Crucem plantauit vbi fundaturus erat Ecclesiam apud reliquias gloriosi Episcopi, & martyris Cornelij Centurionis, ab ipsomet Martyre illi reuelatas, Metaphrastis quidem verba huiusmodi sunt:

Cum precatus fuisset, & Crucem fixisset in terram, & manum iniiecisset, ipse excidit radices, &c. Quem ritum adeo probauit posteritas, vt tam sæcularis, quàm Ecclesiastica potestas de illo minime negligendo legem tulerint. De

Aurelian.
Conciliū.

illo siquidem Aurelianen. Concilium ita decreuit, & habetur de consecr. distin. 1. cap. *Nemo Ecclesiam ædificet antequam Episcopus Ciuitatis veniat, vt Crucem figat.* Et in Ni-

Nicæna
Synodus.

cæna Synodo 11. act. 111. referuntur ex Epistola beati Nili ad Olympiodorum Proconsulem hæc verba:

Debet enim esse firma, & virilis sententia genuinum in sacro loco ab Oriente sanctissimi templi unicam & solam effigiari Crucem. Iustinianus vero Imperator de eodẽ ritu in perpetuum seruando ita sanciuir: *Si quis voluerit fabricare oratorium aut monasterium, præcipimus non aliter inchoandam fabricam, nisi locorum sanctissimus Episcopus orationem ibi fecerit, & venerabilem Crucem fixerit.* Cuius plane legis ab

De Eccl.
rit. cap. Si
quis autẽ.

Ecclesia perpetuo seruata testis est liber Pontificalis in 2. parte, vbi cū agitur de benedictione primarij lapidis pro Ecclesia ædificanda, lex in hanc formam statuitur: *Nemo Ecclesiam ædificet priusquam Episcopi indicio locus, & atrium designetur, & per eum, vel eius auctoritate Crux in loco figatur.*

Admirabilis præterea Patrum, & Apostolicorum virorum in Deum nostrum crucifixum dilectio, & incredibilis fere eorundem nobis plusquam satis nota in

Crucem affectio faciunt, vt nobis persuadeamus, quod non in Ecclesijs solum & diuino cultui dicatis locis, verumetiam, & intra domos proprias, foris, & vbique (ijs

Admirabilis præterea Patrum, & Apostolicorum virorum in Deum nostrum crucifixum dilectio, & incredibilis fere eorundem nobis plusquam satis nota in Crucem affectio faciunt, vt nobis persuadeamus, quod non in Ecclesijs solum & diuino cultui dicatis locis, verumetiam, & intra domos proprias, foris, & vbique (ijs

exceptis locis, vbi per tyrannorū impietatem ac rabiem non licebat) venerandum Crucis trophæum ab illis erigebatur. Nos haud difficile credimus in Cruce vbique figenda & erigenda, id ab illis seruatum, quod in Cruce sculpenda factitasse Alexādrinæ Ecclesiæ primos Christianos, supra retulimus: Nempe vt ea saltē loca sanctæ Crucis signi defixione expurgarent, & munirent, quæ antea alicuius idoli, & dæmonis affixione & adoratione deturpata, & execrabilia reddita fuerant: quale narratur fuisse cōsiliū a beato Apostolo Philippo datum Scithiæ gentibus, quibus per annos viginti Euangelium prædicauit, relatum ex lib. 10. historiæ Apostolorum, quam supra citauimus, Abdiæ, si vera sunt quæ de illo narrantur, sanctorum Apostolorum cōtanei. Fuit autem huiusmodi: *Deiçite hunc Martem, & confringite: & in loco, in quo fixus videtur stare, Crucem Domini mei Iesu Christi affigite, & hanc adorete*. Verisimilia quidem, valdeq. probabilia apud omnes fideles hæc futura esse non dubito. Verum quia & illud nemini dubium esse arbitror, infidelium Principum sæuiente in Christianos persecutione, id nec palam, nec passim seruari potuisse: Nobis autem sermo sit in primis, non de priuata, & occulta signi Crucis fixatione (de cuius vsu tunc quoque temporis in cryptis, speluncis, & varijs latebris, nemo est qui dubitare possit) sed de publica, & aperta, & cum honorifica pompa celebrata. Ideo ad ea, quæ paulo post consequuta sunt, sæcula deueniamus, in quibus non solum sine metu, & impune, verumetiam cum meriti, & præmij accessione apud Deum, & homines id fieri licuit: & illorum temporum testes proferamus, quibus huius rei antiquitas & frequentia demonstratur.

Cui vero gratum esset ex vno eodemq. loco, occultæ simul, & manifestæ, ac publicæ fixationis testimonium accipere, historiam septem dormientium Martyrum a Metaphraste narratam legat: vbi refert quòd Iamblicus ex illorum numero vnus, ab eis, postquam a diutur-

Trophæū
Crucis vo-
nerandū ē

Crucis v-
sus occul-
tus, & ma-
nifestus.

Apud Sur.
die 27. Iu-
lij, & apud
B. Grego.
Tur. plur.
mar. c. 95.

Crucis si-
gnū Ephē
si erectū.

no illo somno excitati fuerunt, ad emendos panes mis-
sus, admirans quòd Crucis signum in Ephesi foribus
erectum videret, ita secum loquebatur: *Heri vespere hu-
ius Crucis signum in latibulis conseruabatur, & nunc aperte in
ipsis Urbis foribus erectum videmus.*

Ecce quàm paucis erectionis ac fixationis sanctæ Cru-
cis vterque vsus, occultus scilicet primùm, deinde ma-
nifestus a dormiente isto vigili explicatus conspicitur.
Nunc tandem longe illustriora & sole ipso clariora pu-
blicæ affixionis signi almæ Crucis exempla scriptis tra-
dita petamus ex testibus, omni, vt dicitur, exceptione
maioribus.

*De publica, & honorifica signi Crucis erectio-
ne, ac fixatione post Constantini Imperato-
ris ad Christum conuersionem.*

CAP. III.

POST QUAM Constantino Imperatori aduersus
Maxentium proelium inituro, diuina illa, & in pri-
mis admirabilis Crucis visio apparuit, & vexilli instar
fabrefacti, illius exercitum antecedentis, Christianissi-
mus Imperator de impijssimo hoste victoriam reporta-
uit, nemo satis vniquam explicare poterit, quanta vene-
ratione triumphale illud signum cuiusvis generis Ver-
bis Romæ homines prosequuti fuerint: Tunc enim
maximo sumptu, ac pretiosissime exornari cœptum
fuit, in sublime attolli, & statui, ac honorificentissime
simul & religiosissime circumferri: quemadmodū Eu-
sebius, qui supremo illi Principi maxima beneuolen-
tia coniunctus fuit, Arthemius, qui sub eodem milita-
uit, Socrates, Sozom. Nicephorus, & ceteri, qui illo-
rum temporum historias texuerunt, indubiam fidem
faciunt. Sed mihi ynus Eusebij verba satis erit attulisse:

Sozom. li.
1. cap. 1.
Niceph.
lib. 8. c. 3.
& lib. 7.
cap. 29.
Euseb. de
vic. Con-
stantin. l. 1.
c. 22. & 23.
& 24.

Cum

Cum iam, inquit, sol ad medium calum ascendisset, die in pomeridianum tempus paululum inclinante dixit (ipse videlicet Cæsar Constantinus) se Crucis signum ex lucis splendore figuratum in ipso cælo soli imminens manifestò oculis aspexisse, in eoque inscriptionem consignatam, quæ hæc verba complectebatur: **IN HOC VINCE.** Admiratio ingens ipsum. & totum exercitum, qui eum copiam iter facientem comitabatur, atque adeo huius prodigij spectator factus erat, incescit. Sed dubitatione admodum intra se distrahi, quid tandem illud ostentum sibi vellet, asseruit. Atque cum diu multum de eo cogitantem oppressit nox: Ibi ei dormienti Christum Dei cum signo in cælo monstrato visum esse, præcepisseque. ut exemplari ad imitationem illius signi, quod in cælo apparuerat, fabricato, eo tamquam præsidio in prælijs cum hostibus committendis uteretur. Illo simul atque dies illuxit, primum arcanum illud visum amicis exposuit: deinde artificibus, qui aurum, & lapides pretiosos affabre sculpte norant, accersitis, medio inter illos loco assidet, verbis signi describit effigiem, eam auro & lapidibus pretiosis imitatione adumbrare mandat. Et paulo infra subdit: Atque Deo omnium moderatore sibi patrono ante oculos proposito, & Christo Salvatore, adiutoreque inuocato, & salutari signo, tamquam victoria trophæo ante armatos suos, & satellites collocato, cum toto exercitu procedit, Romanis libertatem, quam a Maioribus accepissent, recuperaturus.

Cap. 31.

Sed ut prosequamur quem primo instituiamus de Crucis erectione, ac fixatione sermonem, maxime ad eam rem faciunt (ut infinita prope alia prætermittamus) quæ ab eodem Eusebio referuntur his verbis: At ille utpote pietate in Deum tamquam naturaliter menti insita imbutus, prædij a Deo allati admodum conscius extemplo preces cum gratiarum actione auctori victoria impertijt; atque illustribus inscriptionibus, columellisq. erectis omnibus, salutaris Christi signi virtutem promulgavit, inq. Urbe media, quæ præ ceteris principem locum facile obtinet, ingens illud trophæum contra hostes erexit; & hoc salutare signum characteribus, qui nullo modo deleri poterant, in eo insculptis Romanorum, aliorumq. omnium imperio subie-

Eodè lib.
cap. 33.

subie-

subiectorum propugnaculum esse demonstravit, palamq. omnibus proposuit ad intuentum; ac statim ubi erectum hastile ad formam Crucis in manum propria imaginis in statua expresse insertam, Roma in loco celebri, ac multum a populo frequentato locatum fuit, hanc Inscriptionem Latino sermone in eo mandata inscribere:

*Hoc salutari signo, vero fortitudinis indicio,
Civitatem vestram tyrannidis iugo liberaui,
Et S. P. Q. R. in libertatem vindicans,
Pristinae amplitudini, & splendori restitui.*

Hist. Ec-
cles. lib. 7.
cap. 14.

Nec tot tantorumq. beneficiorum perpetua huiusmodi monumenta in veteri tantum, sed in noua quoque Roma, Constantinopoli videlicet, statui diligentissime curauit, de quibus hæc scripsit Nicephorus: *In foro autem, quod nunc quoque Constantini dicitur, porphyriticam & maximam illam columnam Roma aduectam statuit, in qua statuam suam ex ære factam collocauit, qua dextra manu ingens aurcum malum continet, atque ipsi malo veneranda Crux ab eo infixæ cum tali inscriptione: TIBI CHRISTE DEVS VRBEM HANC COMMENDO.*

Et hinc fortasse acceptum est, ut inter alia Imperatoris insignia globus quoque Crucem desuper infixam habens nouo Cæsari in eius coronatione præbeatur: quod satis per se perspicuum probant magis aurea numismata, quæ anno tertio Pontificatus Sixti V. in structura aulae Lateranensis reperta sunt. Id ipsum præterea confirmatur ex eo quod apud Græcos Imperatores inter Imperij insignia Crux enumeratur, omnesq. Imperatores Constantinopolitani apud Nicephorum Gregoræm Crucem manu gestantes describuntur.

Lib. 3.
cap. 32.

Nec his contentus fuit Constantinus: Idem enim Nicephorus ait: *Quod vero re ipsa sanctæ Crucis vim, & efficaciam expertus fuerat, summopere eam venerabatur, atque admirabatur. Ac post Helena reditum, tres immensa magnitudine*

CRU-

Crucis fieri curavit ad exemplum earū, quas ter in cælo viderat : primum Roma contra Maxentium depugnans. Secundo cum, commisso cum Bizantijs pralio, trophæum de eis statuit. Tertio autem, cum Istroponte iuncto Scythas ultra id flumen subegit. Ad imitationem igitur triplicis istius visionis tres ex ære fieri curavit Cruces, eiq. sacra hæc imposuit nomina : In ore Χριστοῦ vixit : Iesus Christus vivit. Ex his, cui nomen Iesus inditum, auro per omnes diffuso ornata collocata est super forniciem, seu arcum triumphalem in foro, ut obscuriore significatione ardorem pietatis ipsius indicaret; potentia namque roboris eius Græcam superstitionem debellavit. Alterum vero venerandam sanctamq. Crucem, Christi nomen præferentem in porphyretica Romania statuit columna in loco, qui φιλὰδελφῶν, hoc est, fraternus amor dicitur. Tertiā, quam Constantinus quidem vixit, id est, victoriam vocavit. Heraclius autem ἀνικτωρ, hoc est, invictam, in alia columna marmorea posuit in loco, cui est nomen ἀπτοπῶλιον, id est, forum panarium, ad quam multa etiam supra opinionem hominum virtutes sunt edita. De qua idem auctor Nicephorus & hoc memoriæ prodidit hunc in modum : Hanc sanctam venerandam Domini Crucem longe post tempore, decimum octavum annum Mauritio imperante, quod immenso terræ motu corruerat, ferreis quibusdam operibus Heraclius firmavit, & in basi eius huiusmodi incidit Inscriptionem. Opus Deo acceptum Imperatoris magni Heraclius firmavit: qua Inscripção ad mea usque tempora duravit.

Nec tam præclaro insigni, proprium & ab ipso inhabitatum palatium carere passus est gratissimus Imperator Constantinus, quemadmodum in hæc verba testatur Eusebius : Tantus item, & tam divinus amor Imperatoris animum complexus est, ut in ipso palatii introitu, in adificio omnium excellentissimo, in medio tecti, laqueari inaurato, in tabula maxima explicata salutaris passionis insigne ex lapillis pretiosis cuiusque modi, auroq. multo polite elaboratis confectum figendum curaverit. Istud Imperatori sanctissimo regni firmum videbatur esse propugnaculum. Hæc de Crucibus a Constantino constructis.

Constantinus ter in cælo vidit Cruces.

Niceph. li. 8. Eccl. hist. c. 32. in fine.

Euseb. de vita Constant. li. 3. cap. 48.

Quod si principi illi adhuc plane neophyto, tantum fuit studium in statuenda & affigenda Cruce, vt animi gratitudinem erga Deum propugnatorem suum testaretur, profecto credendum est in Cruce similiter statuenda, figenda, & omni ratione honestanda, non minorem diligentiam & sollicitudinem adhibitam fuisse a sanctis Episcopis, & alijs Christianis Præsulibus, qui tunc temporis Ecclesiarum in eis, quæ ad Dei cultum pertinebāt, instituendarum curam habebant. Quare, ne in re minime dubia frustra laborare videamur, vnius tantum, vel alterius eiusmodi prope diuinorum virorum exempla, recensebimus. Et, vt antiquitatis rationem habeamus, primum locum dabimus Gregorio magnæ Armeniæ Episcopo. De quo hæc scribit Euthymius: *Gregorius magna Armenia Præsul ante omnes iussit Cruces quibusdam in locis a se collocatas adorare, ad easq; tamquam ad sacra confugia concurrere.* Aliud testimonium accipiamus ex vita sanctissimi Archiepiscopi illius Constantinopolitani, cuius dicta sæpius a nobis supra relata fuerūt, Ioannis scilicet Chrysostomi a Simone Metaphraste descripta; dum profert cæleste, & miraculi plenum consilium Alexandrini agri incolis datum, quo ab immanissimo leone, qui ex illis quamplurimos deuorauerat, & alios discerperat, ac dilaniauerat; liberarentur: fuit autem huiusmodi: *Vobis quidem omnibus est Deus placandus in templum simul conuenientibus. Id autem, quod do vobis (erat enim Crux) ponendum est in his locis, per quos leo transit, & absit quidem omnis metus, sit autem perfecta fides: & haud ita multo post manifesta vobis quoque erit in eo Christi virtus. Cum hanc illi Crucem accepissent, & sicut eis fuerat imperatum, fecissent, & die sequenti illuc venissent (O Domine, & Deus omnium, & admirabilium operum effector ineffabilis!) belluam vident iacentem mortuam ante basim Crucis. Si vero nobis liceret iterum a dominis temporalibus exempla depromere, non aliena a nostro instituto fuissent quæ venerabilis Beda hist. Angl. lib. 3. cap. 3. & Amalarius de diuin. offic. lib. 1. cap. 13. de Osuualdo.*

Nicolaus
Sand. de
visib. mo-
narc. Ec-
cles. lib. 7.

Apud Sur.
die 27. Ia-
nuarij.

Beda, &
Amalar.

ualdo Anglorum Rege scriptis tradiderunt, quale illud est, quod praelium commissurus, signum sanctæ Crucis erexit, ut ea præliantibus fidelibus præsidio foret, necessitatibusq. temporis subueniret.

Scribit quoque Ioannes Lesleus Episcopus Rossensis hist. sue lib. 3. Anglis finitimos Scotos, ut regionum terminos, & prouinciarum fines distingueret, Cruces erexisse.

Ioannes
Lesleus.

*De frequenti usu Ecclesie affigendi
signum sanctæ Crucis.*

C. A. P.

ORdo hucusque seruatus in exponendis capitibus, de quibus hætenus dictum est, fortasse postularer, ut, cum de antiquitate ritus plantandæ & affigendæ Crucis satis diffuse dixerimus, nunc de eiusdem ritus frequenti usu longiuscule differeremus. Sed cum eiusmodi frequentia ex ijs, quæ proxime a nobis dicta sunt, non obscure indicata sit, breuitati studentes, huius ritus exemplum referre prætermitemus. Sed quis illa enumerare, aut dicendo percensere posse confidet; cum & loca, in quibus Ecclesia Cruces statuere consuevit, tam multa ac varia sint, ut nullus hominum comprehendere, & complecti possit. Quodcumque enim oculos conuertimus, Dominicæ Crucis trophæum suspicimus, eiusq. imagines nobis occurrunt. Enimvero in solitudinibus, in vijs, in agris, & ipsorum agrorum limitibus, immo & in Regnorum finibus, in castris, in oppidis, in ciuitatibus, in earum foribus, plateis, vicis, turribus, & propugnaculis, in magistratuum palatijs, in priuatorum domibus, in cœmeterijs, & Deo dicatis Basilicis, templis, oratorijs, intus, foris: & supra illa, in altaribus singulis, & in vniuscuiusque templi illustriori, digniori, & eminentiori loco, ut omnium oculis pateant, Cruces positas &

Ita. radii
-m. 2. m.
mudum

Ritus affi
gēde Cru
cis frequē
tissimus.

locatas videmus, & adoramus. In summa: nullus est apud Christi fideles locus, qui hoc singulari Christianorum symbolo non sit insignitus, & Crucis longe omnium fortissimo præsidio munitus. Quare si tam multiplex, tamq. frequens apud recentiores fuit, & apud nos viget sanctissimæ Crucis affixio, minime arbitror dubitandum, quòd saltem pari, si non etiam maiori, frequentia Patres nostri, per quorum manus sancta hæc instituta accepimus, Dominicum signum crexerint, extulerint, & quot, & quibus potuerunt, modis omnibus honorarint, & coluerint. Quod quidem tam certo mihi persuadeo de illis, qui sub magni Constantini imperio vivebant, ut non difficile credam, quòd triumphale illud vexillum, etiam a plerisque nondum in Crucifixum credentibus, in honore & pretio habitum fuisse, recentemq. & plenam mirabilium victoriam eos ad illius venerationem vehementer impulisse, ut Prudentius eleganter descripsit his verbis;

Lib. I. cō-
tra Sym-
machum.

*Ipse Senatorum meminit clarissimus ordo,
Complexusq. pedes Victoris, ad inclita stendo
Procurbuit vexilla iacens, tunc ille Senatus
Militia ulticus titulum, Christi q. verendum
Nomen adoravit, quod collucebat in armis.*

Plurimum quoque ad repetendam Crucis fixationem, & illius venerationem cunctos populos commovebat, & hortabatur Principis, quem tanto amore prosequēbatur, exemplum: quò plane excitati erga Crucis imaginem se bene affectos, & ad illam colendam propensos omni, qua poterant, ratione declarare, & ostendere studebant. Quare minime ambigendum est, trophæum Crucis domi, foris, & ubique locorum ab illis fuisse erectum: *Est enim* (ut ait beatus Damascenus) *huiusmodi principatus, & imperij natura, ut semper subditi ad eorum, qui rerum potiuntur, mores sese componant, eaq. amare, & consecrari soleant, quibus Principem delectari sentiunt, quemadmodum*

In vit. SS.
Balaã, &
Iosaphat
apud Sur.
die 27.
Novemb.

dum

dum & Claudianus contestatus est hunc in modum :

componitur orbis.

Regis ad exemplum.

Claudianus
Panegy. in 4.
conf. Honorij.

Sed ut nos intra Christianorum solummodo terminos contineamus, quàm frequentia essent tunc temporis Crucis venerandæ signa, & quòd nullo non loco essent affixa, B. Ioannis Chrysostomi repetito testimonio, quo solo ex veteribus contenti erimus, comprobemus. Hic in demonstratione contra Gētes, quòd Christus sit Deus, ita habet: *Hanc ubique celebrari videlicet in domibus, in foro, in solitudine, in vijs, in montibus, in collibus, in mari, in nauigio, in insulis, in lectis, & cetera quæ sequuntur. Vna denique sententiâ a recentioribus, qui nostra ætate maximo Reipubl. Christianæ beneficio floruerūt, deprompta præsens caput concludamus. Stanislaus Osius Episcopus Varmiensis, priscis patribus, quorum auctoritate hæc scripta confirmare consueuimus, nierito comparandus, in Catholica sua confessione de fide; ac symbolo agens, hæc ad propositam materiam apprimè facientia scripta reliquit: Neque vero tantum præferri Crucem instituit Ecclesia, verum & in medio templi, eiusq. in eminentiori loco, ut ab omnibus conspici possit, Christi crucifixi statuam erexit. Quo sicut in serpentem ancum, quem in deserto Moyses exaltauit, qui morsu a serpentibus intuebantur, sanabantur; sic, qui vellent a moribus peccatorum sanari, quos intulit serpens diabolus; in eum intuerentur, qui pro nobis in Cruce pendens mori dignatus est, certa cum spe remissionis peccatorum illius merito consequenda. At non in templis modo, verum in vijs etiam, & compitijs Christi crucifixi signum istud erigendum putauit. Fuit hoc priscis illis temporibus apud nonnullos in more positum, priusquam ad agnitionē veri Dei peruenissent, ut Mercurij Statuas in vijs collocarent, quòd hunc Deum isimeribus præesse persuasum haberent: Posteaquam vero depulsis errorum tenebris, Euangelij noua lux effulsit, deiecta sunt statua Mercuriales, quæ viarum indices fuerant, & earum in locum erecta sunt statua Christi crucifixi, ut ne sic viatores quidem aliud agen-*

S. Ioann.
Chrysost.

Stanislaus
Osius.

Cap. 11.

Ioan. 3.
Num. 21.

res tanti beneficij possent obliuisci. Hæc quidem de Crucis fixatione dicta sint : cuius sane erectionis, atque item fixationis, antiquitas pariter, ac frequentia vix dici potest quot exemplis comprobari possent, nisi Diocletiani ceterorumq. eius similium satanæ ministrorum iussu dirutæ, soloq. æquatæ fuissent Ecclesiæ, & diuino cultui dicata loca ipsis sanctissimis Apostolis superstitibus, & subsequenter temporibus a Christianis excitata. Et de illorum quidem tunc temporis multiplici extructione testes habemus Philonem Iudæum, Eusebium, Nicephorum, Callixtum, & complures alios. De eorundem vero templorum demolitione inter ceteros late scripsit idem Eusebius de Eccles. hist. lib. 8. cap. 2. & 3. & in Oratione de laudibus Pauli ad finem.

Philon li.
de suppli-
cum virtu-
tibus.
Euseb. hi-
stor. Eccl.
li. 2. c. 16.
& hom. 1.
aduers. gē-
tes, quod
Christus
sit Deus.
Niceph.
hist. Eccl.
li. 2. c. 39.
40. 42. &
cet.

De triplici ratione circumlacionis signi Crucis apud Christianos: & de prima, quæ priuatim singulis fidelibus est communis.

CAP. V.

CIRCUMFERENDI signum Crucis vsus ad tria capita redigi posse arbitror, iuxta tria Christi fidelium genera, qui eo diuersimode vtuntur. Vnum est omnium priuatorum: alterum est omnium collegiorum Ecclesiasticorum: tertium vero Ecclesiæ Dei Prælatorum & præsulum maiorum. Primum, inquam, est omnium priuatorum Christianorum, nam ex eis neminem, vel paucos esse arbitror, qui si non semper, frequentissime tamen Cruciculam aliquam a collo, vel a rosario, vel ab ea, quam vocamus coronam, pendentem secum non deferant. Huius gestationis consuetudinem viguisse apud veteres, ante & post Constantini tempora demonstrat in primis Simeon Metaphrastes in

Apud Sur-
dic 2. lu-
m.

vita

vita sanctorum Martyrum Marcellini presbyteri, & Petri exorcistæ, qui sub Diocletiano, martyrij palman adepti sunt, in quorum memoriam & honorem Constantinus Basilicam ædificauit, narrans qua ratione, quove habitu indutus Petrus perrexit ad Arthemium, qui pollicitus fuerat se Christi fidem susceptrum, si eius virtute ille e carcere duplicibus claustris communito egressus, ipsius domum proficisceretur, & eiusdem filiã a demonio liberaret. hæc enim habet: *Cum inter se loquerentur, & occumbente dici lumine, nox initium suum stellarum ortu indicaret, adest homo Dei Petrus Arthemio, & candide se offerens, candidis indutus vestibus, trophaum Crucis tenens in manu sua.*

Petrus ad
Arthemium.

De Ioanne quoque Eremita, cuius beatissimi Patres, Hieronymus, & Augustinus cum laude meminerunt. Legitur in Prato spiritali, quod obierit, argenteam Crucem in manu tenens.

Prat. Spirit.
tit. cap. 3.

De sancto etiã Macario Patriarcha Antiocheno pulchrum huiusmodi exemplum recensetur: Scipioni, quæ manu gestabat, paruam Crucem imposuerat, quæ illi & iter agenti, & vigilanti, & dormienti, & quidlibet agendi preesto erat: per quam, cæcum illuminasse, & alia præclara miracula edidisse testatur, qui ipsius vitam scriptis mandauit.

In vita admirabilis viri Ioannis Eleemosynarij per Leontium Cismorum Episcopum descripta legitur de quodam Zacharia dicti Ioannis discipulo, & alumno, a quo cum egenus eleemosynam petiisset, coram multis viris, quibus nihil erat, quod pauperi impertirët, ideoque egenus illos præterisset, Zachariam cum insequutus Cruciculam, quam ferebat argenteam, dedit mendico, dicens nihil sibi præter siliquam vnam superuisse in vita sua. Denique Ioannes Diaconus refert, effigiem sancti Gregorij Papæ in absidicula per pictorem ad viuum representatam, in dextera imaginem Crucis habuisse.

Apud Simonem. Maiol. cët. 7. cap. 8.

In vita S. Greg. li. 4. cap. 84.

Nec mirum si pij Christiani, qui adhuc in mundo degunt

Prat. Spi-
rit. c. 37.

degunt, seipsos fortissimo isto clypeo munire student, cum defunctos etiam cum hoc signo sepelire in more habuerint: quod nos quoque a maioribus acceptum, modo seruamus: Legitur enim in Prato Spirituali hoc memoria dignum exemplum, quod iisdem verbis enarrabo: *Cum in Raso Cilicia duo viri nocte vidissent in sylua proxima ingentem ignem lucere, & eo accedentes nihil reperissent, nocte quadam assumentes quosdam ex vico cum armis propter feras, ascendimus in montem ad lucem, qua apparuerat, mansimusq. ubi luxerat usque ad diem sequentem: mane vero facto, aspiciamus modicam speluncam in eo loco, ubi lumina videramus: ingressi autem inuenimus Anachoretam defunctum, indutum cilicio, & pallio, tenentemq. in manu argenteam Crucem. Quid ergo blaterant miseri huius ætatis hæretici, qui impie, & audacter nimium Catholicos criminantur quod iisdem ritibus, defunctorum fidelium cadauera ad Ecclesias deducant, & sepulturæ tradant? Sed iam ad secundam gestandæ Crucis rationem veniamus.*

De gestatione vexilli Crucis in supplicationibus.

C A P. VI.

RITVS gestandæ Crucis, quem a Collegijs virorum Ecclesiasticorum seruari videmus, plurima leguntur Patrum exempla, quibus huius cæremoniæ antiquitas, & frequentia demonstratur. Is autem est, quo supplicationes (quas processiones dicimus) intra vel extra Ecclesiam semper sacro vexillo præeunte fieri consueuerunt: hunc rite, pieq. seruandum monet Origenes his verbis: *Gaudentes leuemus hoc signum: in humeris nostris victoriarum vexilla portemus.*

In diuerf.
hom. 8.

Hom. 55.
in Matth.

Eo etiam tendunt illa beati Chrysostomi verba: *Nul-
lus itaque verecundetur, honesta nostra salutis signa, & caput
bonorum*

bonorum, per quod vivimus, & per quod sumus: sed veluti coronam, sic laeto animo Crucem Christi circumferamus. Si tamen quispiam utramque sententiam esse communem huic capiti, & proxime superiori contendat, proprijs exemplis rem ipsam demonstrabimus. Ex notissimis autem, quæ idcirco probatione non egent, pauca & quidem insigniora, ac vetustiora, quæ inter legendum nobis occurrerunt, in medium proferemus.

De beato Ioanne Chrysostomo refert Cassiodorus, quòd in nocturnis hymnis primus auxerit orationes ob eam causam, quòd Ariani collectas agebant, & hymnos, ac Antiphonas ex Ariano dogmate compositas decantabant: *Tum Ioannes metuens (inquit) ne simplices huiusmodi cantibus traherentur, insinuat suum populum ut & ipsi nocturnis occuparentur hymnis, ut & illorum obscuraretur opus, & fidelium professio firmaretur. Studium ergo Ioannis valde utile cum turba, periculisq. finitum est. Nam cum clariores hymni homonosanorum noctu apparerent, (fecerat enim quoque Cruces argenteas, quæ cum argenteis cereis portabantur, expensas ad hæc Eudoxia Augusta præbente) tunc Ariani zelo tracti usque ad eadem insurgunt. Hæc Cassiodorus ex Sozomeno.*

Hist. trip.
li. 10. c. 8.

Sozom. li.
8. cap. 8.
Niceph.
li. 13. c. 8.

Præterea in vita sancti Barnabæ Apostoli legitur huiusmodi exemplum beati Anthemij Salaminæ Urbis Episcopi, dum ad reliquias dicti Apostoli ab eodem sibi reuelatas pergebat: *Episcopus vero expectectus Deum adoravit, totoq. Clero & populo Christi amantissimo congregato exiit in eum locum, quem per reuelationem didicerat multo apparatu, & Cruce ipsa prælata. Huius antelationis in Litanij antiquitatem declarat etiam quod in sancti Euthymij Abbatis vita sic legitur: Iam advenerat dies præfinitus, quo is (Beatus videlicet Euthymius) exibat in vastam solitudinem: innumerebilis quidem ad eum confluit multitudo Cruces habens in manibus, & Kyrie eleison, id est, Domine miserere, de more, non ore solum, sed labijs quoque cordis innocans. Gregorius itidem Episcopus Turonen. pium hoc institutum servatum asserit in Civitate Rhemensi, cum ait: *Accepta palla de beati**

Apud Sur.
die 20. Ianuarij.

De gloria
confessorum
c. 79.

*Remigij (videlicet Rhemensis Episcopi) sepulchro, compo-
nunt in modum feretri, accensiq. super Cruces cereis, atque ce-
roseralibus dant voces in Canticis, circumcunt urbem cum vicis:
huiusmodi enim processionibus cum Crucibus Civitatem collustra-
bant, ut eam & hoc presidio munirent.*

In vita sancti Theodori Archimădritæ, qui tertio He-
 Apud Sur-
 die 22. A-
 prilis.
 racleij Imperatoris anno vita functus est, Georgius pre-
 sbyter eius discipulus ita scribit: *Cum in oppidis finitimis
supplicationes fierent, & Cruces, quæ gestari solent, horribili mi-
serandoq. spectaculo per se concuterentur, & commoverentur, inter-
rogatus vir divinus, quid sibi id vellet, respondit: Deum, o filij,
precibus placare, quoniam magna mundo imminet calamitates.*
 A maioribus ergo acceptum esse constat, quod Clerum
 per vias incedentem Regis nostri vexilla semper præce-
 dere debent. Proinde numquam, vel rarissime de proces-
 sione Clericorum Scriptores aliquid vel docuerunt, vel
 retulerunt, quin de Cruce præferenda quoque memine-
 rint. Constat id aperte ex VI I. Synodo act. III I. Vbi
 processionis forma describitur his verbis: *Cum sancta Ci-
uitati reliquia sacra appropinquassent, omnibus ea res declarata
ac significata fuit: Itaque lætitia magna perfusi omnes, surgentes
subito, lignaq. sacra pulsantes inuicem obuiam facti sunt, illinc
cum Cruce & supplicatione egressi lati, ac gaudentes cum gratia-
rum actione sacris reliquijs occurrunt.* Nec mirum quod Ec-
 clesiasticis viris more supplicantium ad sacra vel facien-
 da, vel recipienda conuenientibus, seu ad Ecclesiarum
 præfules solemni ritu excipiendos prodeuntibus, Cru-
 cem a Maioribus nostris præferri solitam passim referat-
 ur, cum & id apud eosdem in more positum fuerit, ut
 nec Principibus laicis cum pompa excipiendis Clerus
 nisi Cruce prælata occurreret, tamquam fidei, Catholi-
 cæq. confessionis, & aduenientium, & excipientium
 communi nota, symbolo, & certissima, ut ita dicam,
 tessera.

De Ecclesiasticis quidem exstat exemplum in vita
 Lib. Pon-
 tificali.
 sancti Ioannis Papæ & martyris: *Occurrunt (inquit) beato
Ioanni*

Iuanni Papæ a milliario duodecimo omnis Ciuitas Constantinopolis cum cereis, & Crucibus in honorem beati Petri. Rexit autem Ecclesiam sanctissimus ille Pontifex circiter annum quadragesimum a mundi Redemptione. In laicis Dominis excipiendis eundem ritum seruatum fuisse, apertissime ex historiarum auctoritatibus colligitur, qui apparatus referunt, quo, inter ceteros, Carolus Magnus Imperator primum ab Adriano, postea a Leone I. I. fuit exceptus, vt Carolus Sigonius explicat his verbis: *Postridie Cruces, & sacra reliquia cum vexillis Ciuitatis obuiam missæ.* Quare in ceremoniarum Pontificiarum libris statutum legimus, vt in ipsis oppidorum, & ciuitatum foribus, vbi primum Episcopus, vel Rex locum illum ingreditur, Cruz ei osculanda offeratur ab eo, qui inter Ecclesiæ illius clericos eminentiori dignitate præfulget.

Hist. de
Regno Ita
lix lib. 4.
Cerem.
Rom. li. 1.
sect. 3. c. 10
& 2.

Omnis denique de Cruce in supplicationibus præferenda dubitandi locus (si quis in re tam aperta reliquus esse possit) de medio tolletur, si, quæ de Crucis Stationalis in Romana Ecclesia vsu a Maioribus nostris accepimus, in memoriam reuocabimus. Appellabatur autem Stationalis, propterea quod summo Pontifici, Clero & populo ad Stationes solemni ritu procedentibus, illam præferri solitum erat, qualis profecto est, quæ clarissimum Lateranensem Clerum ad supplicationes publice prodeuntem de more hodie præcedit: Illam dico prægrandem argenteis insculptam thecis diuersas Domini Saluatoris nostri & Sanctorum actiones repræsentantibus vndique rectam, & ornatam, quæ ob ponderis magnitudinem ab ijs, qui viribus corporis & robore maxime præstant, gestari solet. Qualem etiam ad illum ipsum fere modum ad nostra vsque tempora in Apostolorum principis de Vrbe Basilica fuisse, qui se eam vidisse asserabant mihi aliquando testati sunt. De qua stationali Cruce, siue illa, quam diximus, siue consimilis formæ alia, Petrus Mallius, Maphæus Vegius, & Benedictus...

Petrus
Mallius.

eius Basilicæ insignes Canonici, in suis ipsorum scriptis, quorū maior pars in sancti Petri Bibliotheca asseruatur, nonnulla notatu digna retulerunt. Petrus quidem, quem primo loco nominauimus, quæ ad rem nostram faciunt, hæc habet: *Non modica quoque beati Petri Basilica latari debet prerogativa, quod in maiori Litania tanquam nauis prora, & aliarum vexillifera omnes de navi præcedit; Domina Papa tamquam principali, & præcipuo gubernatore ex puppe veniente; In quo nimirum facto significatur, beatum Petrum Vexilliferum, & totius Ecclesiæ esse præductorem, & Christi Resurrectionis primum prædicatorem: Sicut enim in Paschali processione Cruces, & sanctorum reliquias ad viam præparationem, & munimenta contra hostes inuisibiles præmittimus, ita in hac generali processione beati Petri Basilica, ut dūctrix, & rectorix ceterarum præambula inuenitur; Et hinc est, quod Crux Dominica, Quadragesimali videlicet tempore, sumitur de sanctissimo sancti Petri altari, quæ præcedat populum penitentem per totam Quadragesimam ad Stationes cunctas de institutione sanctorum Patrum. Quæ nimirum Crux stationalis ob Christi, & Apostolorum eius reuerentiam in tanta veneratione à cunctis est habita, quod, sicut Cantores regionarij asserunt, hac Cruce non delata, immunes a Statione recedant.*

Maphæus
Vegius.

Maphæi vero de illa testimonium eiusmodi est: *Beatus Gregorius Papa, cum per totam Quadragesimam ordinasset Stationes propter penitentes, quas cum Primicerio, & Cantoribus, & Regionarijs & Acolutis deuotissime faciebat: illud etiam, quod maximo honori, & prerogativa Basilicæ sancti Petri habitum est, statuit, ut de maiori altari eius Crux Dominica sumeretur, quæ populum penitentem ad Stationes ipsas præcedentem semper præcederet: Cuius tanta fuit apud omnes veneratio, ut si forte non deferri eam aliquando contingeret, discederent, passim existimantes; non ita sine ea acceptas Deo Stationes ullas esse.*

Benedi-
ctus.

Benedictus vero de eadem inter cetera, ne omnia repetam, hæc scripsit: *In exaltatione sanctæ Crucis, Statio Lateranensis, Fit collecta ad sanctam Mariam maiorem, ubi Crux stationalis, & Schola, & Regionarij, & Acoluti cōadunantur cum Cruce sancti Ioannis & Canonici. Primicerius cum Schola*

Schola cantas collectam. Subdiaconus regionarius portat Crucem Stationalem in processione ante Cantores, & processionaliter procedit usque ad Lateranum. Hæc ille.

Huius postremo ritus gestandæ Crucis in processionibus meminit Guillelmus Durantes ceremoniarum Ecclesiasticarum peritissimus: *Crux* (inquit) *quasi regale vexillum & triumphale signum in processionibus præmittitur. Primo, ut fugiant qui oderunt eum a facie eius: Est enim signum victoria Christi, iuxta illud: Vexilla regis prædeunt. Secundo, quia sicut ait Apostolus ad Galatas: Absit nobis gloriari nisi in Cruce Domini nostri Iesu Christi, per quem mundus nobis, & nos mundo crucifigi debemus. In quam sententiam amplissimus quoque Cardinalis Varmienensis: Hæc* (inquit) *est causa, quare in supplicationibus Crux præfertur, ut in illa gloriari nos, in illa spem nostram omnem defixam habere, illius fiducia nihil non a Deo petentes impetrare posse, palam omnibus faciamus. At quia de causis, propter quas signum Crucis præfertur, diffuse a nobis in tertio Libro agendum est: ideo quæ de illis modo dicenda occurrunt, in illum locum reijcimus, ut ad alia procedamus.*

Guill. Durantes.

Hymnus Theodulphi in Damin. Pass.

Gal. 6.

De fide &

symbolo

cap. 15.

cap. 15.

cap. 15.

cap. 15.

cap. 15.

cap. 15.

cap. 15.

cap. 15.

cap. 15.

De gestatione Crucis pendentis a collo Episcopi.

CAP. VII.

TERTIAM rationem gestandæ Crucis, quam dicebamus propriam esse Prælatorum, in duas partes similiter distribuimus. Nam vna communis est omnibus passim Episcopis. Altera vero solis concessa est Archiepiscopis, & ceteris omnibus, qui maiores huiusmodi Prælatos dignitate antecellunt: quales sunt Patriarchæ, Legati Apostolici, & ipsorum Patriarcharum & totius Ecclesiæ caput Pontifex Romanus.

Quod omnibus in vniuersum Episcopis commune dixi,

dixi, est vetus illud institutum de Cruce parua ad col-
lum appendenda, maxime quando Episcopi ad officia
diuina celebranda se præparant. Quem ritum antiquis-
simum esse testificantur fere omnes, qui de sacrosanctis
Missæ mysterijs scripserunt. Inter quos conuenit, quod
mysticum illud ornamentum suffectum, & subrogatum
fuerit in locum laminæ aureæ, qua frons summi Ponti-
ficis veteris testamenti exornabatur, de qua beatus Hie-
ronymus dixit: *Quod olim in lamina monstrabatur, nunc in*

Ad Fabio
lā de vest.
sacerdot.
epist. 128.
circa fin.

Ex manu
scriptis.
exépl. Bi-
bliot. Va-
ticane.

D. Cæsar
Baron. in
Annal. Ec-
cles. ann.
58. pag.
517. E. to. i

Gregor.
Niss. in vi-
ta Macri-
næ foro-
ris.

signo ostenditur Crucis. Auro legis, sanguis Euāgelij pretiosior est.
Quod insigne cum sit proprium (vt dixi) Episcoporum,
merito illi Episcopi, qui e suo loco & gradu deiectioni erant,
in Synodo VII. act. V. Crucis pectoralis appensione
in priorem dignitatem restituebantur, vt hoc indicio
clare constaret, eos postmodum Episcopali munere fun-
gi posse, cum Crucem collo appensam accepissent: *Qui*
(vt Concilij verba referam) *Encolpium accipiebant, vt digni-*
tate Episcopali potirentur. Encolpium vero (vt ait Anasta-
sius Bibliothecarius eius loci interpret) Crux est ad pe-
ctus cum pretioso ligno, vel cum reliquijs Sanctorum,
quam Episcopi ad collum appensam deferre consueue-
runt. Cui quidem sententiæ adstipulatur Gregorius
Nissenus referens Macrinam sororem gestare solitam
ad collum Crucem argenteam, particulam veræ Crucis
inclusam habentem. Inferiores vero & simplices sa-
cerdotes Crucem pectoralem non deferunt, sed ex eo-
dem orario apte composito Crucem efficere debent,
vt sacra munia obire possint: quemadmodum in Con-
cilio Bracarense can. 111. præscriptum est his verbis:
Cum sacerdos ad Missarum solemniam accedit, aut per se sacrifici-
cia oblaturus, aut sacramentum corporis, & sanguinis Domini
nostri Iesu Christi sumpturus, non aliter, quam orario utroque
humero circumscriptus, sicut & tempore ordinationis suæ dignoscitur
consecratus, ita vt de vno eodemq. orario cernicem pariter, &
utrumque humerum premens signum in suo pectore præparet Cru-
cis. De hac quoque Episcoporum Crucis gestatione In-
nocentius

noctentius III. his verbis ait : *Et quia signo Crucis auri lamina cecidit, pro lamina, quam Pontifex ille gerebat in fronte, Pontifex iste Crucem gerit in pectore. Nam mysterium, quod in quattuor litteris auri lamina continebat, in quattuor partibus forma Crucis explicuit.* Eiusmodi ritus causam affert, quem & supra citauimus, Cardinalis Osius in hæc verba : *Hinc ille mos, quod pendentem de collo Crucem gestant Episcopi, non ob id modo, ne parum aliquando sint memores beneficij per Crucem accepti, verum etiam, ut admoneantur, quod Crucifixi vestigijs incedant.* Hinc eam accipiens Episcopus in hanc formam precatur : *Munire digneris me, Domine Iesu Christe, ab omnibus insidijs inimicorum omnium signo sanctissima Crucis tue : ac concedere digneris mihi indigno seruo tuo, ut sicut hanc Crucem Sanctorum tuorum reliquijs refertam ante pectus meum teneo, sic semper mente retineam, & memoriam passionis, & sanctorum victorias Martyrum.*

De myst.
Missæ lib.
1. cap. 53.

De fid. &
symb. c.
12.

Lib. Pon-
tif.

*Post gestatum Crucis signum a Christo ipso Deo
& homine, Crux triplici generi Principum
solemni ritu præferri cæpta est.*

C A P. VII I.

IAM tempus est, ut de solempni circumlatione Crucis tractare incipiamus, ob quam in primis hoc nobis negotium fuit demandatum, & cuius antiquitatem, & causas inuestigare, atque explicare proposuimus. Illa autem est tertia ac postrema ratio Crucis gestandæ, quam solis Archiepiscopis Metropolitanis, Patriarchis, & ceteris, qui dignitate, ac potestate in Ecclesia Dei illos antecedunt, apte conuenire, eisque licere asseruimus.

Quoniam vero de ceremoniæ huius frequenti usu,
cuius

cuius semper in superiorum tractatione meminimus, nihil nobis dicendum est, cum ritus hic maxime solemnibus reliquos vel hoc nomine antecellat, quod non omnibus sit communis, sed paucioribus concedatur. Quare de antiquitate tantum nobis agendum restat, quam probabimus exēplo Iesu Christi, qui non solum in Crucem agi, sed suis humeris prior gestare voluit: tum illorum exemplo, qui subsequuti sunt, vel tantum dignitate seculari, vel Ecclesiastica præfulgētes: ultimo loco, exemplo summorum Pontificum, qui utraque potestate coniuncti, Christi vices in terris gerunt.

A primo igitur exordium ducentes, cum Christum huius ritus auctorem asseramus, superuacaneum erit, hunc reliquis omnibus non modo antiquiorem, sed etiam digniorem ratione & auctoritate demonstrare: In Christianæ enim Reipub. sacris institutis, quis maiorem animo concipere potest vel antiquitatem, vel excellentiam excogitare illa, quæ ab ipsomet Christo Ecclesiæ fundatore, & institutore originem habuit? & maxime in ijs, quæ non solo præcepto & verbo, sed etiam exemplo, & opere ipsemet exercuit, perfecit, absoluit.

De ipso autem præ ceteris ab eo dilectus Discipulus huiusmodi testimonium perhibuit: *Et baiulans sibi Crucem, exiuit in eum, qui dicitur Caluaria, locum.* Qua quidem ratione, & re ipsa, & exactissime Christus perfecit quod in

Gen. 2. 2. Isaac figuratum legimus: *Tulit quoque (videlicet Abraham) Ligna holocausti, & imposuit super Isaac filium suum.* Quod

Tertull. mysteriū Tertullianus libro aduersus Iudæos explicauit
cōtra Iu- his verbis: *Christus per lignum Crucis, superata morte, regnauit.*
dæos de fi- *Sed quis omnino Regum insigne potestatis suæ humero præfert, aut*
gura Cru- *non capite diadema, aut in manu sceptrum, aut aliqua proprietate*
cis. *usus noua? Sed Christus nouus Rex seculorum nouam gloriam,*

Isa. 9. *& potestatem, sublimitatem suam humero extulit, ut imperium*
Psal. 95. *eius fieret super humerum eius, & Dominus regnaret a ligno.*

Ser. 3. de Passione Domini. Leo item Magnus disertis hisce verbis simile quiddā exposuit: *Cum ergo Dominus lignum portaret Crucis, quod in*
sceptrum

sceptrum sibi conuerterat potestatis : erat quidem hoc apud impiorum oculos grande ludibrium , sed manifestabatur fidelibus grande mysterium : quia gloriosissimus diaboli victor , & inimicarum virtutum potentissimus debellator , pulchra specie triumphi sui portabat trophaum , & inuicta patientia sua humeris signum salutis adorandum regnis omnibus inferebat , tamquam & tunc operis sui imagine omnes imitatores suos confirmaret , eisq. diceret : Qui non accipit Crucem suam & sequitur me , non est me dignus. Matt. 10

In illo autem nascentis gloriæ Crucis exordio , sæculi huius oculis abscondito , latis aperte , & simili plane forma repræsentatus fuit ritus , qui postea meritò in Ecclesia inoleuit , nimirum gestandæ Crucis ab Ecclesiæ Prælati insignioribus , etiam si non suis illi manibus , sed alienis Crucem gerant . Ideo non sine primi Vexilliferi prouidentia factum est , vt illud ipsum , quod in suis diuinis humeris gestauerat , lignum a Simone Cyrenæo Matt. 27 etiam portaretur : quod ceteri Euangelistæ testantur : Marc. 15 Cum ducerent eum , inuenerunt , apprehenderunt , & angariauerunt , Luc. 23. prætercuntem quemdam hominem Cyrenæum nomine Simonem venientem de villa patrem Alexandri & Rufi , hunc angariauerunt vt tolleret Crucem eius . Ex quibus verbis venio in eam sententiam , vt existimem Christum primo Crucem suis humeris solum gestasse , deinde Simonem itidem solum : hunc enim locum ita interpretatur sanctus Hieronymus : *Hoc intelligendum est , quòd egrediens de pratorio Iesus , ipse portauerit Crucem suam : postea obuium habuerint Simonem , cui portandam Crucem imposuerunt .* Hoc enim significare videtur quod dixerunt Matthæus , & Marcus : *Vt tolleret Crucem eius .* Et quod scripsit beatus Lucas : *Et imposuerunt ei Crucem* (nempe a Iesu oblatam) *portare post Iesum .* Nulla tamen ratione oportebat , vel decebat , vt in illo itinere ordo exprimeretur , qui postea in consuetudinem deductus est , vt scilicet Crux Pontificem præcederet , quoniã salus nostra tota in eo versatur , vt nullus anteire præsumat , sed omnes & singuli Christum sequi ,

*Cõment.
in Matt.
li. 4. c. 27.*

- & per eius vestigia incedere pro viribus ab eodē collatis
Ioan. 8. studeant, & elaborent; utpote cum sit Via, Veritas,
 & Vita: Lux, & Dux noster, quem qui sequitur non
 ambulat in tenebris, sed habebit lumen vitæ. Quam
 ob causam non antea Simon, & postea Christus: sed
 contra: Christus primū pretiosum illud trophæum
 portare & consecrare voluit, & postea, ut a Simone
 post ipsum portaretur, indulsit. Quod egregie pro suo
In Euāg. more exposuit beatus Ambrosius dicens: *Et bonus ordo*
Luc. c. 23. *nostri profectus est, ut prius ipse Crucis trophæum erigeret: de-*
inde Martyribus tradidit erigendū: convenit enim ut trophæum
suum prius ipse Victor attollat. Et re vera, quis sub propriæ
Crucis onere, vel ad martyrium, vel ad peccatorum
satisfactionem sibi imposito, omnino non succumberet,
Psal. 73. *si exemplo, subsidioq. primi huius Cruciferi non con-*
fortaretur? Et Crux ipsa per manus eiusdem, cui pater
est ille faber, qui auroram & solem fabricatus est, & ma-
ter illa Virgo, quæ fabro lignario nupta fuit, adeo ex-
polita & læuigata fuisset, ut merito affirmari possit, eos
qui illius hortationibus excitati, & promissis permoti,
Matt. 11 *Cruce in humeris assumpta, illum sequi statuerunt, iu-*
gum Christi, & onus illius, tantæ non leuitatis solum,
sed etiam suauitatis suscepisse, ut eò non grauari, seu fa-
Hymnus *tigari, quin potius subleuari, refici, ac beari se intus ex-*
Fortun. in *periantur, apertissimoq. sermone confiteantur, dicen-*
laud. Do- *tes: Dulce lignum, dulces clauos, dulcia ferens pondera. Et*
min. Pass. *rursus: Sub umbra illius, quem desideraueram sedi: & fructus*
Cant. 2. *eius dulcis gutturi meo.*

Verum ne a scopo diuertamus (iam enim de ipsa
 Crucis imagine in ligno, vel in alia re efformata, ut cir-
 cumferri palam & publice posset, verba facere incepi-
 mus) quemadmodum Christum testibus Euangelistis
 Crucis gestandæ habemus Auctorem, ita quisque fidelis
 facile hoc nobis dabit, Crucis circumferendæ, vel qua-
 cumque ratione supra se gestandæ vsum, a tanto signi-
 fero Domino nostro in Apostolos, in Martyres, in Con-
 fessores,

fectores, & in omnes denique Christianos per imitationem manasse. At quoniam publicæ ac solemnibus, de qua in primis nobis sermo est, prælationis Crucis Constantinum magnum, qui huic religiosissimo cultui maximum, & mirificum studium adhibuit, antesignanum & principem facimus, ab eo, & ab eius in hanc rem pietate, sequens caput auspicabimur.

*De Cruce, quæ Constantino Magno Imperatori,
eiusq. Successoribus, alijsq. Principibus prælata fuit.*

CAP. IX.

INTER eos, qui sola sæculari potestate præditi, Crucis viuifica vexillum gestauerunt, nullus antiquior ac illustrior nobis occurrit Constantino magno Imperatore, Constantis & Helenæ filio: ad quæ si Crucis magnificentissima cum solemnitate ac reuerentia circumlatæ initium referamus, profecto ritum eiusmodi valde antiquum, & vetustum esse liquido apparebit. De quo plane, quâdo superato ad Pontem Miluium Maxentio, Vrbs omni lætitia illum excepit, ita scribit Nicephorus: *Constantinus tam mirificam consequutus victoriâ, Deum celebrando canens, & voce clariore triumphando iubilans, Urbem Romanam est ingressus, ciuibz omnibus hilaritate, & lætitiâ summa animis eorum exultantibus, cum plausu, feliciq. omine, & acclamatione cum tamquam seruatore, & liberatore suum victoria trophæum ferentem, cum prius Urbem totam coronis obfudissent, producentibus atque excipientibus. Et licet hoc testimonium primum attulerim ad ostendendum, quod Crucem manu propria Urbem Romam ingressus gestauerit, sicut contra Christus Hierosolymam egrediendo proprijs humeris sustulerat, vt verba illa Nicephori:*

Hist. Eccle. lib. 7. cap. 30.

Niceph.

Lib.I.c.4.

Victoria trophaeum ferentem, significare videntur; si quis tamen contendat illam aliorum manibus in dicto triumpho perlatam, id profecto maxime ad rem nostram faciet, & in eum sensum accipiet, qui instituto, de quo loquimur, magis vicinus & connexus est. Quanta vero cum diligentia, sollicitudine, fide, ac pietate, hanc Crucis gestandæ consuetudinem seruare studuerit Deo gratissimus Imperator, idem Nicephorus, & quotquot rerum ab illo gestarum historiam texuerunt, apertissime docent; cum omnes in omnium celeberrima narratione conueniant, quòd Crucem, in quam primum ac præcipuum signum bellicum Romanorum, quod labarum dicebatur, conuerterat, vbique sibi in exercitu præferri fecerit: & quòd eo signo præcedente in omnibus suis præliis inuictus, & victor semper euaserit, vt Sozomenus retulit his verbis: *Imperator prophetias de Christo admiratus, mandatum viris arte peritis dat, vt signum, quod a Romanis Labarum vocatur, in effigiem Crucis auro, & lapidibus collustratam mutarent. Hoc signum bellicum in multo maiore honore, quàm alia, propterea fuit, quòd semper Imperatorem antecedere, & a militibus adorari consuevit. Et paulo infra: Nam istud propugnaculum ante copias suas semper gestandum curauit. Et si quæ cohors laboraret, illud ei admonere iussit; atque lectissimos satellites ad illud negotium obeundum constituit, quibus onus impositum erat, vt singuli vicissim signum humeris ferrent, & acies hostium circumirent.* Hæc Sozomenus: cuius potius, quàm Eusebij, vel ceterorum, qui de hac re scripserunt, testimonium recensere placuit, cum paucioribus, nempe in vno & breui capite perstrinxerit, quæ alij pluribus capitibus, & prolixè sunt complexi. Caput vero illud hæc pulchra, & mirabili narratione concludit: *Dicitur porro nullum vnquam militem, qui munere signi huius gestandiungebatur, in bello (quod sane credibile est) in grauem aliquam calamitatem incidisse, aut vulnus accepisse, aut captiuum abductum fuisse.* Et hoc sane diuinum vexillum ad suam vsque ætatem in Imperatorio, aut aulico instrumento

strumento asseruatū testatur Nicephorus .
 Prudentius quoque eiusdem signi figuram egregie
 his verbis expressit :

*Agnoscas Regina lubens mea signa necesse est :
 In quibus effigies Crucis, aut gemmata resulget,
 Aut longis solido ex auro praefertur in hastis .
 Hoc signo, inuictus transmissis Alpibus ultor
 Seruitium soluit miserabile Constantinus .*

Et infra :

*Testis Christicola Ducis aduentantis ad Urbem
 Miluius, exceptum Tiberinā in stagna Tyrannum
 Precipitans, quānam victricia viderat arma
 Maiestate regi, quod signum dextera vindex
 Prætulert, quali radiarint stemmate perla .
 Christus purpureum gemmanti textus in auro
 Signabat Labarum, chysorum insignia Christus
 Scripserat, ardebat summis Crux addita cristis .*

Hanc vero Crucis gestandæ consuetudinem a Pro-
 phetis prædictam, ac prænunciatam fuisse, Ezechielis
 testimonio constat, qui ita de Cruce vaticinatus est :
*Et tu fili hominis, sume tibi lignum unum : & scribe super illud
 Iuda & filiorū Israel sociorū eius : & tolle lignum alterum, & scri-
 be super illud Ioseph lignum Ephraim, & cuncta domus Israel so-
 ciorumq. eius . Et adiunge illa unum ad alterum tibi in lignum
 unum : & erunt in unionem in manu tua .* Quem locum
 sanctus Isidorus Hispalensis exposuit de Cruce Chri-
 sti, quæ manibus deferenda erat .

Merito igitur præstantissimus ille Imperator Spiri-
 tu sancto ductus, & in Christo Patris Beatissimi Silue-
 stri Papæ doctrina, consilio, & monitionibus institutus,
 tantorumq. beneficiorum a Deo per Crucem accepto-
 rum memor, & quantum per ipsum fieri potuit, non in-
 gratus, nihil eorum omisit, quæ ad Crucem decoran-
 dam, honestandam, & ad astra vsque tollendam ani-
 mo concipere, & opere complere potuerit . Cavit præ-
 terea grauissimis poenis ne quis deinceps ex reis Cru-
 cis

Li.7.c.29

Lib.1.c6-
tra Sym-
machum .

1.703.1

1.703.1
-nob. nint
1.703.1
1.703.1

Ezec.37

Isidorus.

Sozom.
lib.1.c.8,

cis patibulo afficeretur. Ex quo factum est, sicut iam animaduertimus, ut quod probro, & dedecori erat, in gloriam & dignitatem fuerit commutatum: & vniuerso orbi in pretio, & in summa veneratione haberi coeptum sit quod antea scandalo, & stultitiæ attribuebatur.

1. Cor. I.

Præterea, quis satis pro laude explicare poterit, quanta fidelium populorum pietas, & deuotionis studium, excitatum fuerit erga huiusmodi cæleste potius quam terrenum trophæum, postquam strenua opera, & virili animo, tum incredibili pietate ab Helena sanctissima ipsius Constantini matre diligentissime illud conquisitum, & inuentum fuit? Quare autem illa potissimum ætate, illisq. fidelibus Principibus orbis imperium obtinentibus pretiosissimus ille thesaurus, & omnium speciosissima gemma inuenta fuerit, eruditissimus P. Bellarminus tam rationi consentaneam, & ni fallor, certissimam affert causam, ut quin illam cum ipsis illius verbis hic describerem, me non potuerim continere.

P. Bellarmin. con-
trouerf. 7.
lib. 2. c. 26

Inquit enim: Deus eo tempore Crucem inueniri voluit, quo iusto poterat coli, nimirum ad initium Imperij Constantini. Nam si antea reuerata fuisset, regnantibus persecutoribus, magis ludibrio, quam honore excepta fuisset. Si autem diu post tempora Constantini fuisset inuenta, fraudata fuisset sancta Crux debito honore: Tunc igitur diuina Proidentia Crucem manifestauit, quo primum potuit coli.

Qui Constantino in Imperio, & fide successerunt, illum in præferenda, & honoranda, Cruce imitati fuerunt.

C A P. X.

NEC dubium alicui esse arbitror, quod fideles Principes, qui Constantino in Imperio successerunt, eundem

eundem præferendæ Crucis ritum seruauerint, cum
 Crux Labari loco in exercitu, & in prælijs ante Impe-
 ratorem gestari solita fuerit: & quamquam impius Iu-
 lianus hunc, dum imperaret, vsum reieciſſet, eo tamen
 vita functo, vſus ille in priſtinum honorẽ fuit reſtitutus:
 Declarat id admirabilis victoria, quã Theodoſius ſenior
 aduerſus Eugenium, & Arbogaſten, Deo pro ipſo pu-
 gnante, eſt conſequutus. Hanc breuibus referam, ſi ta-
 men prius in medium attulero paternam cohortationẽ,
 qua Cyrillus Patriarcha Hieroſolymitanus Conſtantio
 Conſtantini Magni filio, & heredi perſuadere conatus
 eſt, vt in præferenda Cruce, patris pietatem imitaretur,
 cuius hæc ſunt verba officij & admirabilis religionis il-
 lius plena: *Decuit autem huiusmodi viſiones caeleſtes non ſr-*
lento præterire, ſed pietati tue, recenti adhuc eius rei memoria,
ſignificare, vt ad fidei, qua in te ineſt, bona fundamenta, ea-
rum rerum, qua nuper oſtenſe ſunt, cognitionem adiungens, fir-
miorem in Dominum noſtrũ Ieſum Chriſtum fiduciam aſſumas,
ſemulq. omni fortitudine conſueſta undique roboratus, vt Deum
ipſum adiutorem habeas, Crucis trophæum ſalutare, & omni glo-
ria ſublimius præferas, ſignum, inquam, illud, cuius figuram ca-
lum ipſum hominibus oſtendens maxime glorioſum eſſe docuit,

Sozom.
 lib. 5. c. 16
 2077 1 215
 .dmo 27

Niceph.
 Hiſt.
 Eccl. c. 39
 2077 1 215
 .dmo 27

Sozom.
 lib. 4. c. 4.
 Sur. die 7.
 Maij.

Modo igitur ad Theodoſium reuertamur, de quo hæc
 refert Nicephorus: Porro cum ordinum duces paucitatem
 ſociorum cauſarent, & expeditionem differendam ſuaderent, vt
 ſcilicet primo vere exercitus alius contraheretur, & militum nu-
 mero hoſtes vincerentur: nequaquam in ductorum conſilio acquie-
 uit Imperator: Minime namque tantam tribuendam eſſe imbe-
 cillitatem dixit omnipotenti Crucis armatura, qua ex aduerſo
 Herculis imagini oppoſita eſt: exercitui namque meo (inquit)
 Crux præit, illius autem copias Hercules ducit. Nec ſeſellit eum
 ſua in Cruce fiducia: nam Ioanne Baptiſta Domini præcurſore,
 & Philippo Apoſtolo, immo & vento ipſo ac turbine pro eo pu-
 gnantibus, glorioliſſima, vt mox dixi, contra duos dictos tyran-
 nos victoria potius eſt. Hoc ipſum confirmatur exemplo
 militũ, qui Valente Imperatore contra Athanarichum milita-

Hiſt. Ec-
 cleſi. 12.
 cap. 39.

Socr. lib. 6
 cap. 24.

Apud Sur.
die 15. Se
ptemb.

Ioannes
Lesseus de
orig. &
reb. gest.
Scot.

militauerunt, de quibus hæc scribit Metaphrastes in vita sancti Nicetæ Martyris: *Itaque ferentes diuinam Christi Crucem præcedentes omnes suas copias, prælio configunt cum aduersarijs: & eum, qui vicerat, facile vincunt.*

Postremo adijciam de Rege Conuallo illud, quod refert Ioannes Lesseus, Episcopus Rossensis, quem supra quoque memorauimus. Ille enim Crucis signum non solum in arcibus, oppidis, & ciuitatibus locandum curabat, sed etiam illud ex argento affabre factum sibi præferri volebat: quod, equum ascensurus, osculo deuotissimo excipiebat, & cum omnibus stantibus summa ueneratione prosequebatur.

Videmus itidem nostra ætate Christianæ militiæ ordines, siue mari, siue terra dimicaturi sint, in vexillis, & alijs signis bellicis figuram Crucis fere omnes vel auream, vel argenteam, vel rubram, aut viridem, aut nigram, aut denique alicuius alterius coloris præferre. Sunt tamen nonnulli, qui Christum Cruci affixum deferant. Alij vero Sancti, vel Sanctæ, Gentis alicuius patronæ, & titularis imaginem gestant Crucem in manu habentis, ne interim repetam quod singuli etiam milites, pietatis Christianæ memores, armis suis, equis, & vestibus Crucem insculptam, vel affixam solent

habere: Satis enim mihi est ex ijs, quæ dicta sunt, ostendisse religiosam Crucis exer-

citibus Christianis præferendæ consuetudinem a Constantino

introducendam usque ad præsentem diem

semper seruata

fuisse, ac viguisse:

¶

Ami-

*Antiquissimum fuisse ritum præferendi Crucem
Romanis Pontificibus, Patriarchis, Ar-
chiepiscopis, & omnibus Metro-
polititis ostenditur.*

C A P. XI.

ROMANVS PONTIFEX, quem Christus sui loco in vniuersa Ecclesia caput præposuit super omnem Principatum, & Potestatem, hoc honore ceteris præstat, vt eum in publicū prodeuntem Crucis signum antecedit. Simili ritu vtuntur Archiepiscopi, & ceteri Metropolitæ in sua Metropoli, ac Prouincia, vel etiam in certo aliquo Regno, vti certis Primatibus indultum fuisse audiuius, vt interim taceamus Archiepiscopum Nazarenum, quem ferunt hoc priuilegio insignem, vt Crux ei præferatur per vniuersum orbem: hos omnes inter eos supra complexi sumus, qui spiritali tantum potestate præditi essent: quorum dignitati etsi rerum temporalium est administratio coniuncta (& hi rari admodum sunt) ipsorum tamen sæcularis potestas breuibus limitibus præfinitur & continetur. At Romanus Pontifex vnus est, qui vtraque potestate præfulget; cuius ditionis fines longe, lateq. proferuntur: eiusq. summa potestas & auctoritas non in eos tantum diffunditur, qui in ditione temporali eius imperio, nullo alio intercedente Principe, subsunt, sed in omnes etiam, qui per orbem vniuersum, Symbolo Christiano sunt insigniti; vt pote, cui, in beatissimo Petro æternæ vitæ clauigero, terreni simul & cælestis imperij iura commissa fuerunt, idq. præmonstrat spiritalis & materialis gladius illi traditus: ille quidem vt sanctus Bernardus ait, propria; hic vero militis, Imperatoris videlicet & Regis, manu exerendus: hic ad nutum, ille vero datus fuit ad vsum, vtî fuscè demonstrant, qui inter ceteros ex

Archiepi
scopi Na-
zarenî pri-
uilegium.

Dist. 22.
cap. Om-
nes.

De cõsid.
lib. 4.

Ex Com-
mentarijs
Ordinis.

sancti Patris Augustini familia, præter Augustinū Triū-
phum Anconitanū, de potestate Ecclesiastica scripserūt,
Ægidius scilicet Colūna Romanus, Archiepiscopus Bi-
turicensis, Iacobus Viterbiensis Archiepiscopus Neapo-
litanus, Guillelmus Cremonēsis Episcopus Nouariensis,
Alexander de sancto Elpidio Episcopus Melfitanus, quē
nonnulli Archiepiscopum Rauennatem faciunt, Et Au-
gustinus Fauaronius Romanus Archiepiscopus Naza-
renus in operibus, quæ propediem typis mandabimus.
Quia tamen Crucis præferendæ honor a Romano Pon-
tifice ad Metropolitas, vt inferius ostendetur, deriu-
atus fuit, & quod his vel illis Crux præferatur, antiqui-
tas iisdem pene fundamentis innititur; bina hæc mem-
bra vno capite complectemur. Inde autem ducemus
initium, si, quod supra statuimus, iterum memoria repe-
tamus, nimirum, non tam certo nobis constare, fuerit
nece ritus hic præferendæ Crucis in vsu apud beatum
Petrum Apostolū, & alios vsque ad tempora, quæ Con-
stantinum Imperatorem consequuta fuerunt. Incredibi-
le tamen ardensq. animi studium in Apostolis promul-
gandi Euangelij, Veritatisq. propagandæ facit, vt existi-
memus illos manibus Crucem tamquam clypeum for-
tissimum gestare solitos, quando & publice Crucis vir-
tutem profitebantur, & in Crucem agi exoptabant.
Vbi vero Constantinus, nomine & re Magnus, Christiana-
nam religionem amplexatus fuit, & ex eius conuersio-
ne & pietate in Christum pax fuit Christiano populo
restituta, nulla ratione ambigendum est, quin bea-
tissimus Pontifex Siluester tanto trophæo cum solem-
ni pompa vti cœperit, cuius venerationis in Vrbe
Auctor extiterat. Præter id autem, quod (vt inferius de-
monstrabitur) est Romani Pontificis proprium, insi-
gne, ab ea tempestate beato Siluestro, eiusq. Successo-
ribus libera data est facultas, vt omnibus, singulisq. im-
peratorijs signis vti fas esset; inter quæ præcipuum
erat excellentissimum Crucis trophæum: Cuius eo fre-
quentior

quentior esse debet Pontificibus vsus, quo crebriora ac difficiliora sunt ipsis, quàm Imperatoribus, certamina: his enim contra visibiles hostes, a quibus quotidie non adoriuntur: illis vero contra inuisibilia, eaq. innumera & nequissima hostium agmina, a quibus omni temporis momento fideles inuaduntur, præliari oportet. Quod si humilitatis alioqui, ceterarumq. virtutum plenus, felicissimus ille Præful, alijs imperatoriæ dignitatis insignibus, se a Constantino exornari aliquândo passus fuit, proculdubio credendum est, sine Cruce, quæ Pontificiæ dignitatis propria est, cum numquã in publicum processisse. Quamuis autem nullum apud veteres legerim de Pontifice Romano huiusmodi solemnis gestationis exemplum, non tamen ritus illius auctoritas & fides apud nos imminuitur, maxime cum inferiorum Præfulum exempla non desint: Extat inter cetera illud S. Augustini Anglorum Episcopi in vita sancti Gregorij a Ioanne Diacono relatum his verbis: *Ad civitatem Augustinus cum socijs praelata Cruce seu Salvatoris imagine appropinquans cecinit dicens: Deprecamur te Domine, &c.*

Lib. 2.
cap. 35.

Accedit & alterius eiusdem insulæ Prælati, sancti videlicet Thomæ Archiepiscopi Cantuariensis exemplum, a Guillelmo de Repub. Angl. lib. 11. cap. xvj. narratum his verbis: *Curiam ingressus est Thomas Crucem argenteam ante se portari solitam propria manu baiulans, volentibusq. quibusdam, qui aderant, ministerium portande ante Metropolitanum proprium Crucis suscipere, abnuut: nec alium in illo conuentu publico Crucis baiulum quantumcumque rogatus admisit.*

Gabr. Fræcicanus lib. 5. de antiqu. & situ Calabriæ, non procul ab initio. Nilus fuit Monach. & Abb. ex ord. S. Basilij in Calabria nat.

Hoc ipsum confirmatur ex egregia historia, quã de beato Nilo Imperatori Othoni in occursum procedente Bartholomæus Cryptes monachus scripsit in hæc verba: *Ad Nilum cum Imperator Otho accessisset, ei cum Cruce obuiam perrexit, magnaq. humilitate, ac pietate Casarem veneratus est: ac in cœnobium induxit. Vbi cognita viri pietate, ac religione, passus non est Imperator, se a Nilo adorari: sed contra Casarem in eius manu deponens, ab eo benedictionem postulat.*

Præfatus
Aluar.

Æthiopix quoque Regi, quem vulgus Prætoioannem, magnum appellat, quadraginta & amplius Regnis dominantem, dum iter agit, Crucem a Clericis semper præferri testatur Franciscus Aluar. cap. 88. Cui exemplo & illud ob eius singularitatem potius quàm quòd ijs, quæ protulimus, admodum conueniat, subijcere mihi liceat, exceptum ex libro, qui nouus orbis inscribitur in nauigatione Iosephi Indi cap. 133. in quo narratur, Pontificem Christianorum ciuitatem Carangonaram inhabitantium, qui Catholica ab eis nominatur, tonsuram capitis ferre instar Crucis factam.

Extrauag.

Sed his Maiorum exemplis contenti, alterius generis testimonium proferamus, quo vel vno omnia, quæ in hoc capite diximus ne dum validissime confirmemus, verumetiam luce clarius illustremus. Illud autem desumpsimus ex capite, Antiqua extr. de priuileg. & priuileg. excef. vbi ita habetur: *Antiqua Patriarchalium sedium priuilegia renouantes, sancta vniuersali Synodo approbante, sancimus, ut post Romanam Ecclesiam, qua, disponente Domino, super omnes ordinaria potestatis obtinet principatum; ut pote mater vniuersorum Christi fidelium & magistra, Constantinopolitana primum, Alexandrina secundum, Antiochena tertium, Hierosolymitana quartum locum obtineant. Et infra: Dominica vero Crucis vexillum ante se facient vbique deferri, nisi in vrbe Romana, & ubicumque summus Pontifex presens extiterit, aut eius Legatus utens insignibus Apostolica dignitatis. In quo Canone tria potissimùm occurrunt diligenter considerata, quæ ad institutum, de quo agitur, plurimum faciunt. Primum est, quòd vexillum sanctæ Crucis inter sedis Apostolicæ insignia connumeratur. Quod satis euidenter colligitur ex eo, quòd post Crucis gestationem Patriarchis concessam, prohibetur ne in loco, in quo presens fuerit Legatus insignibus Apostolicæ Sedis vtēs, Crucem sibi præferri permittant. Ex quibus verbis proculdubio ostenditur, Crucē ad eiusmodi Apostolica insignia esse referendā. Alterum, quòd nemini, præterquā Romano*

Romano Pontifici sacrū illud vexillum præferendū sit, nisi cui ab eodē summo Pontifice illius præferendi facta fuerit facultas. Quod ex eisdem ferme verbis deducitur, ex quibus primum priuilegiū petebatur: & eo magis, quod eius gestationis locus, tempus, & modus, ceteris omnibus ab eadem Sede præscribitur. Quod plane dilucide confirmatur rescripto Alexandri III. ad Archiepiscopum Eboracensem, cui in hæc verba respondit: *Statuimus, ut litteræ prohibitionis nostræ, quas ad petitionem Archiepiscopi Cantuariensis tuæ fraternitati direximus, nullum tibi præiudicium faciant, quominus tibi & successoribus tuis liberum sis (quemadmodum vobis est beneficio Apostolica sedis indultum, & tu, & prædecessores tui consueuisti facere) ante vos per totam Angliam deferre Crucem, quousque definitiua sententia decernatur, an Ecclesia tua de iure hoc debeat habere.* Tertium, quod huiusmodi prælationis priuilegium Patriarchalibus sedibus collatum, tunc temporis etiam antiquum habebatur. Quare prudentissimi illi Patres vnà cum aliis, quæ prius repetita fuerant, renouandum esse merito censuerunt. Ex quibus argumentari licet, quod vetustus fuit religiosissimus hic ritus in Ecclesia Romana, cui Patriarchalium illarum cathedralium præfati, & antiqui Præsules tantum honorem acceptum retulerunt. Cuius antiquitatis tam pro Patriarchalibus, quàm pro Romana, sedibus in præferenda Cruce institutio aperte constabit, si supputemus nō solum annos, qui inter Concilium Lateranense sub Innocentio III. celebratum, in quo supradictus Canon editus fuit, sed etatem illorū etiam Archiepiscoporū, qui intercesserunt, apud quos Crucis gestandæ vsum fuisse grauissimorum Scriptorum testimonijs paulo superius demonstraui. Etenim Cōcilium illud anno M. CC. XV. coactum fuisse constat. Beatus vero Thomas Cantuariensis sexaginta sex annis Synodū antecessit: At si ad ætatem sancti Augustini Anglorum Apostoli, cuius etiam exemplum superius allatum est, huius ritus consuetudinem referamus, quem sub Gregorio,

Ext. velic.
péd. cap.
A memo-
ria.

Cōcil. La-
teranense.

gorio, a quo, vt diximus, in Angliam prædicandi Euangelij gratia missus fuit, in humanis fuisse constat, eidentissime apparebit, cæremoniæ huiusce antiquitatem mille annorum spatium excedere.

Sed, vt tandem huic disputationi finis imponatur, nõ ab re fuerit hoc loco amplissimi D. Hosij Varmien. Episcopi sententiam de hac re in medium proferre, quæ huiusmodi est: *Ceterum Archiepiscopo, vltra Crucem de collo pendentem, præfertur etiam Crux quoties in publicum prodit, quò numquam non ante oculos ipsius versetur: vt quemadmodum princeps est Episcoporum, ita se Principem esse meminerit ad quauis aduenda pericula pro fide, & Ecclesia Christi, & pro salute concediti sibi gregis conseruanda, quin & ad mortem ipsam, si qua id necessitas postulet, obeundam.* Sed de his hæcenus, nam de huius nostri ritus causis iam iam sermonem aggredimur.

Antiquissimi Patres vsi fuerunt Cruce, in qua imago Christi affixa pendeat.

CAP. XII.

SATIS superq. erat ad id, quod demonstrare proposuimus, statuendum, de Cruce in genere testimonia attulisse, cum parum referat, hæc de sola & nuda Cruce dixisse, vel de illa, quæ Christum Cruci affixum refert. Verum quia Cruci, quæ Pontifici, ceterisq. præsulibus præfertur, Christus in Crucem actus cernitur, ne cui de huius circumstantiæ antiquitate dubitatio aliqua suboriri possit, vetustissimorum Patrum auctoritate comprobabimus. Quod eo libentius facimus, vt Iconomachorum nostri temporis hæreticorum ignorantiam simul & impietatem redarguamus, maxime illorum, qui licet Crucis vsui non aduersentur, Crucifixi tamen imagini impiissime detrahunt.

Irenæus.

Irenæus contra hæreses, lib. 1. cap. 42. hæc habet, quæ

quæ ad rem nostram asserendam facere videntur: *Ipse habitus Crucis, fines & summitates habet quinque, duos in longitudinem, duos in latitudinem, & unum in medio, ubi requiescit, qui clavis affigitur.* Lactantius vero Firmianus de proposito argumento luce ipsa clarius testimonium perhibet sequentibus carminibus:

*Quisquis ades medijq. subis in limina templi,
Siste parum, infontemq. tuo pro crimine pressum
Aspice me.*

Carmine
de passione Domini.

Et paulo post subdit:

*Cerne manus clavis fixas, tinctosq. lacertos,
Atque ingens lateri vulnus, cerne inde cruorem
Sanguineum, fossosq. pedes, artusq. cruentos,
Flecte genu, lignumq. Crucis venerabile adora.*

Accedit ad hæc beati Ioannis Damasceni sententia, dicentis: *Imaginem transfixionis Christi videntes in Salvatore passionis memoriam redimus, & procidentes adoramus non materiam, sed imagine representatum.* Et addit subsequencia verba, quæ rei antiquitatem manifestissime ostendunt; nempe dicens: *Est autem hæc traditio* (Crucē videlicet adorandi) *non scripta, perinde ac adorationis ad Orientem.* Refert enim hanc doctrinam ad sanctissimos Apostolos tamquam ab illis non scripto, sed voce, & vsu traditam: in quo genere, vt ex his verbis aperte patet, reposuerat aliam traditionem, quæ est adorandi ad Orientem.

De fide
orth. li. 4.
cap. 17.

Huc etiam spectant verba illa, quæ in lib. 11. cap. 2. & 3. de visitatione infirmorum habetur, licet opus illud non minus Augustino quàm Tertulliano falsò adscriptum credamus; ibi enim ita legitur: *Adjicitur super Crucē quadam hominis inibi patientis imago. Per quod salutifera Iesu Christi nobis passio renouatur: & cetera.* Vbi & distichon huiusmodi subiicitur:

S. August.
to. 9.

Tertullianus.

*Nec Deus est, nec homo, præsens, quam cerno, figura:
Sed Deus est, & homo, quem signat sacra figura.*

Vt autem hanc catholicam veritatem vno vel altero Sanctorum exemplo comprobemus, illud primò in medium

Sur. 2. No
uemb.
Niceph.
lib. 3. c. 29

dium afferamus quod de sancto Eustathio, qui, dum sub Traiano Prætozem ageret, Placidus vocabatur, Metaphrastes, & Nicephorus, Damascenus, immo & Nicæna Synodus I l. referunt. Metaphrastes (cuius tantum verba retulisse sit satis) de eo in venatione proceræ staturæ cerui se exercente, ita scripsit: *Supra caput Cerui, qui apparuit, & ex utroque eius cornu, Saluatoris Crucis erat signata figura colore admodum splendido, & luminoso: in ipsa autem ille, qui carne fuit pro nobis passus, tamquam in tabula erat formatus in aëre. Ex illo autem spectaculo vox quadam audiebatur dicens: Placida, quid me persequeris? Ego sum Christus Iesus, &c.*

Apud Sur.
die 8. Iu-
lij, to. 4.

Secundo loco nobis se offert exemplum, quod in vita insignis martyris Procopij, qui ante susceptum baptismum Neanias appellabatur, & a Diocletiano dux militum fuerat constitutus, narrat Metaphrastes his verbis: *Cum Apamia triginta stadijs abesset, vocem audiuit illum interrogantem quo iret? Respondenteq. Neania aduersus Christianos se proficisci; rursus vox illi insonnerat: Cur ergo me persequeris? Iterum respondit Neanias: Tu quis es Domine? Et cum hac dixisset, statim apparet Crux crystallo similis, voxq. e Cruce exiit dicens: Ego sum Iesus crucifixus Dei Filius. Et post pauca: Cum hac dixisset Dominus, & diuino gaudio impleisset animum Neania, ascendit in celos: in hoc, dicens, signo, quod tibi apparuit, vince hostes. Et ne singula verba referentes prolixiores simus, cum ad Crucis, quæ sibi apparuerat, similitudinem, aliam ex auro & argento confari curasset, antequam absolueretur, visæ sunt in ea tres imagines hac inscriptione: *Superne quidem in principio Emmanuel, in ijs autem rursus, quæ erant utrimque, in ijs, Michael, & Gabriel.* Hanc ubi perfectam vidit Neanias, miraculo id totum attribuit, atque inde Crucis virtutem animo concipiens, illam adorauit, & pretiosissima purpura inuoluit, opifici ingenti pretio persoluto, lætusq. abiit. Quo loco dubium esse non potest, primam illam & digniorem imaginem, cui insculptum erat nomen Emmanuel, fuisse Saluatoris nostri crucifixi effigiem. Quid igitur*

igitur hæreticus orthodoxam Ecclesiam incusat, quod Christi imaginem in Cruce effingi nō improbet, & effatam veneretur, cum id edocta fuerit a suo sponso, qui ea forma hominibus apparere dignatus est, vt hac ratione ex infidelibus fideles, ex impugnatoribus propugnatores Christianæ religionis effecti, pro Cruce vitam neci exponere non formidarent?

*Cur summo Pontifici, Legatis, Patriarchis,
Archiepiscopis præferatur Crux imaginis
Christi, facie ad illos conuersa, re-
liquis vero omnibus auersa.*

CAP. XII.

ABSOLVTIS paucis, quæ in proximo superiori capite de imagine Saluatoris dicenda erant, neque præter rem, nunc alia quæstio circa eiusmodi Crucis vsum nobis occurrit: ea autem est huiusmodi: Quare dum regulares, & sæculares Clerici ad processiones conueniunt, & congruo ordine prout decet, simul incedunt, Crux eis, auersa Christi facie: summo autem Pontifici, Archiepiscopis, & huiusmodi alijs Hierarchis Ecclesiasticis conuersa præferatur: Cuius ritus admonetur Subdiaconus Apostolicus (qui & Crucifer Pontificius dicitur) in sacrarum cæremoniarum libro, his verbis: *Sed* Lib. 3. sect. 2. cap. 27. *aduertat Subdiaconus, cum portat Crucem, vt semper Crucifixum vertat ad Pontificem, qui sequitur: Cum autem Pontifex non sequitur, Crucifixus sit in parte anteriori.* Huius vero cæremoniæ causa, hæc nobis videtur: vt scilicet ex diuersa, & opposita Crucis huiusmodi gestatione, duo singulares prælationis Crucis effectus significantur: Nempe inimicorum nostrorum inuisibilibus effugatio, & hic est prior: alter vero, a malis per illos nobis intentatis tutela

- atque defensio. Quos ambos paucis his verbis comple-
 xus est beatus Pater Augustinus : *Hoc signum presidium
 est amicis, obstaculum inimicis.* Amicos autem eos intelli-
 git, qui Crucem sequuntur: inimicos vero, qui ei ex
 aduerso veniunt. Ait enim Dux, & inuictus Imperator
 noster Christus: *Qui non est mecum*, Crucem videlicet,
 quæ est militum meorum vexillum, sequens, *aduersum
 me est*: & Petro, qui non quæ Dei, sed quæ hominum
 & carnis sapiebat, cum a Cruce, in quam se agendum
 esse prænuñciauerat, deterrere, & arcere conanti, incre-
 pando illum respondit Dominus: *Vade post me Sathana,*
scandalum mihi es. Propterea enim Sathanam, qui inter-
 pretatur aduersarius, cum appellauit, quod antegredi
 cum, & illius studium anteuertere volebat. Quod indi-
 cant illa verba: *Scandalum mihi es.* Offendicula autem
 pedibus hominum ante non retro ponuntur. Id ipsum,
 & quidem apertius, per illa significatur: *Vade post me.*
 Quod dictum non conuenit, nisi illi, qui vel præire, vel
 saltem ex æquo incedere velit. Aduersum istos igitur
 primo effertur, & eleuatur Crucis Dominicæ signum;
 quasi communi omnium illud sequentium consensu, &
 voce contra infestissimos hostes inelametur: *Ecce Cru-
 cem Domini: fugite partes aduersæ.* Namque, vt beatus Am-
 brosius ait, *Vbi signum Crucis erigitur, statim & diaboli ini-
 quitas repellitur, & ventorum procella sopitur.*

Serm. 52.

In Missa-
li, Sacer-
dotali, &
Pontifi-
cali.Exorciste
quid.

Quod vero aduersarum potestatum effugatio illud
 sit, quod primum in ipsa Crucis eductione a Deo im-
 petrare optamus, declarant Exorcismi in sacrorum ri-
 tuum libris præscripti, creaturis Deo dicandis seu be-
 nedicendis prælegendi: quales sunt, qui hominibus
 præleguntur, qui siue infantes, siue adulti fuerint, ad
 baptismi fontem accedunt: & illi, qui ædibus ad Dei
 cultum mancipandis recitantur, vt taceam de sale, &
 de aqua in hunc finem exorcizari solitis. At exorcizare,
 idem est, quod adiurare: & exorciste ideo dicti sunt, qui-
 bus adiurandorum malignorum spirituum, expellendi
 eos

eos gratia, vt Tertullianus & sanctus Cyprianus docuerunt, facultas impertitur. Hunc ipsum effectum significari dicendum est, cum facies Crucifixi Clero prælati ad eos, qui ex aduerso obuiam veniunt, conuersa tenetur. Hoc enim in cuiusque itineris, vel cuiuscumque actionis & motionis initio, suis precationibus sibi largiri postulant fideles; vt scilicet abijciantur, & procul pellantur quicumque pijs eorum conatibus impedimento esse student. In hanc rem malignos spiritus vires omnes suas intendere nulli dubium est. Quòd vero Crucifixus conuersa facie ad Antistites præferatur, significat Deum præcipuò quodam modo illis adesse, singulariterq. eis assistere. Eos vero qui post Crucem veniunt, & Christo (vt ita dicam) conuicifixos a cunctis malis, & periculis esse protegendos, & eruendos, ac bonis salutaribus afficiendos, & locupletandos ostendit. Ipse vero ordo procedendi, per quem necessario fit vt Pastor medius inter Crucem, quæ illum antecedit, & populum qui eum retro comitatur incedat, declarat; Præfulus officium esse, vt ipse mediator sit inter Deum, & oues sibi creditas, pro quibus cum offerre dona & sacrificia non cesset, diuinæ largitatis gratiæ, & vberissima beneficia super populos effunduntur. Id fuisse præsignatū etiam in Moyse, sacra Exodi narratio testatur: *Loquebatur autem Dominus ad Moysen facie ad faciem, sicut solet loqui amicus ad amicum suum.* Inde enim excipiebat quæ erat gregi sibi credito propalaturus, ac mandaturus. Longe clarius id ipsam quoque indicatum fuit, quando Iudæis visione, lampadarum perterritis, montisq. fumantis aspectu, & auditione vocum, sonituq. buccinæ (quæ Dei ad eos loquentis signa erant) pauore concussis, & propterea illū ita rogantibus: *Loquere tu nobis; & audiemus. Non loquatur nobis Dominus, ne forte moriamur.* In hæc verba, quæ Deuteronomij cap. 5. habentur, respondit: *Ego sequester, & medius fui inter Deum, & vos in tempore illo, vt annuntiarem vobis verba eius. Timuistis enim ignem, & non ascendistis in montem;*

Tertul. li.
1. ad Scapula. Ec S.
Cyprianus
epist. 2. &
75.

Exo. 33.

Exo. 20.

Deut. 5.

Eadem sane in legis nostræ maioribus Sacerdotibus fieri egregie declarauit Augustinus elucidans illud Psal. 75. *Aug. to. 3 in Ps. 75. paulo ante med.* *Illuminans tu mirabiliter a montibus aternis, dicit enim: Qui sunt montes magni? Predicatores veritatis. Tu illuminans, sed a montibus aternis. Primi magni montes excipiunt lucem tuam, & a luce tua, quam suscipiunt montes, vestitur terra. Sed illos magnos montes exceperunt Apostoli, tamquam orientis luminis primordia exceperunt Apostoli. Numquid quod acceperunt apud se retinuerunt? Nonne diceret illis: Serue nequam, & piger dares pecuniam meam nummularijs? Si ergo quod susceperunt, apud se non retinuerunt, sed omni orbi terrarum predicauerunt: Illuminans tu mirabiliter a montibus aternis.* Omitto, ne videamur a proposito instituto longius progredi, innumera beneficia per Pastorum interpellationes, & merita populis in ipsorum subsidium, & tutelâ mirabiliter a Deo collata, quæ plane haud minus nota sunt, quàm quæ per Moysen Israeliticæ genti a Deo largita fuisse diuina recenset historia. Nec sane inficias eo, quin ambos iam dictos effectus operetur Crux hac vel illa ratione gestata: sed id solum affirmasse volumus, per Crucem priore illo ritu portatam nobis repræsentari primam illam vtilitatem, quæ est, vt iam non semel supra repetiuimus, aduersarum potestatum depulsio & effugatio: Per aliam vero gestandi formam præcipue significari, quæ nobis inde proueniant dona & beneficia.

Quid simile etiam ostenditur in gestatione Crucis, quæ Clericis præferri solita est; ex cuius hasta, vt plurimum, pædet pretiosum quoddam pallium ligno transuerso adiectum, vt nobis apertius exprimat speciem Labarii, quod, referente Iustino martyre, Crucis figuram ante Constantini tempora præseferbat: quod sane signum nō minus terribile ac formidabile erat hosti Romanorum, quàm ipsis Romanis gratum, ac iucundum videbatur: nam eius visione animus, viresq. militibus ad præliandum mirifice addebantur. Maxima etiam prudentia seruari arbitramur id, quod in vsu est, quādo
ad

Apolog. 2
pro Chri-
stianis.

ad processionem solemnem ritu celebrandas vniuersus Clerus, frequentissimusque populus una cum Pastore suo conueniunt, nempe, quod Clerici, & omnes Ecclesiastici viri, nullis alijs interpositis, ac interiectis, statim primam Crucem cum imagine Saluatoris ad anteriorem partem conuersam sequantur, & Crucifixo propinquiores incedant, quasi & illis, ut re vera decet, & oportet, illud beati Augustini de Christi discipulis dictum aptari possit, videlicet, *Ut illi sint etiam corpore viciniore, qui preceptis implendis animo plusquam ceteri propinquant.* Quanto enim Clerici præ laicis locum Crucis propinquiores sortiti sunt, tanto insignioribus exemplis populos ad eam sequendam instruere & adhortari debent. Inter hos autem, & illos medius incedit cum Cruce propria Archiepiscopus Crucifixi facie ad eum conuersa, ut ex eius prospectu omni diligentia studeat talem se tum apud Deum, tum apud subditos præstare, ut ab illo in omnibus suis tam pro seipso, quam pro populo suo oblati precibus exaudiri mereatur, vitæque suæ recta & inflexibili in-

De serm.
Dom. in
mōte lib.
1. cap. 1.

stitutione, atque præstantia tam
præcuntes, quam sequentes
ad se imitandum fideliter
inuitare adhortarique possit
his ipsi-

Doctoris gentium verbis:

*Imitatores mei estote,
sicut & ego
Christi.*

1. Cor. 11.

Quare Patriarcharum Crux duplici, Archiepiscoporum, & summi Pontificis, simplici linea in transversum ducta constet.

C A P. X I I I.

Crux vi-
sa in Hi-
spania.

OCCURREBAT postremo hoc loco quæstio soluenda: Quam ob causam Archiepiscoporum insignia Cruce exornentur, cuius stipes vna tantummodo linea, eius vero, quæ super Patriarcharum insignibus pingitur, binis disparibusq. lineis decussetur, ita ut breuior linea superiorem locum obtineat, longior inferiorem; qualem esse dicunt Crucem per vniuersam Hispaniam decantatissimam, Angelico, ut creditur, non humano artificio confectâ, quæ Caruacæ magna religione asseruatur. Nos igitur animaduertentes, quòd Romanum Pontificem, illiusq. Legatos antecedit Crux instar Archiepiscopalis, non autem Patriarchalis, necnon edocti ab Episcopis, qui vniuersam fere orientalem Ecclesiam peragrarunt, & Patriarchales, aliasq. primarias illas sedes visitarunt, quòd Crucis Patriarchalis vsus apud illas nullus sit, ac propterea existimantes eius formæ Crucis Præsulibus præferendæ consuetudinem nusquam seruari, disputationem hanc missam faceremus, nisi oculatorum testimonio relatione certiores facti fuissimus, esse in Europa insignis Metropolitanæ Ecclesiæ Archiepiscopum Patriarchali titulo decoratum, cui Crux præire soleat qualis super Patriarcharum insignibus statuitur. Cuius ritus ea proculdubio causa est, ut huiusmodi notæ & indicij varietate intelligamus in Ecclesia Dei esse sedes honore, & ditione dispares. Cum autem huiusmodi obseruationis testimonium scriptis traditum apud alium auctorem, quàm apud Ioannem Molanum in suo de picturis supra citato opere, minime inue-

Ioannes
Molanus.

inuenerim, illud nulla ratione prætermittendum existi-
maui. Cap. vt igitur 42. ita habet: *Hoc autem pro rudiori* Cap. 42.
bus addo: quòd baculo Episcopali non sit addendum Sudarium,
sine orarium, sed Abbatiali: per hoc enim distinguitur ab Episco-
pali. Item quòd baculus Archiepiscopi non habet superius un-
cum, sed Crucem: Patriarcha autem habet superius duplicem
Crucem. Supremo Patriarcha, siue Romano Pontifici, quidam
dant pedum cum triplici Cruce ad redarguendam eorum cacam,
& diuturnam ambitionem, qui se contra Romanam Ecclesiam
omnium matrem crexerunt, volendo Patriarcham Constantinop-
olis, quæ tunc noua quoque Roma dicebatur, vniuersalis Pa-
triarcha titulo insigniri, & eiusdem potestatis esse cum veteris
Roma Pontifice. Cum enim Crux sit insigne præcipuum
earum, quæ in Ecclesia Dei conspiciuntur, dignitatum,
proinde simplex minorem indicat ordinis potestatem:
multiplex vero maiorem & præstantiorem. Cui sa-
ne proportioni respondet veterum Romanorum con-
suetudo illa, iuxta quam supremum Magistratum plu-
res fasces, inferiorem pauciores antecedeabant. Et qui-
dem huiusmodi instituto illarum Ecclesiarum mos val-
de conuenire videtur, vt nobiliori Clero Cruces binæ, &
forte plures præferantur, minus vero insigni non item,
sed simplex.

Quod si hæc ad sensum tropologicum referamus, di-
cemus, commode per Crucis multiplicitem, & plu-
ralitatem significari, vt quibus eminentior in Ecclesia
locus est datus, grauius etiam sollicitudinum, curarum,
& laborum fuisse onus impositum. Quid est enim aliud
Crux, nisi cruciatus signum? itaque multiplicem Cru-
cem plurium cruciatuum indicium esse aperte conse-
quitur. Inde est, vt, quod Ecclesiastes de scientia pro-
nunciauit, dicens: *Qui addit scientiam, addit & laborem,* Eccls. 1.
id ipsum honori, potestati, seu dignitati Ecclesiastica ac-
commodari posse nemo inficias iuerit: vt similiter di-
camus: *Qui addit potestatem, seu honorem, addit &*
laborem, vel etiam, quemadmodum alia lectio habet, &
do.

**Crux Col
legij S.
Spiritus.**

dolorem . Nam , vt Patres interpretantur , cuiusque plus committitur , plus ab eo exigitur . Cuius sententiæ fuisse videntur , qui Crucem albam in eodē stipite duplicatam insignis Collegij & domus S. Spiritus de Vrbe symbolum esse voluerunt , nisi forte id ad differentiam illustrissimæ militiæ Hierosolymitanæ factum esse dicamus . Etenim per alteram in transuersum superstructam lineam significatur votum ab eis præter tria omnibus regularem vitam profitentibus communia emitti solitum , quo se perpetuo vinculo obstringunt ad præstandum ægrotantibus famulatum . In quo sane voto persoluen- do , tot , tantaq. incommoda suscipiunt , vt nisi charitas Christi , cui in egenis curandis seruiunt , illos erigeret ac sustentaret , omnino succumberent .

**Dubita-
tio .**

Solutio .

Verum si alicui his contrarium esse videatur , quòd Romano Pontifici , qui non solum Patriarcha , sed etiam Patriarcharum omnium Caput , & Pater est , eiusq. Legatis Crux præferatur communi ritu fabricata , non autē binis lineis decussata , huic dubitationi satisfieri posse putamus , si dicatur , non omnino constare Romanos Pontifices ea Crucis forma , qua modo vtuntur , olim vsos fuisse : visuntur enim nonnullæ summorum Pontificum imagines , quæ in manibus Crucem referunt , cuius stipes duplici ac triplici linea est decussatus : Neque vero incredibile est , talis formæ Crucem eis aliquando prælatam , qualem in manibus ipsorum nonnulli effingunt . Nam Patriarchæ depicti , & eorum gentilitia signa talem habent , quia talem (ni fallor) illis præferri consuetum erat , immo quòd tertio decussetur , id quam supra retulimus sententiam confirmat , cum scilicet dicebamus , accessionem secundæ lineæ in transuersum ductæ ad eundem stipitem , celsiorem illius , cui Crux eiusmodi præfertur , potestatem præmonstrare .

Thiara .

Quam ob causam forte sacra thiara , quæ solius Romani Pontificis caput exornat , singulari prærogatiua ex triplici corona conflatur .

Sed

Sed si hæc solutio quæstionis alicui non probatur, sicut nobis etiam vix persuaderi potest, vt credamus, Maiores nostros alioqui sacrarum cæremoniarum enacissimos, ab illo ritu (si apud illos vmquam vigit) aliquando recessisse: accipiat hanc alteram propositæ dubitationis solutionem.

Licet varia ista Crucis constructio reperta fuerit ad significandum inter Patriarchas, & Archiepiscopos eminentiæ, dignitatisq. discrimen; negamus tamen eandem fuisse necessariam ad ostendendam supremæ Pontificiæ potestatis dissimilitudinem: non enim vno signo tantum præfulget huiusmodi Pontificis maiestas, auctoritas, dignitas; sed plurima sunt, eaq. propria insignia, quibus supereminentissima omnium Apostolica sedes a quibuscumque alijs tam Patriarchalibus, quàm Archiepiscopalibus distinguitur; Huiusmodi sunt binæ clauæ decussatæ: sacra thiara triplici (vt diximus) corona, pulchro ac mystico artificio redimita.

*Solutio
dubita-
tionis
altera.*

*Thiara
sacra.*

Varia præterea indumenta solius summi Pontificis propria, siue domi ille se contineat, siue in publicum prodeat. Quòd si iter agat, mittimus diuersa, pulcherrimaq. vexilla, phaleratos equos pileos pretiosos, & alia, quæ Pontificem solemnem cum apparatu incedentem iuxta sacrorum rituum leges antecedunt: & inter cetera illud eò admirabilius est, quo minus frequenter est in vsu, quòd videlicet Papæ ab Vrbe paulo longius proficiscenti, sacrosanctæ Eucharistiæ sacramentum præfertur, loco inter Crucem, & Papam medio, idq. cum solemnissima pompa, religiosissimoq. comitatu: Ita vero Pontifici est hoc proprium, & peculiare, vt nulli vmquam Antistiti fuerit indultum. Cum igitur cælesti ac diuino hoc indicio omnium superexcellsa Romani Pontificis dignitas mirum in modum declaretur, non opus fuit, Crucis formam aliam, quàm communem, instituere.

*Ritus, qui
summotū
tum Pon-
tifici con-
uenit.*

L Accedit

Accedit præterea quòd Romano Pontifici, vbicumque fuerit, Crucis vexillum perpetuo præferri debet; ceteri vero omnes, quicumque illi sint, etiam Legati de latere, vbi Christi Vicarius adest, Crucem seponunt, neque ante se gestari patiuntur, vt hac etiam ratione debitum se illi obsequium & reuerentiam præstare declarant.

LIBRI SECVNDI FINIS.





LIBER TERTIVS

Quas ob causas Crux præferatur Romano Pontifici in publicum prodeunti.



Quinque causa de Cruce Romano Pontifici præferenda.

C A P. I.



ET si multo studio ac labore apud antiquos Patres, certas & expressas causas conquissuerimus, cur Crux præferatur summo Pontifici, hætenus tamen eas non inuenimus. Verum quia ritum hunc plurimis, grauissimisq. de causis putamus institutum, præclare in illum ea conuenire censemus, quæ Iuo Carnotensis Episcopus de erectione sanctissimæ Crucis, atque alijs institutis egregie scripsit his verbis: *Consuetudo Ecclesiastica multas ex rebus gestis continet consuetudines, quibus & rerum gestarum representat veritatem, & simplicium corda excitat ad pietatem, ut per ea, quæ foris venerantur, ad internorum amorem rapiantur. Quare sit, ut & ad recordationem Dominica passionis in Ecclesia Cruces erigamus: & tempore Ascensionis vexilla triumphum Christi significanti in eminentiori loco Ecclesia, tamquam in arcu triumphali sublimamus: quod Sanctorum miracula, vel martyria picture imaginatione recordamur. Proinde pro ingenij nostri tenuitate dabimus operam, ut causas, quas coniectura*

Serm. de
Purific. B.
Virginis
Matris.

L 2 saltem

saltem animo concepimus, vti verisimiliores, ac pietati magis consentaneas, in medium afferamus. Ante omnia autem statuendum a nobis est, Crucem, vt fide-
 lium oculis facilius objiceretur, in sublime tolli consue-
 uisse, non ea solum ratione, vt potissimum passionis,
 & necis Christi Domini perpetuo memores essemus
 (prout Iuo testatus est) verumetiam, vt in eiusdem Do-
 mini fide, qua illum Cruci vere affixum fuisse profite-
 mur, magis ac magis confirmaremur, atque munire-
 mur, contra hæreticorum impios conatus, qui hanc
 veritatem infirmare, eiusq. virtutem labefactare totis

Iren. li. 1.
 cap. 28.
 Epiph. hæ-
 res. 21.

viribus nituntur, sicuti fuerunt, teste Irenæo, & Epi-
 phanio, omnium primi Simoniani, quos (vt Augusti-
 nus, & ceteri testantur, qui de hæresibus commenta-
 rios ediderunt) secuti sunt Basilidiani, Marcitæ, & alij Si-
 monis Magi hæresiarcharum principis sectatores: Hi

Lib. cita-
 to hæres.
 14.
 Euseb. li.
 4. hist. Ec-
 clest. 8.

Christum non vere, sed vt eiusdem sancti P. Augustini
 verbo vtat, *putatiue* passum fuisse asseuerare non eru-
 buerunt: & Basilidiani addebant, non Christum, sed Si-
 monem Cyrenæum, qui angariatus sustulit Crucem
 Domini, fuisse crucifixum. Contra hos Paulum Apo-
 stolum, in ea, quam ad Philippenses dedit, epistola, acer-
 rime inuehi putamus, quos inimicos Crucis Christi ap-
 pellat, ac proinde in eadem Epistola tam exacte Chri-

Philip. 3

sti in Cruce mortem descripsit, dicens: *Factus obediens
 usque ad mortem, mortem autem Crucis.* Et in alijs præte-
 rea Epistolis nihil aliud se scire aut prædicare profutur
 nisi Iesum Christum, & illum quidem Crucifixum.
 Quos sugillabat Ignatius ad Trallianos ita scribens:

Ignatius
 epist. 5.

*Si surculi non fuissent patris (Diaboli videlicet) non fuisset
 hostes Crucis Christi, sed eorum, qui occiderunt Dominum
 gloria. Nunc vero, cum Crucem negent, & illos passionis pu-
 deat, sequuntur Iudeorum scelus.* Sed hoc ipsum in sua ad Phi-

Epist. 3.

lippenfes Epistola magis aperte declarat, magisq. con-
 firmat eo loco, vbi legitur: *Princeps enim huius mundi
 gaudet, cum quis Crucem negaris: cognoscit enim Crucis confes-*

sionem

tionem suam esse exitium, id enim trophaum est contra illius potentiam, quod (vt in priori etiam libro retulimus) *ubi viderit, horret, & audiens timet*. Sed quid est, vt optime aduertit pius admodum & Ecclesiasticarum historiarum in primis eruditus Cæsar Baronius, cuius verba referre non pigebit: *Quid est (inquam) quod ait: ubi viderit, horret, nisi quod tunc Crucis vexilla erigi solita significat?* En igitur, vnde ductum est principium, cur ad exemplum Crucis, in qua passus est Christus, aliæ Cruces erigerentur in titulum, quas fideles venerarentur, & diabolus exhorresceret.

Annal. Ec
clesi. anno
Christi
60. a prin
cip.

Nunc igitur ad causas, ob quas circumferuntur Cruces, tandem accedentes, illud primo statuimus, omnes causas, quas complexi sumus in Libello de gestatione sanctissimi Corporis Christi coram Romano Pontifice procul ab vrbe iter faciente, omnes (inquam) præter primam, quæ est, vt habeatur in promptu sacrosanctæ Eucharistiæ viaticum, huic quoque parti apposite conuenire, & aptissime accommodari posse. Sunt autem quæ proxime sequuntur.

Prima, ad fidem in Christum propter nos redimendos, & saluandos Crucis affixum, abique rubore, & intrepide profitendam.

Secunda, ad illius, cui præfertur, ardentem amorem erga Crucem, & peracta in eâ nostræ salutis mysteria, indicandum, ac manifestandum.

Tertia, ad Papæ, & vniuersi Papæ comitatus a cunctis periculis tutelam, ac protectionem.

Quarta, ad illos, qui eam sequuntur, & comitantur, a peccatis cohibendos, & ad Crucifixi imitationem monendos.

Postrema, ad Papæ supremam omnium dignitatem, ac potestatem declarandam, cunctorumq. fidelium oculis proponendam.

Crux præfertur ad fidem in Dei Filium Crucifixum protestandam, & tam illius, cui præfertur, quam illorum, qui ei occurrunt fidem, religionemq. detegendam.

C A P. . . I I.

PRIMA causa Crucis non solum summo Pontifici, sed & quibuscumque alijs Christianis præferenda, est, ut sacrum illud signum tamquam omnium Christi militum præcipuum vexillum, ea, qua debemus, reuerentia prosequamur, & sub illo conuenientes, & post illud incedentes, Iesu Christi Nazareni Crucifixi fidem profiteamur, & in eius Cruce nos gloriari palam, & intrepide protestemur.

Est enim hoc primum symbolum externum, quo insigniuntur, & designantur, quicumque Christi fidē amplectuntur. Et quemadmodū charitas, beatissimo P. Augustino teste, intus in anima distinguit inter filios regni, & diaboli, ita Crucis signaculum in corpore innotescere facit fideles ab infidelibus, quibus Crucis prædicationis vel scandalum est, vel stultitia, dicente Apostolo:

I. Cor. I. *Nos prædicamus Christum Crucifixum, Indeis quidem scandalum, Gentibus autem stultitiam: ipsis autem vocatis Iudeis, atque Græcis, Dei virtutem atque sapientiam. In quam sententiam a beato Athanasio Crux appellata fuit tessera. Inquit enim: Jam in spectaculo virorum, mulierum, puerorumq. in tenera ætate recta contententium, prosilientiumq. in mortem, idq. ob Christi religionem; quis ita est stolidus? quis ita est, a credendo alienus? quis ita animo obtectatus, ut non statim cogitet Christum haud dubie, cui illi se testes præbent homines, singulis victoriam contra mortem suppeditare, illamq. debilitare in unoquoque eorum, qui in ipsum credunt, ac tessera,*

Tra&. 5.
in epist.
Ioan.

Serm. de
incarnat.
Verbi.

ram, vexillumq. Crucis circumferunt? Tessera vero signum est, quo amici ab hostibus, & vetus hospes ab extraneo dignoscebantur: vnde tesserae militares, & hospitales apud Latinos auctores nomen acceperunt. Quod quam apte Crucis vexillo conueniat, non minus clare, quam pie explicauit Ioannes Damascenus, cum ait: Hoc nobis signum datum est super frontem: per ipsum enim fideles ab infidelibus distamus, & discernimur.

De fid. or
thod. li. 4.
cap. 12.

Ab hac sententia minime alienum est & id, quod eodem tesserae nomine significari etiam legitur signum populi Romani, quod affigi solebat in aliquo eminentiori loco Urbis, vt comitia haberi possent, eo vero sublato, statim comitia soluebantur: Naque ad huius exemplum Crux Christiani populi tessera merito dicitur, sine qua nec Ecclesiae congregatio, nec popularis conuentus, nec aliqua iusta, & legitima societas congruenter initium sumit, nisi prius Crucis signum credentium omnium frontibus praefigatur, nec populus ad pietatem erigi, nec fideles ab infidelibus disiungi possunt. Hoc certe signum est Dei viui, quo signantur serui Dei. Hinc miserimi homines, qui Christi fidem impie deserunt, ab eaq. turpissime defeiscunt, ad id impietatis se induci permittunt, vt Crucis vel ab ipsis Angelis adorandum signum non tantum scelesto ore blasphement, verum & pedibus (ò mira omnipotentis Dei patiétia!) conculcare non vereantur.

Ad hoc facit quod Hippolytus martyr, Antichristi grauissimam in Christianos persecutionem describens ea inualecente ait: *Cuncti ciborum penuria ad illum accedent, atque adorabunt eum; quibus dabit charactèrem in dextera manu & fronte, ne quis dextra sua pretiosam illam Crucem pingat in fronte, ex quo tempore non poterit ullum signare membrorum suorum, & cet.*

Lib. decò
summat.
seculi.

Hinc impiissimus Iulianus Apostata Antichristi prodromus & praenuncijs, Crucis vexillum, in quod fidelissimus Imperator Constantinus Labarum (vt superius dictum

Lib. 5.
cap. 16.

dictum est) præcipuum militare signum commutauerat, in priscum schema superstitionis transformauit, ut Crucis memoriam aboleret. De qua re ita scripsit Sozomenus: *Omnes autem omnino ad illam (Græcorum scilicet superstitionem) proficendam, cum re vera assuefacere conaretur, illud, quod in signis militaribus Romanorum principem locum obtinebat, quodq. Constantinus diuino mandato, uti supra commemoratum est, in insigne Crucis commutauerat, ad veterem effigiem & figuram traducere decreuit.* Hæc Sozomenus; a Nicephoro postea hist. Eccl. suæ lib. 10. & cap. 23. repetita.

De diu.
off. c. 25.

Hanc Iuliani impietatem Ioan. Beletus his verbis commemorauit: *Julianus signa Crucis ubique destruxit, & Christianos quantum potuit persequutus est: credens aliter fieri non posse, ut sibi demones obtemperarent. Quare etiam Iudam modo appellatum Quiriacum interfecit, per quem Crux fuerat inuenta, & qui crederet, se rem gratam facturum diabolo, quem de hoc Martyre dixisse ferunt: Per Iudam Christus morti traditus est: & per hunc Iudam Christus mortuus exaltatus est. Itaque si salutarem Crucem abominari, ac illam longe a se pellere est certum argumentum infidelitatis eorum, qui ita erga illam se gerunt: e contra firmæ & constantissimæ illorum in Crucifixum fidei efficacissimum erit argumentum, qui Crucem sibi semper præferri, & ante oculos habere volunt.*

Perpetua Crucis in itinere prælatio ante summum Pontificem ardentissimum ipsius erga illam studium demonstrat.

C A P. I I I.

QUÆMADMODVM ex eo quòd summo Pontifici Crucis Dominicæ signum præfertur, eiusdē summi Pontificis (ut dictum est) erga Crucifixum fides demon-

monstratur: Ita ex illius tam frequenti vſu, in Eccleſia, ſoris, in itinere ipſo maniſeſtiffime declaratur eiſdē ſtudium ac pietas erga præſtantiffimum Redemptoris trophæum: quaſi illius deliciæ vnæ ſint ſemper eſſe ac verſari cum ſalutari, ac viuifica Domini ſui Cruce. Quòd ſi magni Conſtātini non modo in Chriſtum Crucifixum fides, ſed admirabile etiam ſtudiū, atque propenſa deuotio erga triumphale illius ſignū ex eo emicuit, & quòd Crucem ex auro puriſſimo fabricarit, gēmiſq. pretioſiſſimis exornarit: quòdq. eam a caſtris, & ab exercitu ſuo abeſſe numquam pateretur, vt ſic ipſam intueri ſemper & digne pro viribus venerari poſſet: Quāta, quæſo, cuiuſque vere fidelis erga Dominicā Crucem deuotio, quantuſve animi affectus coniſci, & cognosſci poteſt, ſi a Crucis conſpectu numquā ſe retrahat; & non modo internis animi luminibus Crucis myſteria aſſidue meditetur, verum etiam corporis oculos intendat in illud Redemptionis noſtræ ſingulare monimentum, illius præſentia vehementer delectetur? eiſq. aſpectu inexplicabili delectatione perfruatur? Hæc autem inſpectio ſi interiori ſpiritus viſioni coniuncta fuerit, quantæ ſit virtutis, & quā potenter ſoris in ipſa etiam (ſed pro modulo ſuo) carne & corpore operetur (vt nunc de beatiſſimo Andrea Apoſtolo taceam, qui quanta perſuſus fuerit animi lætitia ex Crucis ad atrociffimam mortem ſibi paratæ inſpectione, maniſeſtiffime declarant gaudij & exultationis plena verba, quibus illam ſtatim ac eam vidit a longe ſalutauit, vt ſe ſuſcipere non grauaretur, humili prece poſtulauit) teſtantur ſtigmata, quæ in manibus, pedibus, & latere ſancti Franciſci coram ſacra Crucifixi imagine toto cordis affectu orantis diuino ſtylo mirabiliter impreſſa fuere. Teſtantur & paſſionis Domini myſteria in carneo corde beatæ Claræ virginis de Mōteſalcone Eremitanæ S. P. Auguſtini familiæ ſingularis ornamenti, diuinitus inſculpta, & efformata. Ex his & alijs, a quorum commemoratione conſultò ſuper-

S. An-
dreas.

Apud Sur.
in vita S.
Franciſci
die 4. O-
ctob.

sedemus, consimilibus exemplis admirabilium effectuum, quos in diuersis vtriusque sexus fidelibus, qui oculorum suorum acies in Dominicam Crucem singulari studio intendere solebant, Deum pro sua benignitate operatū fuisse a fidedignis Scriptoribus accepimus; satis constare potest, quod Crux insignioribus Ecclesiae Hierarchis praelata, primo excellentem quandā eorum erga sacrum militiæ Christianæ vexillum pietatē (quod ostendere proposueramus) ac dilectionē indicat: Deinde quibus pie oculos tollere ac figere in Crucē ita praelatam contigit, eos miro quodam modo ad Christum crucifixum toto corde, totisq. viribus diligendū accendi, & inflammari. Nemo enim est eorum, qui Christi nomine digni meritō censentur, cui ad primum Crucis intuitum, Crucifixi, qui nos per eam redemit, memoria statim non refricetur, eosq. beneficiorum ab illo acceptorum non subeat recordatio; quibus interne commotus, mox coram illa genuflectat, vel saltem humillime inclinatus, caput demittat, gratiq. animi sui, pro acceptis donis, signa præferat, & ad alia, quæ commemorauimus, promerenda, dignus efficiatur: Hanc enim ob causam, Crucem non modo circumferri, verum etiam in templorum editionibus nobilioribusq. locis, & vbique statui, omnibus constat. *Quod si demones* (vt Cyrillus Hierosolymitanus ait) *quandocūque Crucem viderint, recordantur Crucifixi, vt pote qui metumt enim, qui contrinuit capita draconis in aquis, quæ ex Christi latere effluxerunt: quanto magis Crucis aspectu, eiusdem Crucifixi memores esse debent Christiani, & proinde gaudij, studij, gratiq. animi affectum, & spei plenam significationem exhibere?* Si Romani milites vbi primum Labarum suspiciebāt, supplices illud adorabant, sibiq. ac ducibus bene ominabātur, & precabātur, quod eo præcedente, exteræ gentes debellassent: quanto magis nos Christiani, toto animi studio erga inuictissimum Crucis signum affici, & quolibet honoris, & reuerentiæ genere

Cath. 13.

genere cælestis Imperatoris nostri victoriarum gloriosissimum trophæum prosequi debemus, quo muniti ac protecti hostium conatus debilitamus, ac frangimus, eorumq. acies vti mox indicabimus, profligamus, ac prosternimus? Quare satis nunc sit demonstrasse validissimum esse argumentum ad conuincendum, quempiam grandi ac vehementi dilectionis studio Crucis teneri, si idem frequenti Dominicæ Crucis inspectione delectetur. In summis Romanis Pontificibus recensendis nō est quoddam plurimum: testantur enim id augustissima templa, & sacræ Aræ Cruci dicatæ, Cruces summa arte elaboratæ, ac pretiosissimis gemmis ornatæ. Declarant veterum monumenta Scriptorum, quorum lectione fideles edocti, aut inflammati prædicatione ad Crucem venerandam & colendam mirabiliter inuitantur, siue etiam adiguntur. Qui exempla requirit, consulat Auctores, qui Pontificum vitas scripserunt, præcipue Anastasium bibliothecariū, quorum nos dicta præterimus hoc loco, quia propositæ materiæ ea non admodum necessaria putamus. Tantum eam historiam recensebimus, quæ de Clemente VII. refertur, quia rem gratam nos arbitramur facturos saltem ijs, qui in Pontificij sacrarij præfectura nobis erunt subrogandi, nam breui hac narratione, statim de inæstimabili eorum fidei & custodiæ credito thesauro intelligent, quæ nobis post diuturnam inuestigationem, & quidem animi lætitia inexplicabili innotuerunt. Eius autem historię auctor est Onuphrius Panuinius Veronensis coe-
 remita Augustinianus in opere manuscripto de Basilica Lateranensi. Is, inquam, diligentissimus antiquitatis inuestigator, dicti operis lib. 4. cap. 21. agens de Oratorio sancti Laurentij Sancta Sanctorum nuncupato, ob innumeras & insignes in eo adseruatas reliquias (nam & sanctissimorum Apostolorum Petri, & Pauli ibi vsque ad Urbani V. Pontificatum, capita custodita fuerūt) refert in eo magnam sanctissimæ Crucis

Clemente
VII.

Onuphr.
Panuin.

R. P. Alphonsus
Ciac. tra-
ctat. de si-
gnis san-
ctiss. Cru-
cis, c. 34.

Dominicæ partem asseruatam fuisse, quæ singulo quoque anno in die festo Exaltationis sanctæ Crucis efferebatur, & super altare exculte ornatum simul cum alijs reliquijs locata primum a Pontifice & Cardinalibus, deinde ab vniuerso populo adorabatur. Eius historię testes affert Venerabilem Bedam in lib. de temporum ratione, & Anastasium Bibliothecarium in vita Sergij Papæ; de quo Pontifice vterque narrat, quòd illam Crucis partem alibi inuentam in eo Oratorio reposuit custodiendam. Et in fine subdit hæc verba: *Hanc sanctissimi ligni portionem excidio Urbis sub Clemente VII. a militibus aliquot theca argentea direpta, ablatam, Pontifex prodigiose, & non sine ope diuina recuperauit, & aurea, crystallinaq. Cruce inclusam in Palatio Vaticano seruari iussit.* Quòd autem ea sit, quæ in sacrario Pontificio asseruatur, atque in solemnioribus festiuitatibus in altari, quando summo Pontifice, & sacro DD. Cardinalium Senatu præsentibus diuina officia persoluuntur, locari est solita, haudquaquam dubitare permittunt qui tunc aderant, & historiam memorarunt oculati testes, & ipsa aurea & crystallina materia, ex qua confecta conspicitur, & ipsius Clementis in eius, de qua agimus, theca impressum nomen.

Ad rem autem nostram, a qua digressi sumus, mihi plurimum facere videtur memorabile illud exemplum, quod sanctæ memoriæ Carolus Borromæus Cardinalis S. Prædix, vir spectatissimæ integritatis & sanctitatis ætate nostra, numquam Crucem suam Archiepiscopalem, cum in suæ ditionis locis morabatur a se patiebatur auferri, quam
& vigilans ante oculos, & dormiens supra caput apud lectum perpetuo retinebat.

*Crux præfertur ad eorum, qui eam
prosequuntur, tutelam.*

CAP. IIII.

DE certissimo præsidio, atque ab vniuersis periculis præsentanea tutela, quam experiuntur quotquot hoc salutari signo se fideliter muniunt, ac illius, qui per eam saluos nos fecit, opem intimo cordis affectu implorant, tam crebra, & omnibus passim notissima habentur testimonia, vt superuacaneum videri possit in huius argumenti probatione immorari. Ad laudem igitur huius fortissimi propugnaculi, & ad nostræ erga illud fiduciæ excitationem, pauca ex multis, & pene infinitis, quæ pro tertiæ huiusmodi causæ explanatione & confirmatione adduci possent, afferemus. At quis pericula, quibus mortales omnes quolibet temporis momento expositi sunt, dum in hac lacrymarum valle peregrinantur, enumerare valeat? quæ sane nullo modo nisi Diuino protegente numine imbecillitas nostra depellere, aut euitare posset: Cuncta nihilominus ad duo potissimum capita reuocari possunt, quæ huc spectant: nempe ad animæ, seu spiritus, & ad corporis damna: at quoniam bonorum spiritualium iactura longo interuallo superat corporearum creaturarum detrimenta; a spiritualibus exordientes vnum vel alterum testem proferemus, quibus liquido constabit Crucis signaculum præsentaneum esse refugium ad arcenda efugandaq. pericula, quæ animarum quieti & saluti perniciosissime aduersantur.

In ea, qua, vt supra diximus, Martialis nomine circumfertur Epistola, hæc habentur ad rem propositam in primis facientia: *Crux Domini, arma iura vestra inuicta contra Satanam, galea custodiens caput, lorica protegens pectus, clypeus tela maligni repellens, gladius iniquitatem, & angelicas insidias*

Ad Bur-
degalenses
cap. 8.

insidias peruersa potestatis, sibi propinquare nullo modo sinens. Hoc solo signo celestis victoria data est nobis, & per Crucem baptismi Dei sanctificatum est.

Lib. 6. in
cap. 6. ad
Rom.

Alter testis est Origenes, qui illam Apostoli sententiam pertractans: *Non regnet peccatum in vestro mortali corpore, Tanta est (inquit) vis Crucis Christi, ut si ante oculos ponatur, & in mente fideliter retineatur, ita ut in ipsam mortem Christi intentus oculus mentis inspicias, nulla concupiscentia, nulla libido, nullus furor, nulla superare possit invidia, sed continuo ad eius praesentiam totus ille peccati, & carnis fugatur exercitus. Eidem sententiae se tertio in loco subscribit, dum inquit: Crux Iesu est omnium cupiditatum, donec eas deleueris, insectatio. Itaque beatus Apostolus, qui eas contriue-*
Gal. 2. *rat, audebat dicere: Cum Christo crucifixus sum.*

Ad grauissimorum huiusmodi testimonium dicta confirmanda accedit S. Patrocli exemplum, quod a Beato Gregorio Turonensi refertur his verbis: *Tentabatur is de reditu ad saculum, sed angelica visione correptus est, his verbis: Desine ergo querere mundum, ne pereas cum eo: & quod ibi innueris, hoc tibi eris consolatio in peregrinatione tua: Ingressus igitur cellulam Oratorij inuenit regulam fictilem, in qua signum Crucis Dominica erat impressum; agnoscensq. munus Diuinum, intellexit sibi ad omnia mundana peruersitatis incitamenta hoc esse inexpugnabile munimentum.*

Protectionis autem indubiae a corporis (vt ad alteram partem demonstrandam cito deueniamus) periculis ad signi Crucis praesentiam, tot occurrunt ex historijs, alijsq. Patrum scriptis testimonia, vt facile nobis no sit deliberare, a quo sumamus exordium: ne tamen plusquam decet prolixiores simus, ex tam magna illorum multitudine, pauca nobis satis erit delibasse: Nam & aliqua superius, prout res exigebat, attulimus nostro instituto opportuna.

De vit.
Constit.
lib. 2. c. 7.

Primo igitur apud Eusebium de magno Constantino sic refertur: *Sicubi enim partem aliquam sui exercitus languentem cernebas, ibi illud salutare vexillum tamquam subsidium*

fidium ad victoriam obtinendam locari mandauit; cuius adimentis exemplo parata est victoria: quippe dimicantium vires diuina quadam potentia fuisse admodum confirmata. Quibus & hoc vere admirabile subiicit factum: Cum in media belli dimicatione ingens forse fremitus, & turbatio repentina exercitum occuparet, ille, qui vexillum hoc portabat humeris, inter praliandum, primum praeforidine exhorrescere cepit, deinde alteri illud tradere, ut belli impetum effugeret. Postquam alter accepit, isteq. suis ex acie egressus, & extra vexilli praesidium locusus tela coniecto in ventre confossus est, morteque sopitus concidit. Atque ut iste timiditatis & dissidentiae paruas lucus ibi mortuus iacuit, sic ille, qui salutare trophaeum sublime, & erectum portabat, omnino eius subsidio euasis incolumis, adeo ut saepe cum tela frequentia ab hostibus in eum iacerentur, qui ipsum ferebat, saluus extiterit, & vexilli hastula tela inmissa exceperit.

Eodē lib.
cap. 9.

Hanc admirabilem virtutem beatus Martinus sibi egregie notam declarauit, quando Iuliano Caesari ei probro adscribenti, quod non religionis gratia, sed metu, quae sequenti die futura erat, militiam detrectaret, respondit: *Si hoc ignauiae adscribitur, non fidei; crastina die ante aciem inermis astabo, & in nomine Domini Iesu signo Crucis, non clypeo prosectus, aut galea, hostium cuneos penetrabo securus.*

Seuer. Sul-
pi. in vit.
S. Marti-
ni apud
Sur. die
11. No-
uemb.

Sed quid opus est fidelium plura testimonia recensere, cum ipsetiam, qui Christianae religioni aduersantur, hoc signum sua quo se manu munierant, praesentaneum fuerit contra daemones propugnaculum, ut scribit Gregorius Magnus de Iudaeo, & Nazianzenus de Iuliano Apostata, cuius nuper meminimus? Nazianzenus enim ita habet: *Ut autem egregium virum* (sic ironice appellat Iulianum) *qui cum mago in subterraneas partes descenderat daemones consulturus prodeuntem terrores adoriri ceperunt, ac subinde plures, & formidolosiores sonos quosdam insuetos aiunt, retrosque odores, atque ignea spectra, ac nescio quas nugas & deliramenta, re inopinata percussus* (harum enim

In Iulia-
nū. orat. II.

verum

verum studium sero amplexus fuerat) ad Crucem, vetusq. remedium confugit, eoq. se aduersus terrores consignat, & eum, quem persequabatur, in auxilium asciscit. Et subdit: Valuit signaculum, cedunt demones, pelluntur timores. Et cui dubium? Nam id disertis verbis docet Origenes dicens: *Qui aurata capitolia non timent, Crucem timent.*

Epiphân.
to. 2. lib. 2.
contra E-
bionitas.
Dial. lib.
3. cap. 7.

Magica quoque incantamenta Crucis virtute superata, ostendit idem Gregorius in vita sancti Cypriani martyris: quod etiam Epiphanius egregio testimonio confirmat: sed ne in re apertissima diutius immoremur, lectorem illuc reijcimus. Alter vero Gregorius non inferior sanctitate & doctrina, quàm potestate & auctoritate maximus, de Iudæo hæc habet: *Quadam die Iudæus quidam ex Campania partibus Romam veniens, Appia carpebat iter, qui ad Fundanum clium perueniens, cum iam diem aduersperascere cerneret, & quò declinare posset minime reperiret, iuxta Apollinis templum fuit, ibiq. se ad manendum contulit. Qui ipsum loci illius sacrilegium pertimescens, quamvis fidem Christi minime haberet, signo tamen Crucis se munire curauit. Nocte autem media ipso solitudinis pauore turbatus peruigil iacebat; & repente conspiciens vidit malignorum spirituum turbam quasi in obsequium cuiusdam potestatis praire, eum vero, qui ceteris præerat, in eiusdem gremio loci confedisit, capitis singulorum spirituum obsequentium sibi causas, actusq. discernere, quatenus unusquisque quantum nequitia gessisset, inueniret. Et post pauca: Cumq. Iudæus, qui aduenerat, hoc vigilans cerneret, ac magna formidinis anxietate palpitaret, ab eodem spiritu, qui cunctis illis obsequentibus præerat, iussum est, ut requirerent, quisnam esset ille, qui iacere in eodem templo præsumpsisset: Quem maligni spiritus pergentes, & subtilius intuentes, Crucis mysterio signatum viderunt, mirantesq. dixerunt: Va va, vas vacuum & signatum. Quibus hæc renunciantibus, cuncta illorum malignorum turba disparuit. Concedatur nobis, ut illud adijciamus, quod ad rem nostram maxime facit, de Turcis a peste seruatis, quia Crucis signum sibi imprefferant, licet in Crucifixum omnis*

omnis salutis auctorem minime crederent, de quibus hæc narrat Nicephorus: *Tarcos, quos Chosroes Constantino-
polim miserat, stigmaticos liquato atramento Crucis in frontibus
impressas Imperator (Mauritius is erat) habere videns inter-
rogauit quanam gratia quæ non tolerens circumferrent signa.
Illi grauem ante plures annos in Perside ex patria sua pestem
coortam esse dixerunt, a qua cum multi mortales infecti interi-
rent, Christianos quosdam, qui ibi sacre, hominibus, si hoc fe-
cissent, salutis suæ consulturos esse, regionemq. totam a lue tali
intactam liberamq. fore persuasisse. Idq. ita esse ab eis factum.
Quod licet Zonaras ab eis gestum scribat, ne fame pe-
rissent (nisi fortasse alterum sit, diuersumq. miraculum)
satis tamen aperte ostenditur, Crucis virtutem in illo
vel pestis, vel famis periculò, infidelibus fuisse salu-
tarem.*

Eccl. h. ii.
lib. 11.
cap. 19.

Lib. An-
nalium
Mauritio.

Quæte si tantum auxilij præsidijq. Crucis hostes in-
fensissimè in eius signo positum experimento didice-
runt, quid non protectionis ac tutelæ in omnibus peri-
culis sperabunt qui se illius cultui totos addixerunt?
quid non assequuntur, si eiusdem auxilium fide ac pie-
tate fulti deposcent? Hinc est, quòd Ecclesia fidei ac re-
ligionis inante nos docentè, sæpissime repetimus: *Per
signum Crucis, de inimicis nostris libera nos, Deus noster.* Ite-
deriq. petimus, vt qui eiusdem sanctæ Crucis gaudent
honore, diuina quoque protectione vbique gaudeant,
illiusq. perpetuis subsidijs defendantur. Ad hoc saluta-
rè signum, vt conuertamur, & confugiamus, Deum
precaturi pro cunctis mentis & corporis periculis pro-
cul pellendis, in primis hortatur Alcuinus Abbas hanc
precationis formam præscribens & commendans: *Pec-
cata nostra Domine, quibus impugnatur, virtute sanctæ Cru-
cis expelle; & tua miseratione nos ab omni aduersitate defende.
Per Dominum nostrum, & cet.*

In Missa-
li Rom. in
fest. san-
ctæ Cru-
cis.

Tom. 2.
Liturg.
Latin. li.
3. per Pa-
mel.

Miracula, quæ post mortem Christi per fideles suos operatus est Deus, omnia communiter signo Crucis adhibito facta fuere.

C A. P. V.

LO C V S hic postularet, ut ad eorum, quæ diximus confirmationem, & sanctissimæ Crucis honorem miracula commemoremus; quæ singulis ævis signo Crucis edita fuere; ut testes sunt Auctores gravissimi. Verum quia id valde est arduum; & fieri nequit, & instituti nostri fines, immo humanarum virium terminos excedit, innumerabilium membrorum capita hac una sententia summatim complectemur, si dicamus, post Christum Dominum nostrum in Cruce affixum; editam fuisse vera miracula, Crucis potentissimo signo; siue illa oleo, siue aqua, siue pane, seu aliqua planta, vel quocumque alio elemento, materiave adhibita, siue solis verbis, nulla accedente materia facta fuerint. Apud catholicos & pios viros, nullâ id probatione, nulloque argumento egere certum est; tamen ne id ex propria tantum sententiâ asserere videamur, id ipsum ex revelatione olim diuinitus facta a Sozomeno relata comprobamus: *Accepi* (inquit) *porro Probianum unum ex satellitibus; qui Imperatorem in palatio stipabant, cum dolore pedum graviter affligeretur, in eo loco (hoc est in templo, quod Michaelium dicebatur) etiam cruciatus lenatus; & admirabili quadam ac diuina visione dignatus fuisse. Nam iste cum in initio Gentilis esset, postea tamen factus Christianus; quanquam omnia alia Religionis nostræ instituta probabilia putabat, sanctam tamen Crucem salutis omnium causam existisse neutsique admittere voluit. Qui suæ animo affecto visio diuinitus oblata quandam Crucis effigiem, quæ in altari illius Ecclesiæ sta-*

Hist. Eccl. lib. 2. c. 2. Hist. tripan. li. 1. cap. 3. 1. lib. 1. c. 1.

sui solet, ante oculos proposuit, declaravitq. manifesto, res, quæ
 cumque a tempore, quo Christus in Crucem actus erat, vel ad
 utilitatem humani generis communem, vel ad primatam quò-
 rundam, seu a divinis Angelis, seu a pjs & perfectis hominibus
 gesta fuerunt, non sine virtute Crucis salutaria recte gestas esse.
 Hæc Sôzomenus: cuius quidem testimonium non est
 quòd quis minus validum existimet, quòd scilicet signi
 Crucis mentionē non faciat. Nullus est enim catholicus
 qui ignoret, divinæ virtutis fidelibus communicandæ,
 haud vllum instrumentum, ministerium, actionemve
 vllam recte, riteq. exerceri nisi Crucis signo. Quod for-
 te vox illa, recte, ab Austore interposita, significavit.
 Nam qui de hac apertissima veritate dubitaret, idem
 quoque in dubium reuocaret, sacramētum videlicet ba-
 ptismi sine salutari signo administrandum, propterea
 quòd Dominus noster baptizandi præceptum ac formā
 tradens illis verbis, *Baptizantes eos in nomine Patris, & Mat. 28, 19,*
Filij, & Spiritus sancti; de Crucis signo formando men-
 tionem non fecit. At in primo libro satis superq. osten-
 dimus, sine Crucis signo, neque baptismum, neque ce-
 tera sacramenta administrari solere: & sine illo (ut
 sanctus Cyprianus dicit) nihil esse sanctum, neque ali-
 quam consecrationem mereri effectum. Tam certo igi-
 tur nobis persuademus, miracula omnia post Christi
 Ascensionem per fideles regulariter non nisi interce-
 dente signo Crucis fuisse peracta, ut valde consonum
 veritati credamus, claudi illius ad speciosam portam
 templi sedere soliti curatiōem (id fuit primum per
 Apostolos post Domini ab eis recessum factum mira-
 culum) haud quaquam absque signo Crucis verbis
 illis, *In nomine Iesu Christi Nazareni*, adhibito, pera-
 ctam fuisse; & quòd, quæ illud deinceps subsequen-
 ta fuerunt, cum eiusdem signi interuentu facta fue-
 rint, minime sit ambigendum. In quem sensum
 haud incommode accipi possunt illa Beati Patris Au-
 gustini verba: *Crucifixus noster a morte surrexit, & ca-*

et. moT

Baptismo

In lib. de
Baptismo

h. d. 288

no. 2. 107

dil. 288

2. 1. 288

il. mo. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

1. 1. 288

los ascendis, Crucem nobis in memoriam suæ passionis reliquit, ad sanitatem. Et paulo post: Hoc signum cursum nostrum dirigit, hoc ad agonem nos instruit: hoc in luctamine adiuvat: hoc ad victoriam euehit: hoc maleficia destruit: & omnium demonum machinamenta ad nihilum redigit. Et reuera, si in testamento veteri, quo tempore Crux ad supplicium instituta, Moysis virgæ, quæ Crucis erat typus, tantum honoris, & efficaciæ tributum fuit, vt sine illa (vt explicat B. Pater Augustinus) Moyses nullum opus admirabile aggrediretur, quid mirum si Cruci post collatam super Regum & Pontificum coronas dignitatem & gloriam, non, inquam, ad ipsius tantum Dominicæ Crucis, verum & ad eius quoque signi, vel sola manifestati præsentiam, mirabilia quæque in Ecclesia Dei sortiantur effectum? Et de virga quidem hæc habet

Tom. 10.
scrm. de
sep. 101.

B. Pater Augustinus: *Ligni Crucis etiam umbra, vel figura in veteri testamento plurimum valuerunt. Nulum Moyses signum: sine ligni sacramento peregit, vt enim signa, & prodigia in Aegypto faceret, virgam accepit a Domino. Et ad signa quæque diuinitus audiebatur, & dicebatur ei: Eleua virgam tuam. Non vtiq; Deus virga auxilio indigebat, sed erigebatur, vt scire possimus, quantum esset futuri ligni mysterium, cuius fuerat umbra figuratum virga illius sacramentum, & cetera.*

Euseb. de
vit. Con-
st. lib. 3.
cap. 29.
Sozom. li.
2. cap. 1.
Niceph.
hist. Eccl.
li. 3. c. 29.
Apud Sur.
die 3. A-
prilis.

in infinita vero mirabilia, quæ per sacrosanctum illud ipsum lignum facere dignatus est Deus, duo illa memorantur, quod scilicet, mox ac Crux inuenta fuit, & (vt ita dicam) resuscitata & admota moribundæ mulieri, ac viro iam vita functo integram sanitatem subito restituerit. Et ex ijs, quæ ad Crucis adhuc integræ existentis, qualis videlicet, & quanta ab Helena inuenta fuit, & in rebus ab illa Cruce disunctis facta fuerunt, bina hæc signa relata sint. Quæ sanè paucis complecti studui, vt locus & tertio esset miraculo, quod in propria substantia illius partis, quæ Hierosolymæ relicta fuit, Deum operatum fuisse fide dignissimi Auctores litteris prodiderunt. Quod quidem eo libentius adduco

adduco quòd hac narratione hæreticorum iniuriosa temeritas comprimitur & coercetur, qua catholicos populos subfannando perturbant, eisq. obijciunt, tot in templis & apud priuatos homines ligni Dominicæ Crucis partes ac fragmenta seruari, quæ in vnum collecta, & compaginata, non modo prægrandem & ingentem Crucem, verumetiam nauem non mediocrem constituerent, & componerent. Quorum plane improbitatem dissoluere facile possumus, si ad memoriam reuocauerimus historiam plane scitu dignam à beato Paulino Nolano diserte explicatam, qui in x j. ad Seuerum epistola post multa de Crucis sanctissimæ per Helenam inuentione hæc ait: *Cum Pascha Domini agitur adorandam populo princeps ipse venerantium promittit. Neque præter hanc diem, qua Crucis ipsius mysterium celebratur, ipsaq. sacramentorum causa est, quasi quoddam sacra solemnitate insigne profertur, nisi interdum religiosissimi postulent, qui ea tantam causa illo peregrinanti aduenerint, ut sibi eius reuelatio, quasi in pretium longinqua peregrinationis deferatur; quod solum Episcopi beneficio obtineri ferunt; cuius & tantum munere de eadem Cruce hæc minuta sacri ligni ad magnam fidei & benedictionis gratiam haberi datur. Quæ quidem Crux in materia insensata vim viuam tenens, ita ex illo tempore innumeris pene quotidie hominum votis lignum suum commodat, ut detrimenta non sentiat, & quasi intacta permaneat quotidie diuiduam fumentibus, & semper totam venerantibus. Sed istam imputribilem virtutem, & indescribilem soliditatem de illius profecto carnis sanguine bibit, quæ passa mortem non vidit corruptionem. Quod, si dum secatur, & inciditur, pati quoddam modo videtur, vniuersum illud damnum in consummatione sæculi refarcietur, quando non lignis tantum, verum metallis, elementis, & omnibus, quæ ex illis componuntur corporibus igne combustis, & cunctis hominibus, ut non amplius intereant, resuscitatis, & ipsa Crux ministerio (ut opinamur) Angelorum rursum in vnum coeuntibus, quæ ubique locorum fuerint sacra-*

Paulinus
nō procul
a fine.

Th. Vualden. to. 3.
tit. 20.
cap. 158.

sacratissimi ligni illius quantumvis minutissimis reli-
 quijs ad pristinum statum reuocata, & vt ita dicam, re-
 suscitata, filio hominis cum potestate, & maiestate ad-
 iudicandum viuos & mortuos venienti præferetur. De
 quibus profecto Crucis fragmentis loquebatur qui eo-
 rumdem fuerat distributor, S. scilicet Cyrillus Hieroso-
 Cath. 13. lymitanus, cum dicebat: *Arguet me lignum Crucis, quod
 per particulas ex hoc loco per vniuersum orbem sparsum est.*

Ne quis vero existimet Crucis virtutem faciendo mi-
 racula, desideratam, aut saltem imminutâ fuisse in eius
 reliquijs & fragmētis per vniuersas fere orbis partes vi-
 ritim distributis, alterum eiusdem Paulini testimonium
 accipiat, quo omnis dubitatio penitus tollitur. Id enim
 extat apud illum in natali sancti Felicis, hoc eleganti
 carmine descriptum:

Natali so.
 ante me-
 dium.

*Ipse domum remeans, modicum, sed grande saluti,
 De Crucis aterna sumptum mihi fragmine lignum
 Promo, tenensq. manu aduersis procul ingero flammis
 Ut clypeum retinens pro pectore, quo tegerem me,
 Arceremq. hostem collato umbone relisum
 Credite, nec donate mihi, sed reddite Christo
 Grates; & iustas date laudes Omnipotenti.
 Nostra salus etenim in Cruce Christi, & nomine constat
 Inde fides nobis, & in hac Cruce nixa periclo
 Presuit, & nostram cognouit flamma salutem.
 Nec mea vox, aut dextra illum, sed vis Crucis ignem
 Terruit, inq. loco, de quo surrexerat ipso,
 Ut circumseptam præscripto limite flammam
 Sidere, & extingui fremitu moriente coëgit:
 Et cinere exortam cineri remeare procellam.
 Quanta Crucis virtus, vt se natura relinquat
 Omnia ligna vorans, ligno Crucis vritur ignis,
 Multa manus crebris tunc illa incendia vasis
 Aspergens, largis cupiebat vincere lymphis.
 Sed licet exhaustis pensarent fontibus imbres,
 Vi maiore tamen, lassis spargentibus, omnem*

Vice-

Vicerat ignis aquam, nos ligno exinximus ignem,

Quamq. aqua non poterat, vicis brevis hastula flammam.

De multiplici vero, & summa efficacia Crucis, solo dexteræ ductu formato, cuius causa longiuscule, non tamen ab re digressi sumus, fidem nobis faciat inter ceteros doctores Augustinus, qui in de Ciuitate Dei lib. 22. habet ita: *In Carthagine Innocentia religiosissima de primarijs ipsius ciuitatis in mamilla cancerum habebat, rem, sicut medici dicunt, nullis medicamentis sanabilem: Aut ergo praeindici soles, & a corpore separari membrum, ubi nascitur: aut, ut aliquanto homo quietius viuat, fomentis est pestis mitiganda frequentibus. Nam ut inde mortem quantumlibet tardius assuturam confidamus, secundum Hippocratis, ut scribitur, sententiam, omnis est omittenda curatio. Hoc illa a perito medico, & suæ domui familiarissimo acceperat; & ad solum Deum se orando conuerterat. Admonetur in somnis, appropinquante Pascha, ut in parte feminarum obseruanti ad baptisterium, quacumque illi baptizata primitus occurrisset, eundem locum signaret signo Crucis Christi. Fecit, & confestim sanitas sequuta est.*

Cap. 8.

Sed ne eorum, quæ omnino innumerabilia diximus, narrationē texere videamur, altero Sozomeni (hic enim sicut initium diuertēdi fuit, ita diuerticuli terminus esse debet) testimonio contenti erimus. Is enim de S. Donato Episcopo Euoræ verba faciens sic ait: *Hac memoria multis multis in locis per orbem terrarum inter Episcopos præclari existerunt, ut Donatus Euoræ Epiri; quem & alia multa fecisse testantur indigena, & illud maxime, quod in draconis interfectione præstitit, qui in Chamegephyris, quas vocant, ad viam regiam lustrum habebat, & oves, & capras, & boues, & equos, necnon & homines, & alia rapiebat. Neque enim ille vel gladium, vel hastam ferens, vel aliud aliquod telum habens, hanc belluam adortus est; sed cum illa eum aduentantem sensisset, & caput velut impetum factura exeruisset, signum Crucis aduersus ipsam acri digito inscripsit, & illi in faciem expuit. Illa spūto in os accepto, statim concidit: ac mor-*

Eccl. hist.
li. 7. c. 25.

*tua iacens amplitudine non minor apparuit ijs serpentibus ,
qui visuntur apud Indos.*

*Quarta causa affertur , ut qui cum Pontifice
iter faciunt , admoneantur a prauis ope-
ribus cauere , & bonis incumbere.*

C A P. VI.

- P**OSTREMO illud Apostolorum Principis docu-
mentum , *Christus passus est pro nobis , vobis relinquens
exemplum , ut sequamini vestigia eius ;* nos admonet qualis
conueniat esse vita , quæ morum integritas , & in ver-
bis factisq. pietas , & sanctitas eorum , qui Crucis ve-
xillum sequuntur , talis proculdubio , ut quoad fieri
potest , virtutes , opera , & passionem Magistri , ac Im-
peratoris sui imitentur , nisi profugarum , ac prodito-
rum turpissimam notam , & grauissimā poenam subire
velint : quibus profecto quemadmodum idem Aposto-
lus ait : *Melius esset non cognoscere viam iustitiæ , quam post
agnitionem retrorsum conuersti ab eo , quod illis traditum est ,
sancto mandato.* Summam vero eorum , in quibus tan-
tum ducem & doctorem sequi , & cuius vestigia imitari
nos oportet , subiiciens inquit : *Vt peccatis mortui , iustitiæ
vivamus ,* hoc est , ut praua facinora caueamus , & bonis
ac sanctis operibus incumbamus.

Ad hæc enim duo breuissima capita referuntur , quæ
supra B. idē Petrus explicauerat de exemplis Christi no-
bis ad imitandū propositi : nam ad mala fugienda perti-
nent quæ subiecit : *Qui peccatum non fecit , nec inuentus est do-
lus in ore eius.* Illa vero , *Tradebat autem iudicanti se iniuste ,*
spectant ad recte facta a nobis imitanda , & ad incom-
moda etiam a nobis patienter propter ipsum perferēda .
Hanc vero sæpe memorati ritus causam vna cum supe-
riore

riore illi proxima B. Ioannes Chrysoſt. his verbis complexus eſt: *Quando Cruce te ſignas* (hoc enim vnū eſt cum eo, quod eſt Crucis ſignum prælatum ſequi) *vniverſam* In Matr. hom. 55.
tecum cauſam verte, & ira ac reliquarum paſſionum incendia extingue. Hæc quoad poſteriorē. Pro altera, quam diximus, tertiam, faciunt quæ mox ſubijciuntur: *Quando te Cruce ſignas, magna tuam frontē arma fiducia, libertate animū munias.* Et poſt pauca infert: *Nam ſi hoc modo eam faciei tuæ impreſſeris, nullus ſceleſtorum demonum, cum haſtam videat, quæ letale vulnus ſuſcepit, congreſſi tecum audebit.* His optime concordat illa Cyrilli Archiepiſcopi Alexandrini ſententia: *Hæc* (inquit) *omnia recordari nos facit ſalutare lignū,* Cont. Iulian. li. 6.
& ſuadet vt cogitemus, quòd ſicut dicit D. Paulus: Vnus pro omnibus mortuus eſt, vt viuētes non ultra ſibi ipsis viuā, ſed ei, 2. Cor. 5.
qui pro ipsis mortuus eſt, & reſurrexit. Nec ab hoc propoſito alienum eſt illud beati P. Auguſtini elegans dictum: *Lignum illud, in quo erant fixa membra morientis, etiam cathedra fuit Magiſtri docentis.* Cui ſe ſubſcripſit magnus ille Pontifex Leo in hanc ſententiam loquens: *Cruce Chriſti, quæ ſaluandis eſt impenſa mortalibus, & ſacramentum eſt & exemplum, quo deuotio excitetur humana.* Tract. 19. in Ioā.

Nec ab hac ſententia diſſonat hiſtoria de Heraclio Imperatore, qui Crucem Dominicam e Perſarum poteſtate receptam, ad Caluariæ montem cum celeberrima pompa ſuper humeros ſuos reportauit, vt in Breuiario Romano narratur his verbis: *Cruce quattuordecim annis poſtquam venerat in poteſtate Perſarum, recepta eſt, quam rediens Hieroſolymam Heraclius ſolemni celebritate ſuis humeris retulit in eum montem, quo eam Saluator tulerat.* Quod factum illuſtri miraculo commendatum eſt. Nam Heraclius, vt erat auro & gemmis ornatus, inſiſtere coactus eſt in porta, qua ad Caluaria montem ducebat. Quo enim magis progredi conabatur, eo magis retineri videbatur. Cumq. ea de re & ipſe Heraclius, & reliqui omnes obſtupeſcerent, Zacharias Hieroſolymorum Antiſtes: *Vide* (inquit) *Imperator, ne iſto triumphali ornatu in Cruce ferenda parum Ieſu Chriſti paupertatem, & humilitatem*

In feſto
Exaltat.
S. Crucis.

militatem imitere. Tum Heraclius abiecto amplissimo vestitu, detractisq. calceis, ac plebeo amictu indutus, reliquum-via facile confecit, & in eodem Caluaria loco Crucem statuit, unde fueras a Persis asportata. Quo plane exemplo edocemur, in Crucis gestatione ac sequela, abijcere omnia terrena, vt post Christi vestigia incedamus. Quæ si dura, & aspera videntur, & nimis animo nostro molesta, leuiores & faciliore fiunt, si in Auctorem vitæ intendamus, qui pro nostra causa acerbitates omnes sustinuit. Ad quam rem
Heb. 12. hortabatur Apostolus, dicens: Aspicientes in Auctorem fidei, & consummatorem Iesum, qui proposito sibi gaudio sustinuit Crucem confusione contempta, atque in dextera Dei sedes: recogitate enim eum, qui ralem sustinuit a peccatoribus aduersus semetipsum contradictionem, vt ne fatigemini, animis vestris deficientes.

Crux prælata indicat illius, cui præfertur præcipuam aliquam dignitatem.

C A P. VII.

Crucis
 prælatio
 cuius co-
 ueniat.

CRUCIS prælatio illius, cui præfertur, præcipuam quandam dignitatē, & insignem in alios potestatem demonstrat. Quod ex eo manifestissime comprobatur, quod illis tantum præferri consuevit, qui in Ecclesia eminentiorem & excellētiorem habent gradum, & auctoritatem: cuiusmodi sunt Archiepiscopi, Patriarchæ, sedis Apostolicæ Legati, & summus Pōrifex: Nam Episcopis hoc tributū non est, nisi paucis, qui valde insignibus Ecclesijs præfunt. Quemadmodum enim Christianis omnibus commune est seipsos Cruce signare, & solis Sacerdotibus in corū, quos baptismi aqua ipsi purificāt, capite illam chrismate adhibito formare; ita Episcopis peculiare est illorum omnium, quos confirmant, fron-
 tem

tem cum eadem sacra vñctione signo Crucis munire. Item absconditam Crucem deferre, nulli ex fidelibus interdicatur. Minores Sacerdotes sacrum facientes eiusmodi figuram ex orario, seu stola ad pectus formare debent. Episcopi vero dum diuina faciunt officia, Crucem Sanctorum reliquijs refertam a collo pendentem, vt supra quoque meminimus, habere tenentur. Ita Archiepiscopis, qui alijs Præsulibus supereminent, & aliorum duces sunt, vicemq. sedis Apostolicæ in prouincijs sibi subiectis gerunt, præter illam ad pectus appensam, alia quoque Crux per Clericum præferri debet, quoties in publicum prodeunt. Cuius non omnino dissimilem morem in Romana Republica olim seruari solitum legimus. Nam Proconsulibus sex fasces, Consulibus duodecim, Dictatori vero vigintiquattuor, quot videlicet vtrique Consuli, quorum ipse potestatem omnem solus obtinebat, præferebantur. Semper enim tam apud fideles, quam infideles viguit ea consuetudo, vt qui eminentiori dignitate præstarent, pluribus & nobilioribus, magisq. conspicuis insignibus vterentur. Quòd autem qui altiores in Dei Ecclesia gradus, & honores gerunt, multiplici & insigniori vsu Crucis distingui, & exornari debeant, non credo aliquem eius rei latere causam.

Mos Romanorum Magistratum.

Cum enim Crux, vt infra ostendemus, sit proprium Christi insigne, propterea omnes, singulasq. militum Christi dignitates ac munera per Crucis signum hac vel illa ratione repræsentatum, vel exornatū seu gestatum distingui, & ex eo varios inter se gradus, & multiplicem ordinem metiri, nemini mirum videri existimo, atque istud merito, cum ex Crucis profundissima humilitate ipsius etiam cælestis Pontificis, & Imperatoris nostri super quascumque creaturas exaltatio, initium, ac originem habuerit. Quemadmodum Petrus Abbas Cluniacensis egregie explicauit his verbis: *Quæ Crucem*

Crux propriū Christi insigne.

Lib. 1. Epist.

odiunt, quia Dominum teris, diligant eam, quia non solum nobis, sed & ipsi gloriam peperit. Peperit ei gloriam, de qua

- Hebr. 2.* ait Apostolus : *Vidimus Iesum propter passionem mortis gloria & honore coronatum . Peperit (inquam) Crux Crucifixo gloriam , vt alibi idem Apostolus ait : Quia factus est obediens vsque ad mortem , mortem autem Crucis , propter quod & Deus exaltauit illum , & donauit illi nomen quod est super omne nomen , vt in nomine Iesu omne genu flectatur , caelestium , terrestrium , & infernorum ; quia hanc gloriam huiusmodi homini a Deo assumpto peperit , & nobis insuper vitam & gloriam aeternam consulit , gloriosa esse promeruit .* Hanc ob causam ipse Dominus suam in Crucis patibulo obeundam mortem , exaltationem appellabat , dicens : *Sicut Moyses exaltauit serpentem in deserto , ita exaltari oportet Filium hominis . Et apertius : Cum exaltaueritis Filium hominis , tunc cognoscetis quia ego sum .* Item : *Et ego cum exaltatus fuero a terra , omnia traham ad meipsum .* Propterea excellentissime dixit beatus Athanasius : *Gloria , & honor Christi Crux est , quia innumera dona per Crucem contingere ; cōculcata namque est mors , in exilium relegata maledictio , infernus cessit in pradam : peccatum est abolitum , transgressio sublata , natura hominum ab affectuum seruitute liberata , Diabolus est ligatus , plantata est salus , resurrectio est patefacta , malitia est abacta , vita est orta , idolatria dissoluta .* Hæc Athanasius . Ioannes autē Chrysostomus dicebat : *Gloria nostra , caput & origo beatitudinis , libertas & corona , Crux .* Quare si tam honorificum , nobile & gloriosum : si tam potens , ac salutare est Crucis viuificæ insignis , totq. ac tanta per illud operatus est omnipotens Deus , vt eius vi non tantum membra rediderit nobilia , & illustria , verumetiam ipsum caput nostrum , Dei & hominis Filium supra omnem principatum & potestatem extulerit : quis admirabitur , si eam significet ac testetur dignitatem , quæ ab ipsomet Christo originem duxit , & illa præter ceteros decorentur , & ornentur , qui eam non domi solum , sed etiam foris ob oculos semper habent , & in publicum exeuntibus , Crux ipsa numquam non præfertur ?

*Hom. 55.
in Matth.*

*Omnes præferenda Crucis prius enumerata
causa Romano eidemq. summo
Pontifici conueniunt.*

CAP. VII.

SI Crucis venerabile signum metropolitano solemniter prælatus, non modo illum Christianum esse indicat, & fidei catholicæ magistrum, prædicatorem ac propugnatorem, sed etiam vehementem ipsius erga illam affectum & propensionem, ac in eum, qui pro nobis in ea pendere ac mori voluit, ardentem charitatem ostendit: si triumphalis, ac inuicti eiusmodi vexilli præsentia tantopere valet ad pericula omnia, quæ imminerent, propulsanda: si ex sacratissimi huiusmodi vexilli perpetuo aspectu admonentur vniuersi quotquot illud prosequuntur, vt non corporis tantum, sed & animæ gressibus post Crucem incedant: hoc est Christi, ducis ac præceptoris nostri, qui per eam ineffabilia, incomprehensibiliaq. beneficia nobis contulit, vestigia sequatur, & sancta exempla imitentur: denique si eum, cui Crucis vexillum præfertur, singulari aliqua dignitate conspicuum esse declarat: quis non agnoscat dum eiusmodi sacrum signum Romano Pontifici præfertur, omnes has causas illi conuenire? Et tanto æquiori potiori iure Episcopo conuenit Romano quàm ceteris, quanto illius dignitas, iurisdicção, ac maiestas Archiepiscopale, Patriarchale, & quacumque aliam potestatem longo interuallo antecedit? Quod eo certius asseuerandum est, quo dum Crux summo Pontifici præfertur, Christianæ, orthodoxæ, & catholicæ fidei quasi quædam protestatio fit, qua plane cognoscimus Romanum Pontificem omnium, quæ a cunctis fidelibus sub æternæ mortis interminatione necessario credenda sunt, quemadmodum etiam in opusculo de præferendo eidem Pontifici sanctissimo

Crucis vexillum quod præfertur.

Crucis vexillum cur magis summo Pontifici, quàm ceteris conueniat.

atissimo Christi corpore explicauimus, magistrum certissimum & fidelissimum præceptorem ab ipso Domino nostro fidei Auctore, & Ecclesiæ fundatore, datum fuisse: cum ipse solus in vniuersa Ecclesia eo singulari priuilegio donatus, ac munitus sit, vt in rebus fidei discernendis numquam errare possit. Illius enim sedem & auctoritatē habet, pro quo illiusq. successoribus omnibus ipsa veritas se orasse testata est, ne fides ipsius aliquando deficeret, vt fratres ac filios & sibi subiectos vniuersos in catholica doctrina confirmare valeret.

Lnc. 12.

Inconcusso igitur hoc fundamento innixi dicimus, Crucis signum summo Pontifici in publicum prodeunti præferri, non solum vt Christi Crucifixi fidem se constantissime tenere protestetur, verumetiam vt omnes illud intuentes admoneantur, tunc se fideles catholicosq. Christianos vere probari, cum ea de Christo firmissime credunt, ac sine vlla hæsitacione consentunt, quæ Papa Christi Vicarius credit, docet, & verbo, scripto, ac opere palam proficitur. Hanc sane rationem ex se valde verisimilem longe probabiliorem facit exemplum Constantini Magni, quem inter ceteros eius historiæ narratores scribit Sozomenus, Crucis vexillum sibi in castris præferri iussisse, vt ex assiduo illius aspectu, & cultu, sibi subiectos paulatim a patrijs ritibus remoueret, eumq. solum Deum existimarent, quem ipse coleret. De quo hæc ad Saporem Persarum regem eundem Constantinum scripsisse refert Cassiodorus: *Hunc Deum colo, cuius signum Deo dicatus meus exercitus portat in humeris.* Quis enim fidelis non facile crediderit, quid simile excogitatum, & quoad per idolatrarum Principum persecutiones licebat executioni mandatum fuisse, nedum a beatissimo Siluestro, verum & ab ijs, qui illum præcesserant Romanis Pontificibus, quorum studium totum in eo erat, vt Principes ac populos, vniuersasq. mundi nationes docerent, ac instruerent, illum solum esse verum Deum, cui, & in quem ipsi crederent, eamq. solam

Hist. Eccles. lib. 1. cap. 4.

Hist. tripart. li. 3. cap. 3.

solam esse ad veram ac æternam felicitatē viam, quam ipsi verbo prædicarent, & exemplo calcarent. Quæ cum in Dominica Cruce quasi in speculo, vel potius epologo contineantur & repræsententur, iure merito illam sibi ob dictam causam præferri mandauerint, qui ætatem nostram præcesserunt Romani Episcopi, idipsumq. faciant, sintq. facturi, & seruaturi, qui in sede beati Petri sedebunt summi Pontifices.

Quid in
Cruce Do-
minica re-
presente-
tur.

*Crucis vexillum præfertur Papa ad supremam
ipsum in terris dignitatem ac pote-
statem indicandam.*

C A P. IX.

VT liquido constet Romano Pontifici singulari ac præcipua ratione conuenire, vt ei Crucis trophæum præferatur, tria breuibus perstringemus. Primum Ecclesiæ Romanæ dignitatem omnium supremam certo proprioq. insigni exprimi ac notari oportere. Deinde inuestigandum est, quod, qualeve sit illud insigne. Postremo loco demonstrandum, Dominicæ Crucis signum Apostolicæ sedi, Romanoq. Pontifici proprie aptissimeq. conuenire. Primum, cum modica, vt nobis videtur, probatione indigeat, facile persuaderi potest. Nemo enim est, qui non videat, iamdiu apud omnes vniuersi orbis nationes inoleuisse, vt quemadmodum singuli homines proprio nomine nuncupantur, ita quoque singulas familias, collegia, pene omnia oppida, ciuitates, populos, prouincias, & regna præter cognomina gentilitia ad ea a maioribus deriuata, vel vt occasio tulit, sibi recenter assumpta, habere consueuisse certa quædam, propriaq. signa, per quæ a ceteris collegijs, seu populis scernerentur, ac distinguerentur,

Dominicæ
Crucis
vexillum
cuius cõ-
ueniat.

rentur, distinctaq. omnibus innotescerent. Quod cum non modo apud laicos, verum etiam apud clericos in usu palam positum sit, non est quod in re manifestissima comprobanda immoremur. Illud tamen non præmittendum existimaui, quod cum eiusmodi signa multiplicia sint, omnia tamen ad duo tantum capita commode referri possunt: Nam eorum aliqua Prælati, Principibusq. ipsis, qui Vniuersitatibus præfati sunt, non nisi ab eorum ministris præferuntur, verbi gratia, clauæ argenteæ vel aureæ, quæ Cardinalibus, & ipsi quoque Papæ præferri solent: alia vero sunt, quæ vt plurimum ab ipsis Dominis gestantur, licet eorum aliqua ab alijs quandoque eisdem præferri, contingat. Huius generis inter cetera sunt, quæ Dominos in publicum prodituros sæpe induere mos est, vt eorum caput, manus, vel pedes, aut vniuersus denique habitus corporis exornetur: qualia erant olim apud Romanos Latuseclauus proprium Senatorum indumentum: Palmata vestis, quam soli Consules induebant: Lunulæ, quæ pedes nobilium decorabant: Sceptrum ac diadema, quæ apud quoscumque populos semper fuerunt Regum propria ornamenta, quemadmodum & apud fideles in Ecclesiastica militia Manipulus vt a minimis exordiar, & Tunicella Subdiaconalem: Stola & Dalmatica Diaconalem; Planeta extensa Sacerdotalem; Sandalia, Crux pectoralis, Chirotheca, Annulus, Mitra, & Baculus Episcopalem, Pallium Archiepiscopalem; Galerius, & purpura Cardinalitiam significant dignitatem. Ex eorum autem numero, quæ semper ab alijs præferri, & numquam ab ipsis inet Principibus, & Magistratum gerentibus deferri consueuerunt: erant apud eosdem Romanos fasces securibus alligati, qui Proconsulibus, Consulibus, & Dictatori, vt proxime dictum est, senario, vel duodenario, seu viceno, & quaternario numero præferrebantur pro illorum maiori, vel minori potestate, vel auctoritate: nam duplica-

tus

Mos Romanorum
Magistratum.

Latusclauus erat
tunica
purpura
prætexta
vulgari
latior.

tus fascium numerus duplicatam potestatem & auctoritatem indicabat. Ignis etiam prælatus, quemadmodum & Labarum in castris Augustalem & Imperatoriam dignitatem supremumq. Imperium significabant. Sicut & Vexilla pro illorum diuersa ratione: hæc equitum, illa peditum agmina, necnon ea ducentium maiorem vel minorem dignitatem potestatemq. demonstrant. Et quidem inter Ecclesiastica militiæ duces Crucis signum prælatum Patriarchas & Archiepiscopos ab Episcopis, Cardinales Legatos a non Legatis distinguit. Quemadmodum & Bulgæ, seu hyppoperæ, quas valisias vocant, gentilitijs insignibus decoratæ, & Clauæ argenteæ, quæ, vt diximus, S. R. E. Cardinalibus præferuntur, discrimen maximum ostendunt inter illos, & ceteros Curie Prælatos. Cum igitur quælibet dignitas sua habeat insignia, quæ nulli, nisi eandem, vel maiorem dignitatem obtinenti licet esse communia: profecto fateri necesse est Romanam Ecclesiam, quæ in vniuerso orbe supremum locum tenet, atque vniuersali potestate super omnes fideles ac iurisdictione præstat, proprijs, ijsq. præstantissimis insignibus decoratam, atque munitam esse: idq. ita esse oportere, non solum de ijs ornamentis, quibus summus Pontifex ad sacra faciendâ accessurus induitur; cuiusmodi sunt, Sandalia MyR. Mis
Crucæ aurea desuper ornatâ, Phanon, siue, vt illum ap- Ex. c. 13.
pellat Innocentius, Orâle, quo collum armiq. ipsius circumdantur, & sacra Thyra triplici diademate circumcirca redimita; quæ solius Romani Pontificis caput vni Deo aperiendum tegitur: verum etiam de ijs, quæ in publicum quacumque ex causa procedunt præferenda sunt, ad illius supremam summamq. iurisdictionem, & prope diuinam in terris maiestatem, vt iam diximus, ostendendam.

*Crucis vexillum Romani Pontificis insigne esse
demonstratur; cum sit signum Christi
Redemptoris nostri, cuius vices
Papa gerit in terra.*

CAP. IX.

INSIGNE vero præcipuum Romani Pontificis illud idem sine dubio existimare debemus, quod Christi signum fuisse, ipsiusq. victoriarum trophæum. Scriptura sacra docet, & sanctorum Patrum testimonia confirmant. Vti enim Præregem non aliud nisi Regis, domini sui vexillum erigere, vel sequi decet; & Vicarius eodem, quo suus Episcopus, signo utitur: sic Romanus Pontifex, qui Regis Regum, & Episcoporum Episcopi vices in terris gerit, alio insigni non gloriabitur, nisi eo, quod vere inuictissimi Imperatoris, & maximi sempiterniq. Sacerdotis, a quo super gentes, & super regna constitutus est, proprium & eidem gratissimum esse optime nouerit: vt ex illius erectione omnes intelligant, se toto cordis affectu idipsum profiteri, quod de seipso dicebat Apostolus ad Corinthios scribens: *Non enim iudicam me scire aliquid, inter uos, nisi Iesum Christum, & hunc Crucifixum.* Est Romanus Pontifex Beatissimi Apostoli Petri successor, & Christi Vicarius, quod omnes Catholici, ad quos præsertim noster sermo dirigitur, pro comperto habent. Proinde necessario sit, vt vnū, idemq. sit Romani Pontificis, quod & Domini nostri Iesu Christi insigne. Viuificæ vero Crucis signū proprium esse, ac præcipuum Christi Redemptoris insignis, ipsemet testatur, cum de extremo vniuersaliq. iudicio loquitur: *Tunc, inquit, apparebit signum filij hominis in calo.* Quod beatissimus martyr Hippolytus, Cyrillus Hierosolymitanus, Hieronymus, & alij grauissimi Patres de signo sanctæ Crucis verissime ac sapientissime

tissime interpretati sunt. Et quidem Hippolytus hæc habet: Orietur ab oriente in occidentem usque signum Crucis: superantia splendorem solis, denuncians aduentum & apparitionem iudicis. Cyrillus ita scriptum reliquit: Signum verum; & proprium Christi, quod non audeat virtus contraria imitari; est Crux. Augustinus (na singulorum sententias referamus) latronem a dextris Christi crucifixum a se interpellatum in hæc verba respondentem inducit: Sed hæc Crux ipsa regni insigne est, & propter eam Iesum Regem appello, quia video Crucifixum. Opus enim Regis est vitam suam pro his, quibus regnat, opponere. Quibus paulo infra subiicit: Quemadmodum enim ingredientem Rege in civitatem, exercitus antecedit, præferens humeris signa, atque vexilla regalia, & ambum præparationis armifera annunciat Regis introitum; ita Domino descendente e caelis, præcedet exercitus Angelorum, qui signum illud, id est, triumphale vexillum sublimibus humeris præferentes, diuinum Regis celestis ingressum terrenum venturus nuntiabunt. De con-
summati-
mundi.
Catech.
Rom. 10.
Sectin. de
ter. 120.

His clarissime se subscribit Ioan. Damascenus in hæc verba: Adoramus etiam figuram præiose & viuificæ Crucis, iametsi ex alia materia facta est; non materiam venerantes (absit enim) sed figuram. Vamquam Christi signum. Dicis enim discipulis suis contestans: Tunc apparebit signum filij hominis in calo, Crucem dicens: & idcirco mulieribus dixit resurrectionis Angelus: Iesum queritis Nazarenum Crucifixum. De orth.
fid. lib. 4.
cap. 12.

Et Apostolus: Nos prædicamus Iesum Christum & hunc Crucifixum. Mulis enim Christi, & Saluatores, sed unus Crucifixus. Non dixit lancea perfossus, sed Crucifixus. Quid plura? potest ne aliquid verius dici signum filij hominis, nisi illud, quo, qui Dei est filius, declaratus fuit filius hominis esse? quid autem adeo certe eum manifestauit filium hominis esse, nisi mors, quam nullus unquam euasit, filius hominis? Quia igitur per Crucem mortuus est, Crux manifestauit eum esse filium hominis. Crux igitur vere signum est filij hominis: vnde in diuinis officijs ad honorem sanctæ Crucis in Ecclesia Mat. 24.
Mar. 14.
1. Cor. 1.

Breu. Ro- celebrari consuetis non semel repetitur. *Hoc signum Cru-*
 man. in so- *cis erit in celo, cum Dominus ad iudicandum venerit. Cum*
 lemnit. S. igitur signum sit Christi Regis morientis, & regnantis;
 Crucis. nam *regnauit a ligno Deus: & denique etiam iudicantis;*
 Psal. lux. merito filij Ecclesiæ Christi sponsæ a matre edocti Cru-
 Rom. in- ces his magnificis verbis humiliter salutant:
 terpr. 95-

Breu. Ro- *Vexilla Regis prædunt;*
 man. in *Fulget Crucis mysterium,*
 Domini- *Quo carne carnis Conditor,*
 ca Passio- *Suspensus est patibulo.*

nis, ex Theo- Hinc forte vsu receptum est, vt beatissimus Christi præ-
 dulo- curfor Ioannes non cum ense, quo capite plexus mar-
 pho au- tyr fuit effectus, sed cum Cruce in manu pingitur; vt
 tore. inde clarius intelligatur, eum præconem fuisse Domi-
 ni, qui per Crucem peccata mundi tollere debuerit.
 Eandem ob causam concipere quis mente non absurde
 posset, a sacrorum rituum præceptoribus vsu receptum,
 vt Subdiacono, cuius est Epistolam in solemni Missæ ce-
 lebratione cantare, Crucis ferendæ ministerium fuerit
 demandatum, vt præconis partes, quas Ioannes Baptis-
 ta Christo exhibuit, repræsentare videatur. Quare si
 ex Crucis signo præcurforis Christi munus declaratur,
 congruum erit, vt eodem quoque signo Christi Vica-
 rius indicetur.

Huc accedit, quod vti Reges, Imperatores, ac Du-
 ces, cum delectum militum habent, exercitumq. con-
 scribunt, insignia, vexillaq. sua foras producant, & in
 altum leuant, vt omnes intelligant quò conuenire de-
 beant illi, qui stipendia acceperint, vel accipere velint:
 ita fidelium omnium Dux, & Imperator vnigenitus
 Dei Filius quando venit in mundum, vt filios Dei, qui
 erant dispersi, congregaret in vnum, Crucis signum
 tamquam proprium & peculiare vexillum elegit, & in
 sublime extulit, vt hominibus ab vniuersis mundi par-
 tibus conuocatis significaret eos, qui nomina sua dare
 vellent, atque Christianæ militiæ adscribi, omnes ad

Crucis

Crucis vexillum occurrere, & sub illo congregari oportere, vt hac ratione compleretur, quod Dominus se facturum prædixerat, dicens: *Et alias oves habeo, quæ non sunt ex hoc ovili; & illas oportet me adducere: & fiet unus ovile, & unus pastor:* quod certe sub Crucis vexillo implem-
Idan. 10.
dumerat iuxta Isaïæ vaticinium: *Et leuabit signum in nationes, & congregabit præfugos Israël; & dispersos Iudæ colliget a quattuor plagis terra.* Quem locum doctissimus Hieronymus sic explicat: *Leuabit signum Crucis in vniuersas nationes.* Et infra: *Postquam surrexerit radix Iesse, vt regnet in Gentibus, & vexillum Crucis ob salutem totius orbis fuerit eleuatum, tunc etiam Idumæa, & Moab, & filij Ammon, omnis scilicet Arabia latitudo demt Apostolis manus, & in locis idolatriæ Christi Ecclesiæ suscitentur, & cet.* Quod vaticinium quàm exacte impletum fuerit, Cyrilli Hierosolymitani disertis verbis edocemur: *Hoc ipsum, quod tu nunc hic ades, persuadeat Crucifixi virtutem. Quis enim te nunc congregauit? Hoc Persas seruire fecit, hoc Scythas cicurauit, hoc Aegyptios a cæcis, & canibus, & varijs erroribus ad Dei cognitionem adduxit: hoc ad hodiernum vsque diem curat morbos, demones fugat, & veneficiorum, incantationumq. auersis impossuras: hoc cum Iesu apparebit in cælo: præcedet enim Regis trophæum, vt videntes quem pupugerunt, & a Cruce agnoscentes, quem contempserunt.* Qui vero sacrum hoc trophæum præferunt, illos imitari videntur, qui inter triumphandum de more
Luc. 11.
arma deferunt, quibus præcipue victoriam reportarunt. Sic plane cum propugnator, ac Imperator noster fortem armatum virtute Crucis deuicerit, de atrio suo deturbarit, vniuersa eius arma sustulerit, erecto, elatoq. signo gloriosissimæ Crucis de illo merito triumphauit, vt egregie explicauit Apostolus in Epistola ad Coloss.
Coloss. 2.
his verbis: *Expolians principatus, ac potestates traduxit confidenter, palam triumphans eos in semetipso.* Non enim solum expoliauit demones, eorumq. imperium signo Crucis destruxit, sed palam & confidenter traduxit, id est, ignominiose superatos ostendit, & velut exemplum & spectaculum

Ataculum omnibus vilipendendos ostendit. Vti enim in triumphis victores per urbem circumagere captiuos solent, & pompa publica ducere: sic Christus per Crucem diabolicis potestatibus spolia detraxit, & triumphans in semetipso confidenter, & palam per Crucem superatos, ac deuictos ostendit. De quibus, triumpho scilicet, & trophæo ita & quidē egregie scriptū reliquerunt Venantius, Honorius, Clementianus, Fortunatus:

Tomo 7.
Biblioth.
SS. Pat. in
De Apo-
stol.

Crux species trophæi est, quod deuictis hostibus soles fieri triumphantis. Et quia Dominus tria regna sibi subiecit, suspensus in æra victoriam de caelestibus, & spiritualibus nequitijs est adeptus. Expandens autem manus ad populos palmam de terrenis. Quod vero sub terra Crux fixa est, ostendit eum, & de sarsaro triumphare. Hæc de Cruce ut est Christi signum. Reliquum est ut ostendamus ipsam esse Romani Pontificis propriam insigne: quod in proxime sequenti capite manifestissime demonstrabimus.

Ex eo quod signum Crucis singulis B. Petri Successoribus prælatum constat, deducitur, quod sit illorum proprium ac peculiare insigne.

C A P. XLV.

Porphyr.
in Isagog.

DO C E N T. Peripatetici eam affectionem alicui speciei, seu formæ propriam esse, quam vel omnibus eius formæ particularibus subiectis, vel solis, vel semper inesse compertum est. Illam vero, quæ omnibus & singulis, ijsq. solis ac semper adhæret, maxime propriam esse dicendam. Quamobrem si ostenderimus, Crucis coram Pontifice Romano prælationi hæc omnia convenire, nedum illius propriam, verum & maxime propriam esse absque vlla dubitatione constabit.

Primum

Primum igitur, videlicet quod omnibus Romanæ sedis Pontificibus semper in usu fuerit, Crucem præferri, ex ijs, quæ in primo Libro ad huius ritus antiquitatem probandam diximus, facile colligitur: Idemque ex consuetudine usque in hanc diem perpetuo seruata comprobatur: Nisi enim omnibus ac singulis sibi succedentibus summis Sacerdotibus Crux prælata fuisset, hic ritus ad hæc usque tempora minime peruenisset. Neque vero est, quod quis dubitet, fuerit necne semper in usu: semper enim & perpetuo tenore seruatus fuit. Quoniam vero omnes ac singuli eisdem honores & parem potestatem habent; neque est, immo nec excogitari potest ratio, propter quam id vni ex eis, & non alteri conueniat. Ideo ritum illum unicuique illorum communem fuisse, esse, ac semper deinceps futurum, credendum est.

Quæ est enim, obsecro, causa, cur sacri DD. Cardinaliū Senatus antiquior Diaconus, noui Pontificis electionem ac nomen Clero populoque sublimi loco renuntiaturus, primum omnium venerabile Crucis trophæum de more proferat, ac ostendat, nisi quod illius ceremoniæ institutores pie & prudenter existimauerunt, æterni summi Pontificis Vicarium & beati Petri Successorem, Christi clarissimo vexillo, vel electi nomenclatione vel familiæ proprio stemmate fidelibus debere innotescere? Quod sane & in laicorum Principum electionibus non raro contingere videmus; quàm plurimi enim illis subiecti populi datum sibi nouum dominum per eius propria super oppidorum portas & moenia explicata, & infixæ vexilla, prius quàm ex proprio illius nomine, intelligunt. Eius autem, quàm dico in nuper creato summo Pontifice annuntiando consuetudinis seruandæ præceptum extat in lib. Cerem. Rom. his verbis exaratum: *Interim* (hoc est dum electores electo, clamide, quàm Croceam vocant, exuto, & Pontificiis vestibus nondum induto in sede Pontifi-

Lib. 1.
cap. 2.

Pontificia gestatoria in aula, in qua electio celebratur, medio firmata sedenti, reuerentiam exhibent, gratulantur, & fausta precantur) prior Diaconorum aperta sacrarij fenestella, qua populus expectans videri potest, Crucem profert, alia voce clamitans : Annuncio vobis gaudium magnum : Papam habemus. Reuerendissimus Dominus Cardinalis. N. electus est in summum Pontificem, & elegit sibi nomen. N. Qui ritus offerendi Crucem, antequam electus Pontifex omnino annuncietur, cum antiquissimus in Catholica & Romana Ecclesia, ac perpetuus fuerit, & in omni Pontificum Romanorum creatione adhibeatur ; profecto Crucem, commune esse insigne omnium, ac proprium singulorum beati Petri Successorum concluditur.

Solius Romani Pontificis est ex propria auctoritate iubere, ut sibi in publicum exeunti Crux praferatur.

C A P. XII.

QUOMODO autem solius Romani Pontificis proprium insigne sit, quod omnibus Apostolicæ Sedis Legatis, Patriarchis, Archiepiscopis, & aliis, etiam Episcopis commune cernimus, nonnihil ambiguitatis asserere alicui posset. Quisque tamen id facile intelliget si considerauerit plurimum differre, quam ratione aut colore, quove titulo, vel insigni aliquo quis honestetur. Cum non raro contingat, ut plures vno eodemq. signo decorentur : quod tamen iure proprio vni tantum conuenit, ceteris vero omnibus ex huius gratia & concessione. Quod sane manifestissime videre est, in hoc, de quo agimus negotio. Idq. inter Apostolicam sedem, & ceteras quascumque tam

tam Patriarchales, quàm Archiepiscopales, & per vniuersum orbem distributas Ecclesias luce clarius manifestari potest, vt in iam supra relato capite, *Antiqua extr. de priuilegijs, & c.* accurate obseruauimus. Ex sententia enim Patrum Concilij Lateranensis, & Innocentij III. qui illi præfuit, fere omnia liquido apparent, quæ ex dictis in præsentī, & in duobus proxime præcedentibus capitibus probatione indigere alicui videri possent: Nempe Romanam Ecclesiam certum ac proprium insigne habere: illudq. esse viuificæ Crucis trophæum, ac denique Romani Pontificis adeo proprium, vt sibi præferatur, & nullis aliarum, quæcumque illæ sint, Ecclesiarum Prælati Crucis venerabile signum præferri liceat, nisi quibus ab ipsa Romana & Apostolica Sede ex speciali gratia id fuerit indultum, neque nisi intra certos limites, & iuxta formam ab eadem Sede illis præscriptam: quemadmodum in pallij induendi, & gestandi vsu videre est. Quod omnes ab eadem Sede humiliter petunt, & acceptam ab ea legem de illo certis tantum diebus vtēdo exactissime seruant. Ne igitur eadem frustra repetamus, Lectorem ad ea, quæ eo in loco a nobis dicta sunt, remittimus.

Accedit ad hæc, quod inuictissimum signum, quale profecto & vnicum est Crucis insigne, quod Constantino, vt de victoria certus redderetur, ostensum fuit, illi Ecclesiæ peculiariter tribuendum est, quæ sola semper inuicta, & omnino insuperabilis extitit. Cum autem nulla huiusmodi priuilegio gaudeat, nec re vera gloriari possit, præter illam, cui Principis Apostolorum Successor præfectus est, utpote de qua, ac de vniuersali Ecclesia ab illius ædificatore Christo dictum est: *Et porta Mat. 16. inferi non praualebunt aduersus eam.* Crucis signo iure decorantur Pontifices illi Ecclesiæ præpositi, quæ numquam in errorem labi, nec hæreticorum versutijs, aut tyrannorum tormentis etiam collatis in vnum totis eorum viribus superari potuit, nec poterit. Quemadmodū

Li. Theſ.
ex cat. au
rea, c. 6.

de illa merito ſcripſit Cyrillus : *Secundum hanc Domini promiſſionem Eccleſia Apoſtolica Petri ab omni ſeductione, hereticaq. circumuentione manet immaculata ſuper omnes Praepoſitos, & Episcopos, & ſuper omnes Primates Eccleſiarum, & populorum in ſuis Pontificibus in fide pleniffima, & auctoritate Petri. Et cum alia Eccleſia quorundam errore ſint uerecundata, ſtabilita inquaſſabiliter ipſa ſolum regnas, ſilentium imponens, & omnium obſcurans ora hereticorum, & nos neceſſario ſalutis non decepti ſuperbia, neque uino ſuperbia debriati tyrum ueritatis, & ſancta Apoſtolica traditionis unã cum ipſa conſitemur, & pradicamus.*

Deſertur quoque hoc trophæum ante cuiuſcumque ordinis Clericorum, Monachorum, & aliorum uitæ regularis unã ſimul ordinate procedentium Collegia. Sed abſque dubio ex eiufdem ſedis Apoſtolicæ indulgentia, & facultate: ſine cuius auctoritate, nec in unum conuenire, nec Eccleſias ædificare, nec ſacra facere poſſent. Nam nonniſi per Episcopos, quos in partem ſollicitudinis aſſumit Romanus Pontifex id probaret, nec templa, nec monaſteria, nec huiuſmodi alia loca ſacra pro Regularium Collegijs fundari, nec fabricari liceret.

Huc accedit, quod huiuſmodi militum, ſeruorumq. Dei agminibus Crux de more præfertur, nō in alicuius præcellentis dignitatis argumentum, ſed in teſtimonium, quod in ſorte Domini numerentur, & tamquam ſpiritalis militiæ exercitus Crucis vexillum ſequantur aduerſus hoſtes inuiſibiles, ad quos expugnandos, & debellandos validiſſimum eſt Crucis propugnaculum. Crucis enim venerabile ſignum religioſis uiris una ſimul conuenienti ordine incedentibus prælatum, ad uiuum repræſentat venerandum illud vexillū, quod Conſtantino Magno ad proelia proficiſcenti præferebatur. Ad cuius ſimilitudinem eo propius accedit, quod uelum Cruci appendi ſolet ipſius Crucis latitudinē exæquans Saluatoris noſtri, vel Sanctorum eius imaginibus ornatum, quale fuiſſe Conſtantini Labarum, de quo præter

præter Nicephorum (vt supra retulimus) Eusebius scripsit his verbis: *Ad cornu illius particula, qua ex transuerso erat per hastile traiccta velamen, quoddam perenne appensum adhasit, regalis videlicet, & magnifica textura, mirabili varietate lapidum pretiosorum arisfeiose coniunctorum, lucisq. claritate pulchre resplendentium depicta, & multo auro contexta, qua dici non potest, quantam spectatoribus ob suam pulchritudinem excitaret admirationem. Illud igitur velamen ad cornu affixum longitudine, latitudineq. Crucis mensuram penitus exaequans, oblongum vero, & erectum hastile in sublimi appensum, cuius pars inferior versus basim longius ducta fuit sub ipsum Crucis insigne ad textura discurrentis fimbrias auream pij Imperatoris, pariter ac liberorum suorum effigiem ad pectus usque continne descriptam continuit. Isto igitur saluari signo Imperator tamquam hostilis cuiusque & infestæ violentiæ propugnaculo semper usus est. Cuius expresse similitudines, mandauit, ut vniuersum exercitum perpetuo antecederent. Hæc Eusebius. Quæ si quis accurate consideraerit, facile perspiciet Ecclesiasticorum collegiorum sub proprijs signis, quorum hastilia velo exornata sint, in vnum conuenientia, simulq. incedentium agmina quandam præferre imaginem militarium copiarum consimilibus Crucis vexillis vndique præmunitarum, quibus imperabat, & quarum ductor tunc erat inuictissimus Constantinus.*

Cum autem vsu receptum fuerit in Ecclesia, vt aliquibus hastili nudo, alijs vero saltem anteriorem partem induto superimposita Crux præferatur. Et vt plurimum Monachorum & huiusmodi aliorum regulari instituto astrictorū virorum Sodalitates cooperto, Præsules vero nudo vtantur, non penitus forte a veritate aberrabimus, si dicamus, Crucem sine velo, esse dignitatis insigne, cum velo autem multitudinis, seu militiae sacrae in vnum coeuntis, & vna de more procedentis quoddam quasi Vexillum existere.

Cum igitur sacrum Crucis vexillum non ob eandem causam, & satis diuerso ritu, ac forma Archipræsulibus,

De vita
Constât.
lib.1.c.25.

& Ecclesiasticæ militiæ Sodalitijs præferatur. Et in primis quoniam summus Pontifex suo sibi iure Crucem præferri faciat, ceteris vero omnibus & ipsis etiam Metropolitans non nisi ex facultate a sedis Romanæ Episcopo facta, nullus iam dubitandi locus erit, quin Crux solius sit Romani Pontificis, certo quodam modo proprium insignem.

Est autem huius veritatis non leue argumentum, quod Metropolitæ, & ceteri, qui præferendæ sibi Crucis privilegio gaudent, in omnibus suæ ditionis locis, ad quæ ipse Maximus Pontifex, vel eius Legatus Apostolicæ sedis insignibus utens accesserit, Crucem demittunt, neque amplius altero eorum præsentem eam sibi præferri patiuntur; nimirum ea ratione profitentes præclarissimi eiusmodi insignis utendi facultatem sanctæ Romanæ Ecclesiæ acceptam referre. Etenim ob consimilem causam inferiorum Ordinum classis regiarum Capitanei vexilla in conspectu uniuersæ classis Generalis Præfecti solent deponere in subiectionis ipsorum, & fidelitatis testimonium, quemadmodum ob id, quod luna lucem suam a sole mutuatur, solis radijs apparentibus, splendorem, lumenque suum non ostendit, & illo præsentem orbem illuminare desinit.

*Crux semper & ubique Romano Pontifici
præferenda.*

C A P. XII I.

RESTAT, ut demonstremus Crucis prælationem semper Romano Pontifici conuenire: Huius rei indubiam fidem faciunt rituum Romanæ Ecclesiæ Libri, in quibus ex vetustissima consuetudine iubetur, ut quoties Papa siue per Urbem, siue extra eam incedat, siue

Lib. 1. fe-
rio. 2. &
12. cap. 1.
21. & 3.
Li. 2. c. 2.

siue ad Ecclesias, siue ad quauis alia loca, tam propinqua, quam remota iter habeat, immo intra palatium ipsum, cum ad Sacellum, quod Cappellam Palatinam dicimus, sacro Cardinalium Senatu comitante procedit, vt diuinis in ea celebrandis officijs intersit, Crux illi eunti & redeunti semper præferatur. Excepto tamen triduo maioris hebdomadæ, dum ad Matutinas horas audiendas quasi atratus egreditur, siquidem nec vlli ex ceteris, quibus Crucis huiusmodi vsus communicatus est ad horas illas proficiscenti ob certum latens, ac reconditum mysterium præferri licet.

Lib. Cere-
mon. 2.
cap. 42.

Semper etiam id ipsum ei conuenire certo constat, & vbiq; locorum. Nullum enim est regnum, nulla diocesis, vel ciuitas, nulla prouincia, nullus denique in orbe locus, quem Pontifex præsentia sua dignum fecerit, vbi ei suum Pontificium, Crucis videlicet signum, non sit præferendum: Nam sicut summus Pontifex omnium quotquot in terris sunt fidelium est Pastor, & rector; ita vniuersus terrarum orbis est illius Metropolis & diocesis. In quem sensum verissime vsurpatur quod in ore omnium frequentissimum est prouerbiū: *Vbi Papa, ibi Roma.*

Confirmat postremo sententiam nostram præstantissimi huius signi cum ceteris quibuscumque eiusdem Pontificiæ dignitatis insignibus comparatio; qualia sunt diuersorum generum amplissima vexilla. Pilci itidem pretiosi, & ipsa (vt cetera taceam) sanctissimi Corporis Christi ante eum cum splendidissima pompa gestatio. De his omnibus & alijs, quæcumque illa sint, cum Crucis vexillo comparatis, id quidem enunciare licet, quod de Tiara, seu (vt vocamus) Regno Innocentius III. pronunciauit in hæc verba: *Romanus itaque Pontifex in signum Imperij vtitur Regno, & in signum Pontificij vtitur Mitra: sed Mitra semper, & vbiq; Regno vero nec semper, nec vbiq;.* At nos de Mitra ipsa, cuius vsus frequentior est Pontifici, quam Tiara, & aliorum, quæ
supra

Lib. 14
cap. 10
Ser. 1. de
S. Silue-
stro.

supra memorauimus Insignium, id certissime asseuera-
mus, Pontificem non vti Mitra semper, & vbique : Cru-
ce vero & semper, & vbique . Nam Mitram non gestat,
nisi dum diuina operatur, at Crux nedum ad diuina of-
ficia peragenda, vel audienda, sed etiam ad alia quæ-
que munia obeunda accedenti summo Pontifici siue
sacro, siue domestico, & quotidiano habitu induto num-
quam non præferenda est. Si ergo soli, si cuilibet Ro-
mano Pontifici, si semper, & si vbique conuenit præla-
tio Crucis, necesse est vt fateamur, Crucem Romani
Pontificis nedum propriū verum & maxime proprium
esse insigne, quod demonstrandum sumpseramus.

*Crux præstantiori ratione super Romani Pon-
tificis, quàm supra Metropolitaram gen-
tilitia insignia semper statuitur.*

C A P. XIII I.

SI QVIS autem, Crucem non Romani tantum Pon-
tificis, sed Archiepiscoporum, Primatum etiam,
atque huiuscemodi Prælatorum proprium Insigne esse
contendat; quod eam super illorum, & non supra Ro-
mani Pontificis gentilitia signa insculpi, depingi, aut
aliter effigiari videat. Facile satisfieri posse arbitramur
hoc pacto, vt primum dicamus, Crucem Metropolita-
rum insignibus superimponi, illaq. huiusmodi illu-
strissimo ligno honestari, vt ab Episcopis, qui hoc pri-
uilegio carent, distingui possint, atque dignosci, non
ramen vt cum Pontifice Romano comparentur, a quo
hoc singulare priuilegium acceperunt. Quamobrem si
Dominicæ Crucis vexillum proprium Metropolita-
rum insigne esse alicui videatur, hac plane tantum ra-
tione concedendum censemus, quatenus Archiepisco-

Ut tracea-
tur quod
apud Pa-
tres hoc
in usu
erat.
26. 1. 220
26. 1. 220
26. 1. 220

pi inferioris tantummodo, non autem superioris ordinis Præsulibus, & multo minus ipsi maximo & supremo Pontifici comparantur, per quem secundum Deum affecti sunt quidquid honoris habent, & dignitatis.

Sed quid opus est, ut dubitationem, cui sensus ipsi evidentissime satisfaciunt, verbis & rationibus de medio tollere laboremus? Omnibus enim paulo diligentius rem hanc inspicientibus & considerantibus non modo vnum, sed etiam bina Crucis signa singulis Romanorum Pontificum, gentilitijs Insignibus superposita manifeste apparebunt. Quis enim est, qui non cernat, licet non omnes fortasse aduertant, binas illas claves, quæ supra Romani Pontificis gentilitijs insignibus statuuntur, ea ratione dispositas, ut vna, alteri in medio superponatur, Crucis figuram referre? quæ admirabili quodam sapientissimoque consilio Pontificum stemmatibus adijciuntur, ut ea vna, ut ita dicam, Hieroglyphica nota Pontificæ dignitatis, omnium suprema potestas, & Pontificis maxime proprium insigne demonstraretur. Namque Potestas per Claves repræsentatur: signum vero Crucis, in eo quod decussatæ cernuntur. Nam quod claves potestatis ac iurisdictionis symbolum sint, luculentissime declaravit ipsarum Auctor dicens Simoni Petro: *Tibi dabo claves Regni cælorum: Quodcumque solueris super terram, &c.* At si cui dubium sit clauium in eiusmodi forma dispositionem Crucis signum conficere, illi quoque dubitandum erit Constantini Magni vexillum instar Crucis illius fabricatum, quæ sibi in cælo apparuerat, Crucis similitudinem expressisse, cum Eusebio, Nicephoro, & ceteris, qui historiam illam scriptis tradiderunt, admirabile illud signum χ , vnius ex elementis Alphabeti Græci formam prætulerit, cui omnino similis est illa, quæ per Claves ea ratione compactas figura efficitur Pontificum insignibus imponi solita.

Idem

Idem quoque fateri compelletur, beatissimum Andream Apostolum martyrium suum in Cruce minime consummasse, cum ex antiquissima traditione a pictoribus vbique expressam habeamus arborem ipsam, in qua sic forte, vt contigit, appensus fuit X, litteræ græcæ figuram habuisse. In dubium præterea reuocaretur illud, quod tot Patrum auctoritate supra conclusimus, Iacob videlicet Patriarchæ manus cancellatas

Gen. 48. in crucis figuram fuisse compositas, quando Ephraim, & Manassæ benedixit: Nam ita compositæ, & cancellatæ manus, nullam aliam figuram efficere poterunt, præter illam, quam ex Clauibus supra Pontificum stemmata poni solitis constitui videmus.

Dist. 23. c. Eccles. instit. Consequeretur etiam & illud omnino a veritate alienum, quod Sanctus sacerdos contra sacrorum Canonum præscripta absque Crucis signo ad pectus sacræ faceret, aut reciperet, licet de vno eodemq. Orario ceruicem pariter & utrūque humerum premar. Cum tamen Concilij iij. Bracarensis Patres eam stolæ decussationem a Sacerdotibus faciendam excogitarint, & iusserint, vt hac ratione Crucis signum sibi in pectore præparent. Ad hanc confirmandam veritatem facit quod Burgundi, vt vulgo notum est, erga B. Andream Apostolum singulariter affecti, Crucem, non vt Galli, & alij Christiani equites a collo ad ventrem, & a latere dextro ad sinistrum, sed ab humero dextro ad latus læuum, & a læuo humero ad dextrum latus habent; Crucem similem ei, cui sanctus Andreas affixus fuit, deferre volentes.

Amplius, si nulla alia figura Crucis nomine nuncuparetur præter illam, quam ad similitudinem Crucis Domini formare consueuimus, non deessent fortasse qui etiam de beati Petri Apostolorum Principis crucifixione dubitarent, cum longe diuerso modo, quam Magister & Dominus eius ac noster, hoc est, verso ad terram capite, & pedibus in altum leuatis in Crucem actus

actus fuerit. Quæ plane crucifigendi ratio non fuit singularis in Petro, cum, Seneca teste, apertissime constet, olim transuerso capite multos patibulo Cruci affixos: *Video*, inquit Seneca, *istæ Cruces non vnus quidem generis, sed aliter ab alijs fabricatas. Sunt qui capite in terram conuerso suspendant: Alij per obscena stipitem agunt: Alij brachia patibulo explicuerunt. Duo enim ligna, quorum vnum alteri superponeretur, quacumque ratione id fieret, Crucem componebant. Ideo a Græcis didymon xylon dicebatur, quod Latine redditur geminum lignum. Et re vera Crux apud Latinos, non a certa quadam eam componendi forma dicitur, sed quod præ ceteris patibulis durius, dirius, ac diutius cruciaret. Nam, vñ beatus Augustinus dicit: Vbi dolores acerrimi exagitant, cruciatus vocatur, a Cruce nominatus. Quod satis clare indicauit Apostolus ad Philippenſes de Christi incomparabili obedientia scribens: Factus obediens vsque ad mortem, mortem autem Crucis. Illa enim morte, sicut idem Augustinus scribit, peius nihil fuit inter omnia moriendi genera.*

Lib. de cō
ſolat. ad
Marriam.
Et Cæli.
Rhodig.
ant. lect.
li. 10. c. 8.

Tract. 36.
in Ioann.
cap. 8.

Phil. 3.

*Clauis decussata iure vsurpata pro Insigni
Patriarchij Lateranensis, & Eccle-
sia vniuersalis per vniuersum
orbem diffusa.*

CAP. XV.

CONSIDERANTIBVS nobis qua ratione ducti fuerint, qui vno illo, & communi symbolo, Clauium scilicet decussatarum cuiuslibet Romani Pontificis Insignia propria decoranda existimarint, occurrit hoc ipsum sacrosanctæ quoque Lateranensis Ecclesiæ

R proprium

proprium esse Insigne. Nam tametsi Vaticanus quoque
 illustrissimus Clerus Basilicæ in beatissimi Apostoli Pe-
 tri memoriam gloriosam extructæ additus, Clauium
 signo vtatur; hæc nihilominus hinc & inde æquis spa-
 tijs pendent, & Crucis figuram non efficiunt, quam
 passim constitui cernimus per decussationem illarum,
 quas Lateranense Patriarchium pro Insigni suo Maio-
 rum traditione iam pridem accepit; qua singulari præ-
 rogatiua sacrosanctam illam Ecclesiam merito gaude-
 re fatemur, quod in Vrbe & Orbe primatum ei conue-
 nire credamus & prædicemus, propterea quod beatissi-
 morum Pontificum, qui Christi Regis regum, & Do-
 ni dominantium vices in terris gerunt, Sedes propria
 fit, cui singulari quadam ratione, vt magni Gregorij
 more loquar, incardinantur, & tamquam sponsæ suæ
 propriæ spiritali coniugio copulantur. Est enim pro-
 prium illorum, qui matrimonio iuncti sunt, vt neuter
 quidquam sibi retineat, quod alteri coniugi communi-
 care nolit: quo fit, vt eisdem titulis, ornamentis, pri-
 uilegijs, & insignibus Sponsa, quibus & Sponsus, hone-
 stetur, decoretur, & vbique pro arbitrio vtatur. Hinc
 merito in more consuetudineq. positum est, vt quàm-
 primû aliquis ex amplissimis Patribus ad summi Apo-
 stolatus apicem euehitur, statim gentilitium, & fami-
 liæ suæ proprium Stemma Clauibus ea forma compa-
 ctis exornet, quas Lateranensis Ecclesia pro suo, vt mox
 diximus, excellentissimo Insigni accepit.

Nec omitendum existimo, Claues in Crucis for-
 mam eadem ratione compositas, illius quoque Eccle-
 siæ Insigne esse, quæ in vniuerso orbe propagata est, &
 ab omnibus merito vniuersalis appellatur. Cuius qui-
 dem rei hanc vnâ causam dicemus: quod vnus &
 idem Romanus Pontifex non minus vniuersæ per to-
 tum orbem terrarum diffusæ multitudinis fidelium,
 quàm Lateranensis Patriarchij proprius, ac vniuersalis
 Episcopus, Caput, Moderator, & Pastor existat. Qua-

re non sine matura consideratione factum credimus, ut decussatæ Clauēs, quæ Lateranensem Ecclesiam speciatim repræsentant, intra scuti vnus terminos circumscribatur: quæ vero vniuersum Christianorum cœtum referunt, nullis arctatæ finibus contineantur, sed hastili longo appendicæ cernantur. Ex qua quidem varia, ac diuersa Clauium dispositione duarum, de quibus modo nobis sermo est, Ecclesiarum distinctio manifeste cōspicitur: cum altera Romani tantummodo Patriarchij, altera vero per vniuersum orbem diffusas cunctas Christi oues complectatur: sed quia Romana Ecclesia ceterarum quarumcumque Ecclesiarum Mater, Caput, & Magistra existit, æquissimo iure & ipsa vniuersalis creditur ac prædicatur. Nec mysterio vacat, quòd latum illud & rotundū, seu orbiculatum tētorium quod Conſalonem vulgo appellamus, Clauibus, quas vniuersalē Ecclesiā repræsentare diximus, superimponi conspiciamus: ampla enim omniumq. capacissima sphaerica figura, latitudinem, amplitudinemq. demonstrat vniuersalis Ecclesiæ, in qua omnes ex omni plane Natione, quæ sub cælo est, ad fidei vnitatem collectæ speciales Ecclesiæ continentur. Ipsa vero forma tentorij, cum eorum, qui in castris degunt, domus quodam modo sit, ac veluti tabernaculum, Ecclesiam in terris aduersus multiplices ac immanissimos hostes perpetuam pugnam gerentem, ab eadem in cælesti patria opulenta requie iam fruente, quæ triumphans nuncupatur, discernit, atque distinguit. Et ne quid intactum quoad possumus relinquamus, si qui sunt, quibus hæc quæ de signo Crucis per Clauēs decussatas expresso, non plene satisfaciunt, in Tiaræ, quæ eiusmodi Clauibus superstat, summitatem oculos erigat, vbi conspiciere poterit alterum, quod supra indicauimus, Crucis viuifica signum, licet propter loci illius angustiam capacitatem & proportionem valde exiguum, ad Crucis tamen, de cuius figura modo loquimur, imitationem ad amussim

Secundum
ut de ob
demonstrat
conspici
etiam in
etiam in
etiam in

fabrefactum, quod omnem, quæ circa propositum negotium suboriri posset, ambiguitatem prorsus amouebit. Hæc enim cum in sacri illius ornamentis fastigio statuatur, quod solius Vicarij Christi caput exornat, cui omnium Principum & Regum diademata subiiciuntur, & ipsius quoque Cæsaris corona merito cedit; liquido consequitur, Crucis venerabile signum nedum proprium, & maxime proprium Romani Pontificis Insigne existere, verumetiam in vniuerso orbe principem locum obtinere, vt verissimæ sint Ambrosij, & Augustini duorum Ecclesiæ luminum sententiæ. Ille enim dixit: *Sapiens Helena, quæ Crucem in capite Regum leuauit: vt Crux Christi in regibus adoretur.* Hic vero: *Nihil erat tunc in carne intolerabilius, nihil est nunc in fronte gloriosius.* Vnde ad credentium consolationem merito subdit: *Quid seruat fidei suo, qui talem honorem dedit supplicio suo?*

Ambros.
de obitu
Theodos.
Imper.
Aug. tra-
cta. 36. in
Ioannem.

Ex duobus sacrorum Euangeliorum locis explanatis demonstratur, Crucem semper paratam ijs precipue, qui celsiorem in Ecclesia locum obtinent.

C A P X V I .

POSTREMO quisquis duo sacri Euangelij loca perpendat, in quorum primo Pontificia dignitas beato Petro a Christo promittitur: in altero autem ipsi confertur, haud difficile deprehendere poterit, eos, qui supremum in Dei Ecclesia honorem consequuntur, statim præparatos esse oportere ad Crucem Domini suscipiendam, & cruciatus omnes eius causa preferendos.

Matt. 6. Primus extat apud Matthæum, quando Saluator noster

noster Apostolo Petro post illam cælesti ac diuina magis quàm humana lingua dignam ab eo editam confessionem : *Tu es Christus Filius Dei viui*, respondit in hæc verba : *Et ego dico tibi, quia tu es Petrus, & super hanc petram adificabo Ecclesiam meam; & tibi dabo (en promissio Pontificatus) Claves Regni calorum. Et quodcumque ligaueris super terram, & cet.* Quibus mox subnectit Euangelista ea, quæ ad Crucem attrinebant, in ipsomet capite nostro adimplenda. Exinde (dicens) *cæpit Iesus ostendere discipulis suis, quia oporteret eum ire in Hierosolymam, & multa pati a senioribus, & scribis, & Principibus Sacerdotum.* Quibus verbis quoniam Petrus humano quodam affectu ductus ausus fuit aduerfari, hoc sermone idem Dominus illum acriter increpauit : *Vade post me Satana, scandalum es mihi, quia non sapis ea, quæ Dei sunt, sed ea, quæ hominum.* Et vt doceret, non solum Petrum, verum & ceteros quosque fideles per voluntariam Crucis assumptionem sequi oportere exemplum filij hominis, quem Petrus ipsius Dei viui filium confessus fuerat, statim subiunxit huius rei necessitatem, dicens : *Si quis vult venire post me, abneget semetipsum, & tollat Crucem suam, & sequatur me.* Alter, & quidem apertior locus Ioannis vltimo habetur, vbi Saluator post suam a mortuis resurrectionem in cælum ascensurus dixit Petro : *Pasce oves meas.* Quibus verbis iuxta orthodoxorum Patrum interpretationem, Pontificiam dignitatem Clauium nomine ei aliàs promissam contulit, & in illius (vt ita dicam) possessionem illum immisit, suumq; ad vniuersam Ecclesiam regendam Vicarium instituit. Illis autem statim subiecit : *Amen, Amen* Ioan. ult. *dico tibi: cum esses iunior cingebas te, & ambulabas vbi volebas: cum autem senueris, extends manus tuas, & alius te cinget, & ducet, quo tu non vis.* Quæ de morte ab eo in Cruce obeunda dicta fuisse, ipsemet Euangelista explicauit subdens : *Hæc autem dixit significans quæ morte clarificaturus esset Deum.* Quod etiam euentus demonstrauit.

strauit. Nam Imperatoris Neronis iussu Cruci affixus gloriosissimo martyrio ex hac vita decessit. Quo factum est, vt non solum in ministerio commissi sibi gregis, sed etiam in mortis genere, ac vitæ præsentis consummatione perfectissime compleuerit quod sibi a Magistro, & Domino mandatum, & iniunctum fuerat hisce nouissimis verbis: *Sequere me*. Cum igitur in beatissimo Petro primo Christi in terris Vicario hæc simul coniuncta vnitaq. fuisse, mente, & oculis ipsis conspiciamus, Pontificiam videlicet dignitatem, & Crucis propter Christum assumptionem, quis non intelliget quantopere conueniat, deceat, immo & oporteat, vt (quod paulo superius dicebamus) cuilibet ad beatissimi Apostoli Petri cathedram euecto maxime proprium Magistri, & Domini sui Insigne inuictissimum, & gloriosissimum Crucis trophæum illico erigatur, & ante ipsius oculos statuatur; vt eo duce impositi sibi grauissimi oneris munia auspicetur, prosequatur, & ad optatum finem eodem opitulante a se perducantur? Id profecto clarissime explicauit Andreas Cretensis Episcopus:

Serm. de
Exalta. S.
Crucis.

Es hoc est (dicens) quod nunc faciunt, qui clauum suscepere Pontificium, in excelsum Ecclesie locum conscendentes, & hanc gloriosissimam, & vel maxime adorandam Crucem in altum extollentes, & saepe sublimè extollentes ostendunt, populis propemodum clamantes: Ecce inuentus est: qui fuerat absconditus salutis thesaurus: ecce signaculum, in quo signati sumus: ecce Crux, per quam cogniti fuimus Crucifixo: ecce cornu, in quo inimicos nostros ventilabimus, in quo illasi transimus laqueos inimici; quo freti infantium tela putamus plagas demonum. Sapientissimo igitur ac pio admodum consilio introductum apparet, vt numquam in publicum prodeat Romanus Pontifex, nec pedem domo efferat, nisi felicissimo isto trophæo præeunte; quo publice ac palam significet, ac protegetur sibi in animo esse, & apud se constantissime, ac firmissime deliberasse, pro viribus sibi a Deo collatis, & conferendis Christi vestigia sequi,

qui, & pro illius fide prædicanda, pro sibi commissi gregis salute procuranda, & ipsius Crucifixi Domini nostri gloria illustranda, & propaganda, quæcumque sibi aduersa hilari animo subire, fortissime sustinere, feliciter superare, inmo & ipsam mortem, si id necessitas exigat, intrepide, & alacriter perpeti.

Nec illud prætermittendum videtur, quod ex Crucis summo Pontifici prælatæ occurſu, & inspectione admonentur omnes, qui ei obuij sunt Christiani, quanta cum humilitate, ac veneratione excipiendus sit Pontifex, quantoq. honore, & reuerentia prosequendus; nempe quasi in eo Christum ipsum propter nos Cruci affixum suscipiant, venerentur, & adorent. Quemadmodum secum Galatas egisse testabatur Paulus his verbis: *Sicut Angelum Dei excepistis me, sicut Christum Iesum.* Quam ob causam Reuerendissimus D. Episcopus Vestanus in eo, quem & supra citauimus libro de osculatione pedum summi Pontificis, merito asserit, ideo Crucem sandalijs Papæ affixam fuisse, ut fideles ad eius pedes obuoluti Cruce perspecta maiori animi pietate debitos ac necessarios honores Pontifici redderent, atque exinde Christum contrectare, atque osculis contingere viderentur.

Nec ab his abhorret quod in Venetorum Annalibus relatum comperi de signo Crucis Coronæ maximi eorum Reipublicæ Ducis ad eum finem apposito, ut qui debitum honorem supremo illi Principi deferre ob aliquam humanam causam recusabant, ac liberos se, & immunes credebant, ob venerabilem tamen Crucis imaginem illi cederent, debitumq. honorem deferrent.

Postremo & illud accedat quoddam hac quasi perpetua Crucis præsentia Pontifex ipse maximus admonetur, dum tot tantisq. ac prope diuinis honoribus ab vniuersi orbis fidelibus se affici conspicit, in memoriam sibi Christum Dominum reuocandum esse, a quo tantam

tam dignitatem, tantamq. potestatem accepit, ut cuncta hæc obsequia ad illum referat, cuius causa sibi exhibentur. Numquam præterea illi gratias non agat, eiusq. vestigia sibi sequenda, exempla q. imitanda proponat, cuius auctoritate munitus tanta sibi obsequij & obedientiæ signa deferuntur. Summo denique studio contendit tam pro se, quam pro sibi commissis omnibus custodiendis, & pascendis vires ac robur perpetuis ac deuotissimis precibus a Deo impetrare.

*Vno beati Iustini Martyris testimonio, quæ
hactenus dicta sunt, summam
confirmantur.*

C A P. X V I I.

Iustinus
Martyr.

SED ad salutiferæ Crucis honorem, & ad omnium, quæ de illa diximus, confirmationem, & quasi per orationem nouissime proferatur beati Iustini doctrina, pietate, ac martyrio insignis testimonium, quod in secunda ipsius ad Antoninum Pium pro Christianis apologia habetur in hæc verba: *Quia didicerant* (cultus videlicet Idolorum impij præceptores) *illum* (hoc est Christum) *opem allaturum membris omnibus, Aesculapium protulerunt in medium: Crucem tamen in nullo Iouis filio resulerunt, non enim intelligebant mysterium scripturarum figurare omnia tradentium. Nec quod Crux sit precipuum Insigne principatus, ac roboris, ut oculis cernitur. Considerate totum mundum, an in eo quidquam geratur sine hac figura: aut conslet ulla societas: Mare non sulcatur, nisi hoc trophæum, quod vocatur velum, maneat incolume: fossores non operantur, sicut nec opifices nisi instrumentis hanc formam habentibus. Hominis figura non aliter a brutis differt, quam quod erecta est, & manus expandit, & in facie a fronte protensum nasum proferit,*
per

per quem fit respiratio, ut plane figura Crucis videatur, quod & Propheta sic indicat: Spiritus ante faciem nostram Christus Dominus. Tren. 4.
 Vestra quoque insignia declarant huius figura potentiam, ut trophæa, & quædam, quæ prælata vobis turbam submouent, magistratus & potestatis insignia, quamuis id non aduertatis agentes aliud. Defunctorum quoque Imperatorum vestrorum imagines consecratis hoc schemate, quos diuos cognominatis in Titulis.

Hoc igitur antiquissimi viri, doctissimi Philosophi, & fortissimi martyris testimoniū, si quis diligenter consideret, proculdubio animaduertet, non sine causa illud a me hoc loco fuisse relatum: nempe uti omnium fere, quæ diximus, quasi summā & epilogum. Etenim antiquissimus & frequentissimus Cruce signandi vsus, quæ primo loco statuimus, confirmatur his verbis: Considerate totum mundum, an in eo quidquam geratur sine hac figura, aut constet vlla societas: quod longa serie & inductione per omnes pene hominum actiones, clarissime ostendit. Crucis vero in altum erectionem, ante subditos populos, infimæq. plebis homines, immo & ante viros dignitate & auctoritate præstantes, lationem comprobatur cum subiungit: Vestra quoque Insignia declarant huius figura potentiam, ut trophæa, & quædam, quæ prælata vobis turbam submouent, magistratus & potestatis Insignia. Sed quid apertius dici, aut significari poterat de his rebus, quæ in postrema parte diximus, quam quod a principio proponitur his verbis? Non enim intelligebant mysterium Scripturarum figurate omnia tradentium, nec quod Crux sit præcipuum Insigne magistratus & roboris, ut oculis cernitis.

LIBRI TERTII FINIS.





APPENDIX

De honore viuificæ Cruci Domini exhibendo.



Serm. de
tēp. 101.

PIVS LECTOR, qui gustauit, req. ipsa ex-
pertus est grauissimæ illius sententiæ ve-
ritatem, quam de sanctissima Dominica
Cruce præstantissimus Doctor Augustinus
protulit in hæc verba: *Quid dulcius vel co-
gitari, vel dici potest, quam mysterium Crucis, per quam non so-
lum ab inferis reuocari, sed etiam in calos eleuari meruimus?*
Veniam nobis condonabit, si nouissime allato inclyti
Iustini martyris testimonio, quo huic scriptioni finem
imponere pollicebamur, quasi a mellifluo, suauissimoq.
de Cruce sermone diuelli nequeamus, hanc Appendi-
cem de honore illi a fidelibus exhibendo, subijciamus.
Cum enim prolixius, quam ab initio proposueramus
de inexcogitabili ac prope incredibili honore tractaue-
rimus, quo Redemptor ac Saluator noster per Crucis
insigne homines dignatus est honestare, ac decorare, ra-
tioni & gratitudini cōsentaneum nobis visum est, non-
nulla quoque adijcere de cultu & honore, quo diuinum
& nobis tam salutare trophæum prosequi necesse sit, nisi
tantorum beneficiorum immemores, & in tantum Be-
nefactorem ingrati & esse, & haberi velimus.

—epa—

Nellis

*Non est ita frequens usus in Ecclesia Dei
venerari clauos & patibula alia
depicta, sicut Crucis
imaginem.*

CAP. I.

DE proposita disputationis argumento duo satis
erit attigisse, quorum illud primo loco propo-
nitur, patibulorum omnium (quæ prope innumera ex-
cogitauerunt impij Satanae ministri, vt acerbioribus;
quibus possent, doloribus, catholicae fidei Confessores,
& ipsum etiam fidei Auctorem Christum afficerent.)
figuras fidelibus in Dei Ecclesia non ita communiter
propositas fuisse venerandas, sicut viuificæ Crucis Domi-
ni effigies ac figuras, nisi forte vna cum Cruce proferan-
tur. Illi enim peculiare huiusmodi priuilegium fuit con-
cessum, Deiq. sapientia & virtute exhibitum, vt quæ-
cumque ad Crucis similitudinem, ex quauis materia
imagines fierent, illæ quoque coli, adorariq. deberent.
Cuius rei veritas quotidiano experimēto adeo patet, vt
nulla confirmatione opus habeat. Hinc sanctus Tho-
mas, Doctor Angelicus, in hanc ait verborum formam:

*Quantum ad rationem contactus membrorum Christi adoramus
non solum Crucem, sed etiam omnia quæ sunt Christi. Vnde
Damascenus dicit in Libro 4. Preiosum lignum, vt san-
ctificatum tactu sancti corporis & sanguinis, decenter adoran-
dum, clauos, indumenta, lanceam, & sacra eius tabernacula,
quæ sunt, praeſepe, spelunca, & huiusmodi. Ista tamen non re-
presentant imaginem Christi, sicut Crux, quæ dicitur signum fi-
lij hominis, quod apparebit in calo, vt dicitur Matth. 24. Ideoq.
multicribus dixit Angelus: Iesum queritis Nazarenum crucifi-
xum, non dixit lanceatum, sed crucifixum. Et inde est quod Cru-
cem Christi veneramur in quacumque materia, non autem ima-
ginem clauorum, vel quorumcumque huiusmodi. Hæc bea-*

S. Thom.
p. 3. q. 25.
ar. 4. ad 3.

Damasc.
lib 4. fid.
orth. c. 12.
post med.

B. Anton.
3. p. tit. 12.
6. 10. 5. 5.

Serm. 32.
diuer. in
edit. Lo-
uan.

tus Thomas, cui etiam adstipulatur beatus Antoninus in Summa. At quoniam sacrorum patibulorum omnis in vniuersum cultus ab hæreticis in dubium reuocatur, & irridetur, non erit superuacuum, vno saltem exemplo, quod ab omnibus catholicis maxime recipitur, hoc dogma confirmare; nempe instrumenta, quibus viri Sancti, propter veritatem asserendam, cruciatibus & morte affecti fuerunt, in maximo pretio esse habenda, & a fidelibus condigno cultu prosequenda.

Quod testimonio beati Patris Augustini de vno ex lapidibus, quibus Protomartyr Stephanus petitus fuit, manifestissime constat, vt videre est apud eundem S. P. August. hæc dicentem: *Quando lapidabatur S. Stephanus, aliqui etiam innocentes, & maxime de ijs, qui iam Christo crediderant, circumstabant: dicitur lapis venisse in cubito, & excussus inde venisse ante quemdam religiosum. Tulus illum, & seruauit. Homo erat de nauigantibus: fors nauigationis attulit illum ad litus Ancona, & reuelatum est illi, ibi debere reponi lapidem illum. Ille obediuit reuelationi, & fecit quod iussum est. Ex illo cepit esse memoria sancti Stephani, & rumor erat quia brachium sancti Stephani ibi est, nescientibus hominibus quid contigisset. Verum autem intelligitur propterea illi fuisse reuelatum, vt ibi poneret lapidem, qui de cubito Martyris excussus est, quia Grace cubitum ἀγκύλιον dicitur. Sed qui sciunt, quia ibi miracula fiunt, ipsi nos doceant.* Qua plane narratione instruimur, non modo cineres, & ossa Sanctorum, verum etiam catenas, quibus vinctus, & Crucem, cui affixus fuit Apostolorum Princeps Petrus: craticulam, & carbones, quibus beati Laurentij corpus assatum fuit, ceterorumq. omnium Apostolorum, Martyrum, aliorumq. Sanctorum cum Christo in caelesti patria regnantium sacra patibula, & monumenta, quæ illis veluti trophæa, & victoriarum signa facta fuerunt a populo Christiano dignis honoribus merito frequentanda. Ex his aperte cognoscimus, lapidem illum, Dei prouidentia disponente, tanto in pretio & honore haberi coeptum,

cum

cum Deus ipse locum, in quo reponendus ac assertuandus esset, reuelare, vbi templum in Protomartyris sui memoriam ædificari deberet, admonere, ac denique ad dicti lapidis præsentia omnipotentia suæ miracula operari dignatus fuerit. Sed quamuis hæc admirabilia sint, omniq. prorsus studio, & pietate suscipienda, quemadmodum & infinita prope alia, quæ de Sanctorum reliquijs apud probatæ fidei Auctores legimus; at non videtur fuisse in usu, tamen factum fuit, vt imaginibus patibulorum sanctorum Martyrum adoratio a Christiano populo exhibeatur, sicut Crucis imagini diximus semper exhiberi. Quod sane peculiariis honoris, singularisq. prærogatiuæ munus vni omnium tormentorum acerbissimo Crucis Domini patibulo exhibitum fuit. Cuius priuilegij illa causa est, quod Crucis exemplum, & imago non minus, quàm ipsius exemplar, & prototypon, eundem Dominum ac Deum propter nos Crucifixum oculis nostris obiciat, atque repræsentet.

His autem valde coherentia sunt, quæ a B. Athanasio afferuntur in quæst. 16. ab eo non minus erudite pieq. explicata, quàm fuerit ab ipsomet proposita. Ipsius autem verba huiusmodi sunt: *Quæstio est: Quare credentes omnes ad Crucis imaginem Cruces facimus, lancea vero sancta, aut arundinis, aut spongia figuras nullas conficimus, cum tamen hæc tam sancta sint, quàm ipsa Crux? Responso: Figuram quidem Crucis ex duobus lignis compingentes, conficimus: ut si quis infidelium id in nobis reprehendat, quod veneremur lignum, possimus duobus inter se disjunctis lignis, & Crucis diuina figura, ea tamquam inutilia ligna reputare, & infideli persuadere, quod non colimus lignum, sed quod Crucis typum veneramur. In lancea, aut spongia, vel arundine, nec facere hoc, nec ostendere possumus. Hæc S. Athanasius. Nostra tamen tempestate, Passionis Domini nostri instrumenta vnà cum Cruce pinguntur, ac circumferuntur, & interdum etiam sine ipsa Cruce depicta apparent, in eiusdem scilicet Passionis mysterijs repræsentandis.*

fol. A
col. 1. no. 13
2022239

Athanas.
q. 16. °

141

Cum

142 A. P. E. N. D. I. X
Cum imaginibus idem, qui illorum prototypis
honor deferatur, omnes Crucis effigies, quem-
admodum & ipsum Crucis Domini lignum
latria cultu merito sunt adoranda.

C. A. P. I. I.

Adora-
tionis spe-
cies tres.

ALTERVM, idq. fufius tractandum caput eft de ſpe-
cie honoris, quo Crux Dominica proſequenda eſt :
quod vt magis perſpicue dilucidetur, binæ præmittendæ
ſunt partitiones : quarū illa ſit prior apud ſacros Theo-
logos vulgatiffima, qua videlicet adorationis ſpecies in
Latriâ, Hyperduliam, & Duliâ ſecare ſolemus. Altera ve-
ro eſt paulo ſupra indicata, & apud omnes peruulgata,
qua patibuli Crucis nomine, modo illud iplum ſacratiffi-
mum lignum accipimus, in quo Saluator noſter pepē-
dit ; modo vero, idq. ſæpiſſime, intelligimus quaſcūque
Crucis ad dicti patibuli exemplar fabricatas. His igitur
ita conſtitutis propoſito argumento facile ſatisfacere
poſſumus. Quare illud primo aſſerimus : quod certo cer-
tius conſtat, Crucem Dominicā, quæ inter omnia fidei
noſtræ monimenta præſtantiffima eſt, illiusq. imagines
omnes latriæ cultu eſſe adorandas. Cuius plane veritatis
illud a Patribus, & a ſacrorum Theologorū Scholis re-
ceptum eſt firmiſſimū fundamentū ; quod ſcilicet ima-
go eodem honore, quo ipſius prototypon colimus, vene-
randa eſt ; & hac quidē de cauſa, quia quantus qualiſve
honor imaginibus exhibetur, ille plane in exēplar illa-
rum traducitur, quod eiufmodi ſignis repræſentatur. In
exemplar, inquam, quod per lineamenta, & figuram
exprimitur, & non in illa, ex quibus tamquam ex ma-
teria, ſeu ex partibus conſtant, vel componuntur. Nam
Exemplū. quemadmodum qui ſtatue Regis caput aperiunt, in il-
la ſe Regem ipſum colere ac honorare arbitrantur ; &
qui in Principis imaginem contumeliam inferunt, tam-
quam

quam læsæ maiestatis, rei plectūtūr, ita plane qui Crucis
 imagini contumeliosus est, ipsum etiā Dominū pro no-
 stra salute Crucifixum impugnat ac detestatur. Quod
 S. Andreas Cretensis pro sacrarū imaginum defensione
 martyrio clarus Constātino Copronymo Iconomacho
 intrepide obijciebat his verbis: *Exsecrandum caput, non tibi*

Ex Meta-
 phr. apud
 Sur. 17.
 Orob.

*videtur pati pro Christo, qui pro illius forma patitur, neque ad
 primū exemplar credis transire ignominia, qua imago afficitur?
 Quomodo vos scire eos, qui imperatorias contumelia affecere sta-
 tuas acerbissime punitis, perinde ac eos, qui vos probus sunt inse-
 cuti, ultinia affecistis supplicijs? Et post pauca: Eas, qui in Im-
 peratorias peccauerūt statuas acerbissime punitis; aduersus sacrā
 aliquid audere imaginē non reputatis esse Archetypi ipsius exēpla-
 ris ignominia? His clarissime adstipulatur eorundē ima-
 ginū inuictus propugnator Ioan. Damascen. in hæc verba:*

De fid. or-
 thod. li. 4.
 cap. 17. in
 princ.

*Quia nonnulli nobis exprobrant, quod adoramus, & veneramus
 Saluatoris nostri, & Regina nostra Deiparæ imaginē, insuper &
 reliquorum Sanctorum fantulorum Christi; audiant, quod a prin-
 cipio Deus hominem ad sui imaginem fecerit. Cuius gratia igitur
 inuicem adoramus, nisi quatenus ad imaginem Dei facti sumus.
 Nam, ut inquit Deiser, & magnus in diuinis Basilus, imaginis
 honor ad exemplaris transfertur honorem.*

Postremo hæc est tum Nicænæ ij. quæ fuit vij. genera-
 lis, tū Tridentinæ Synodi nouissime celebratæ sententia,
 quam Conciliū in c. de inuocat. Sanct. apertissime deter-
 nit, & complectitur his verbis: *Sed quoniam homines, qui imagi-
 nibus exhibetur, refertur ad prototypa, quæ ille representant, ita
 ut per imagines, quas osculamur, & corā quibus caput aperimus,
 & procumbimus, Christum adoremus, & Sanctos, quorū ille simi-
 litudinem gerunt, &c.* Hoc ipsum experiētia confirmatur,
 cum eodē intuitu colores, quo & lucem aspiciamus, per
 quam colores cernimus, ac vna completa intellectuione
 conclusiones, qua & principia intelligamus, quorum
 lumine conclusionibus assentimur.

Concil.
 Trident.
 25. sess.

In hunc proculdubio sensum sacra Scriptura refert,
 quod Dauid ante. Dominū, & corā Domino saluauerit, 2. Reg. 6.

eum accinctus Ephod lineo ante arcam testamenti, per quam Deus representabatur, mente & corpore cū explicabili gaudio gestiebat. Quoniā igitur sanctæ Crucis imagines Iesum Nazarenum verum Deum, veroque cultu latræ adorandū representant, merito ipsa quoque Crucis signa, quæ illum referunt, eodē cultu colenda esse atque adoranda profiteamur. Pro qua veritate cōprobanda, quia modo, ut supra quoque admonuimus, non cum hæreticis, Crucis Christi inimicis, sed cum catholicis, qui ea sola gloriantur, nobis sermo est, vnius Ioā. Damasc. qui de Crucis, sicut de ceterarum omnium sacrarū imaginum adoratione, diffuse, diserteq. scripsit testimoniū, quod nobis pro millibus erit; proferendum selegimus. Hic de imaginibus in genere, præter illa, quæ supra retulimus, ita scriptum reliquit: *Ut enim diximus, bonorem, qui exhibetur benignis, gratiūq. conseruis, benevolentia ad cōmunem Dominum præferre indiciū, sic & imaginis honor ad prototypum exemplar imaginūq. veritatem transfertur.* De Cruce vero Dominica, quæ pendentem Dominū sustinuit hæc inter alia speculatim dicebat: *Ipsū nimirum pretiosum lignum & per quā vere venerandum, in quo semetipsū in hostiam pro nobis Christus obtulit, atque ut sanctificatum tactū sancti corporis & sanguinis decenter adorandum.* De omnibus vero dictæ Crucis Domini figuris in hæc verba loquebatur: *Adoramus etiam figurā viuificæ Crucis, tamen si ex alia materia facta est; non materiam venerantes (absit enim) sed figuram; tamquam Christi signum, eodem, quo & Crucifixum, honore illam prosequendo.* Et paulo post: *Adorandum est igitur signum Christi: ubi enim fuerit signum eius, illi & ipse erit: materia autem, ex qua figura Crucis exprimitur, siue sit aurum, siue lapides pretiosi, aut alia, post figurationem, si contingat dissolui, non est adoranda.*

etiam
huc
etiam
etiam

De fid. or-
thod. li. 4.
c. 17. cir-
ca. 60.
etiam

Damasc.
li. 4. c. 12.
post med.

Damasc.
et supra.

etiam

Ad hæc tam clara Damasceni testimonia, accedit vetustissimus traditione Apostolica receptus ritus in diuinis officijs, quæ nisi Crucis imagine in altaris medio constituta celebrari non solent, nec decet; sed peculiari ratione

tione

tionē in die sancto Parasceues religiosissime seruatus, iuxta quem vel ipse Episcopus, vel quilibet alius Sacerdotali ordine insignitus sacra faciens verbo, cantu, & exemplo cunctos, qui ad eius diei mysteria audienda, & videnda frequentes de more conuenerunt, vt sanctissimā Crucem profundissima humilitate simul cum ipso adorent, inuitat & allicit. Et cum nemini dubium sit mysticum illud officiū haud minus rite per eos absolui, qui Cruce ex quauis materia confecta vtuntur, quā qui ex ipsomet sacratissimo Crucis Dominicæ ligno fabricatā adorant: idcirco omnibus æque vna est eademq. adorationis forma, & eadem venerationis causa, nempe Domini nostri Iesu Christi Crucifixi repræsentatio, propter quam quasi vita, intellectu, & diuina penitus virtute præditam huiusmodi ab ipsa matre Ecclesia præscripta salutatione illam compellamus, dicentes:

O Crux aue spes unica

Hoc passionis tempore

Auge pijs insistam

Reusq. dona veniam.

Ex Theodulpho in
Dominic.
Pass.

Dominica Crucis lignum, quod ipsum Dominum in eo pendentem sustinuit, quodam peculiari eminentiori. honore præ ceteris sacris Sanctorum reliquijs prosequendum est.

C A P. I I I.

ALIA vero a nobis explicanda conclusio in hanc sententiam statuitur: Ipsum Dominicæ Crucis signum, in quo, vt matris Ecclesiæ elogio vtat, *Salus nostra pependit*, præter illam, de qua modo egimus, sibi cum ab ea desumptis exemplis communem patriæ adorationē, propria quadam peculiariq. veneratione colendum est. Et ne nimis in longum nostra protrahatur oratio, spon- te præterimus disputationem inter plurimos versatam:

T an sin-

an singularis eiusmodi cultus ad Duliam, vel Hyperduliam referri debeat; cum graues Auctores, qui de hac quaestione scripserunt, minime inter se conueniant. Satis autem erit nobis modo ostendisse, præstantissima illius ligni fragmenta non tantum latriæ, sicuti probauimus, cultu adoranda, verumetiam honore cultuq. præferenda ceteris omnibus, quæ in vniuerso orbe asseruantur sacris reliquijs Sanctorum. Quam plane assertionem in dubium reuocare non poterit, qui excellentissimum illud priuilegium perspicaciter considerauerit, quo beatissimum illud lignum decoratum fuit, in diuinis officijs non semel hisce, & alijs verbis repetitum: *Sola fuisti digna portare Regem calorum & Dominum*. Et alio in loco: *Electa digno stipite, tam sancta membra tangere: Beata cuius brachijs, sacri pendis presiu, statera facta corporis*, & cetera huiusmodi non pauca. Tanti vero æstimatur hæc prærogatiua, vt ob consimilem, longe tamen nobiliorem titulum, Redemptoris nostri Genitricis sanctissimæ venter, viscera, & vbera, beata prædicentur. De illa enim quotidie cantamus: *Beata viscera Mariæ Virginis, quæ portauerunt æterni Patris Filium*. Item: *Beata vbera, quæ lactauerunt Christum Dominum*, utpote, qui in Euangelio illam eisdem anconijs laudari, ac beari intelligimus. Sancto enim Luca referente didicimus, mulierem, voce inter turbas sublata, illius ventrem, & vbera in hæc verba laudasse, & beata prædicasse: *Beatus venter, qui te portauit, & vbera, quæ suxisti*. Etenim in tantum dignitatis culmen euecta fuit, vt mater Dei diceretur, & esset. Vt igitur ad institutum nostrum reuertamur; quis nisi mentis inops, non iudicauerit, ligno Dominicæ Crucis maiorem, quam ceteris omnibus Crucis signis cultum exhibendum, cum ipsum Creatoris sui pretiosissimo sanguine delibutum, & consecratum fuerit? Nam quemadmodum Imperatoriæ statuam, quia Imperatorem representat: & Imperialia indumenta ob id, quod Imperatori adiacent, veneratione prosequimur, ita profecto felicissimum eiusmodi lignum, non modo

In festo S.
Crucis.

In Missali
& Breuiar.
Rom. in
Dominica
Passionis.
Ex
Theodulpho.

LUC. 11.

modo cum alijs ad sui similitudinē formatis Crucibus
 (propterea quòd Dominum nostrū Crucifixum repræ-
 sentant) communi honore afficimus, verum etiam ob sin-
 gularem, quam ex membrorum Christi contactu, super
 reliquas omnes obtinet, dignitatem, proprio, ac feruen-
 tiori, meritò veneramur. In quam sententiā doctissimus
 Hieronymus illam Psalmi sententiam aptauit: *Adorate* Hierony.
scabellum pedum eius, quoniam sanctum est. Ait enim: *Multa* in Ps. 93.
opinionēs de scabello sunt; sed hoc proprie dixit corpus Domini-
cum, in quo Maiestas diuinitatis, tamquā super scabellum stetit. Act. 1.
Quòd autem adorari debeat, eo ascendente docuerunt Apostoli,
cum adorantes regressi sunt Hierusalem. Sed & ad Crucem Do-
minicam, & ad animam sanctam hæc referenda sunt. Casio-
 dorus in eundem pene sensum accipit alterum eiusdem
 regij Prophetæ locum: *Adorabimus in loco, ubi steterunt pe-* Psal. 31.
des eius. ubi hæc habet: *Quòd si hoc ad historiam pie velis re-*
ferre, significat forte sanctam Crucē, ubi corporaliter stetit, quan-
do in ea Crucifixus apparuit: in qua stetisse recte dicitur, ubi cor-
pus eius infixum fuisse monstrauit. Merito ergo hunc Prophetæ
locum dicit adorandum, qui nobis & fidei signum præstitit & sa-
lutem. Casiodoro assentitur Ioan. Damascenus ita dicēs:
Ait David: Introibimus in tabernaculū eius, adorabimus in loco, De fid. or
ubi steterunt pedes eius: Quòd autē Crucem dicat, ostendit quod thod. li. 4.
sequitur: Resurge Domine in requiē tuam: sequitur enim Crucem cap. 12.
resurrectio. Et subdit: Si enim amatorū desiderabilis domus, & Ps. 131.
amictus, & lectus, nullo magis Domini & Saluatoris nostri, per
qua & saluati sumus. Et re vera, quis nisi mētis expers ne-
 gare audeat, potiori honore Capitis, & Domini, quàm
 membrorum, & feruorū illius reliquias esse venerādas?
 Nam si maiori, ut par est, affectu in beatissimæ Virgi-
 nis, Ioannis Baptistæ præcursoris, & sanctissimorū Apo-
 stolorum, quàm in inferioris ordinis Sanctorum cineres,
 ossa, patibula, vestes, & cetera illorū monimenta honore
 afficienda commouemur: longe profecto feruētiori spi-
 ritu nos incendi, impelli, & quodam modo rapi necesse
 est, ad condignum cultum exhibendum, & impenden-

146 A P P E N D I X
dum, clauis, lanceæ, sudario, reliquisq. Passionis & mortis Domini instrumentis, pretiosissimo illius sanguine cruentatis, vel solo membrorum illius contactu sacratis, & sanctificatis, ac in primis saluificæ illius Crucis. Nam cum eiusmodi Christi, & Beatorum cum ipso in cælo regnantium reliquiæ non sui, sed illorum, quorum sunt gratia, veneratione digna merito habeantur, oportet sane, vt quisque fateatur, quòd vitæ, passionis, ac mortis Domini monumenta in honore maiori haberi, & omnibus alijs Sanctorum reliquijs præferri debeant.

Et quamuis diuinæ potentia miracula, quæ ad præsentiam sacrarum seruorum Dei reliquiarum sunt, manifestissime declarent, valde gratam esse Domino, vel minutissimis illorum pulueribus impensam venerationem; nihilominus quantum eiusmodi sacræ reliquiæ a Crucis Dominicæ sacrosancto ligno hac in parte superetur, quisque facile percipiet, qui animaduertit multiplicia, omniq. stupore dignissima prodigia, non modo ad ligni, in quo Redëptionis nostræ opus consummatum fuit; verum etiam ad imaginum illius contactum, vel aspectum seu intuitum diuinitus facta. Nec e memoria sibi excidere permiserit, quæ supra meminimus de mirifica, & nihil non efficere potèti virtute signi Crucis sola dexteræ ductu formati, sine quo nullum regulariter post Christi in Cruce affixionem inter mortales miraculum factum fuisse supra demonstratum est.

Si quis vero illud ipsum Crucis Dominicæ sanctissimū lignum minori honore prosequendum putet, quàm mater Ecclesia ob dictam contactus causam verbis, & facto habendum esse, declaratis ex eo quòd quædam alia, quæ (Euangelica ipsa historia testante) eadem Christi sacrosancta mēbra tetigisse accepimus, ac proinde nulla maiori veneratione digna habeantur, is nobiscum proculdubio omni dubitatione semota sentiet, si Beati Athanasij responsionem intellexerit, qua consimilem quæstionē quintodecimo loco in suo quæstionū Libro propositam clarif-

clarissime dissoluit. Huius autē grauissimi doctoris verba Latine reddita sic habēt: *Num quia Christus uetus est, insidēs asino, asinos honorifice venerari debemus? Responso. Non per asinum Christus diabolum deuicit, & Damones; neque in eo salutem operatus est, sed in Cruce. Vnde asinum quidem si uident Damones, non horrent, neque metunt; uidentes uero Crucem, terrentur, fugiunt, & euanescent.*

Quæst. 1.
Annal. li.
1. de diu.
offi. c. 14.
Vide Io-
ann. Aure-
lianen. de
de cultu
imag. li. 3.

Ex quibus manifestissime confirmatur quod supra tractauimus; quā semper religioso & sapienti consilio primi fidei Christianæ propagatores, Crucis signum præ omnibus tam sæcularium Principum quā Ecclesiarū Præsulum vexillis, ac trophæis elegerint pro Pontificiæ dignitatis proprio, & præcipuo insigni. Hanc plane honorificētissimam Crucis uirtutē optime calluerunt uere germani fratres, felicissimi Apostoli, Petrus, & Andreas: nam hic ad Crucis patibulum, quasi ad regium, & purpura, margaritis & omnis generis gemmis ornatum solium alacri animo accessit, & ad primum illius a longe aspectum magnificis encomijs illam salutauit, rogans; & supplex exorās, ut se discipulum eius, a quo tanta gloria decorata fuerat, suscipere dignaretur: Ille uero Apostolorum princeps, cū ea se nece putaret indignum, quā Dominus ac Magister suus præsentis uitæ cursum consummarat, precibus obtinuit, ut saltē obuerso in terrā capite, & non ea, qua Christus, forma Crucis affigeretur.

Abdias
lib. 3.
Pet. nam.
ser. 2. de
S. Andrea

Hanc itidem intellexit lux Doctorū Augustinus, qui ob id a Christo Crucem fuisse honoratam, dicebat, quia fideles suos per Crucem esset honoraturus. Et hanc ob causam a Christianis Imperatoribus cautum, ne quis deinceps nocentium in Crucem ageretur, nimirum ne facinorosi & improbi homines morte Crucis pro ignominia gloriam reportarent: *Modo, inquit, in panis non est apud Romanos: ubi enim Domini Crux honorata sit, putatum est, quod & reus honoraretur.* Agnouit, & inter ceteros disertissime illam declarauit Leo magnus his uerbis: *De instrumento, quod iniquitas Iudeorum parauit ad*

Abd. li. 1.
de S. Petro.
Io. Chrysost. in em.
com. SS.
Apost. Petri, & Pauli.
Hierony.
in de uir.
illustr.
De uerb.
Domini
serm. 18.
Tract. 36.
in Ioann.

Ser. 4. de
Pass. Dñi.

pænam

pénam, potentia Redemptoris gradum nobis fecit ad gloriam ;
Sed his tandem imponendus est modus.

EPILOGVS.

RELIGIUM igitur est, vt præcellentissimū triumphalis Crucis insigne, quod veterum, & recētorum Auctorū testimonijs summo in pretio, & in supremo & in explicabili honore in Ecclesia Dei semper fuisse intelligimus, nos etiam quibus possumus maximis honoribus prosequamur : salutarī ac omnipotēti huiusmodi characterē nosipso, vniuersaq. & singulas res nostras frequentissime signemus, ac exornemus ; nihil operis actionisue nisi hoc signaculo præmisso, auspicemur. Ad primum occursum, siue aspectum, non modo illius, quæ summo Pontifici, Metropolitā, alijsve ex maioribus Sacerdotibus præferri consuevit, verum etiam cuiuscumque alterius, quæ circumferatur, seu quouis in loco firma permaneat, continuo assurgentes caput aperiāmus & inclinēmus, & pro loco, & tempore coram ipsa genua flectentes humiliter illam salutemus, & adoremus ; atque illi, quæ repræsentat nosipso, & Præpositos nostros, in quorum dignitatis honorē illis præfertur, deuotis precibus commendemus. In cunctis aduersitatibus, & mentis corporisq. periculis ad huiusmodi signum, tamquam ad fortissimum idemq. certissimum præsidium ac propugnaculum confugientes, illius formatione contra quæcūque nobis aduersantia nos muniamus, ac tueamur. Hac enim ratione nostram in Iesum Christum Dominum nostrū propter nos Cruci affixum, fidem, spem, fiduciamq. omnem constituissē declarabimus. In quem & ardentem dilectionem nostram manifestabimus, si frequens eiusdem trophæi inspectio perpetuaq. illius recordatio in omnibus nobis operetur, vt Ducis, ac Imperatoris nostri Crucifixi vestigia prompto ; & alacri animo persequamur. Quod per nos fiet, si propria Cruce ab vnoquoque nostrū in hume-

in humeros accepta, humilitatis, obedientiæ, patientiæ,
 & in bonis operandis, & malis æquo animo tolerandis
 vsque ad mortem perseuerantiæ Christi exempla imita-
 ri studebimus. Hæc enim a nobis postulare Crucis Do-
 minicæ in terris relictam imaginem certo nobis persua-
 dere debemus. Nam sicut valde paucorum est, si vni-
 uersæ fidelium multitudini eos conferamus, quibus Crux
 ipsa corporea, vel ad supplicium, vt cum sanctis Marty-
 ribus, & primo cum aliquibus Apostolis factum est:
 vel ad eminentis dignitatis ipsorum, quod cum insi-
 gnioribus tantum Ecclesiæ Præsulibus seruari videmus
 testimonium, materiali, vt dicunt, acceptione tollen-
 da & sumenda proponitur: ita omnium prorsus Chri-
 stianorum est, illam spiritali ratione vltro accipere, &
 patienter, immo & gaudenter perferre. Quamuis enim
 minime diffitear hoc ab eis, qui in Ecclesiastica hierar-
 chia ceteris præfati sunt, in primis postulari, cum eo-
 rum sit, ne dum verbo, verum & exemplo fidei illorum
 commissas oues ad Crucem libenter subeundam indu-
 cere, nulli tamen dubium esse potest, id ipsum in om-
 nibus, & singulis, qui Christo nomen dederunt, fuisse
 & esse imperatum. Nullum enim ex militibus suis exce-
 pit Imperator ille cum ait: *Qui non accipit Crucem suam, Mat. 10.*
& sequitur me, non est me dignus. Cuius mysterij peruetu-
 stus ille ritus nos admonet, cum in cuiusque per lauacrū
 regenerationis in Christo nascentis scapulas Sacerdo-
 tis manibus sacra quoque vnctione adhibita Crucis si-
 gnaculum imprimitur. Pia enim cærimonia illa signi-
 ficat, simul ac Christi milites candida innocentiae veste
 induuntur, ipsorum humeros mystico illo charactere si-
 gnari, vt meminerint, in huius miseræ vitæ breuissimo
 stadio aduersus carnem, mundum & satanam sibi esse
 strenue decertandum: quod est, Cruce assumpta, Chri-
 stum sequi. In quo certamine quicūque pro nobilissimo
 eiusmodi signo viriliter egregieq. defendendo ad mor-
 tem vsque legitime certauerit, ante Imperatoris cæle-
 stisq.

fitq. Iudicis, cuius illud est Insigne proprium, terrificum tribunal, tutò sisti, astareq. poterit, vt suorum laborum egregiamq. certaminum mercedem, & coronam accipiat. Immortales igitur Deo a nobis habendæ, & pro tenuitate nostra, quas possumus, maiores agenda sunt gratiæ, quod Sacro, & sancto, & omnia sacrate & sanctificante Crucis signaculo sibi nos dicari donauerit; & huiusmodi ratione, vt sub inuictissimo gloriosissimoq. vexillo suo nos elegerit, vocauerit, susceperit, atque admiserit, concesseritq. nobis vt sanctissimum Romanum Pontificem cunctorum Episcoporum, & vniuersæ militiæ Christianæ principem antesignanum, & vexilliferum suum agnoscamus, quem ductorem sequentes recto tramite ad cælestem patriam, cuius ipse clauis obtinet, deducamur, & introducatur:

2. Cor. I. vt qui socij fuerimus passionum, simus & participes cōsolationum. Nos vero huic nostræ elucubrationi, pia, quam sancta mater Ecclesia nos docuit, precatione finem imponentes, humili, & supplici corde & voce oremus in hanc verborum formam:

O Crux splendidior cunctis astris, mundo celebris, hominibus multum amabilis, sanctior vniuersis: qua sola fuisti digna portare talentum mundi: dulce lignum, dulces clauos, dulcia ferens pondera, salua Christi onile sub tuo vexillo congregatum, reis donando veniam, & pijs augendo iustitiam. Amen.

F I N I S.

I N D E X

E O R V M

Q V A E S C I T V S V N T

D I G N I O R A .



S A



BDIAE liber cisi
fidei probata non
sit, multa tamen
vere continere di
citur. pag. 5

*Actiones sacrae omnes sine Crucis
signo absolui non possunt.* 11

Adorationis species tres. 142

*Aegidius Columna, Romanus, de
potestate Ecclesiastica.* 66

*Aegyptij & Arabes Crucis signum
ante Christi aduentum obser
uarunt.* 28

*Alexander de sancto Elpidio Epi
scopus Melfitanus de potestate
Ecclesiastica.* 66

*Alphabeti Hebraici antiqui lit
tera extrema Crucis habet si
militudinem.* 21

S. Andrea Crux. 89

*Antipas ritum consignandi se si
gno Crucis ab Apostolis ac*

cepit. 5

*Anthonius Monachorum pater co
signandi se signo Crucis ritum
excoluit.* 6

*Anulus in Ecclesiastica militia
quid.* 112

*Archiepiscopalis dignitas quibus
declaretur.* *ibid.*

*Archiepiscopi Nazareni privile
gium.* 65

Archiepiscopis praefertur Crux.
ibid.

*Archiepiscoporum Crux, simplici
linea ducta constat.* 78

*S. Augustinus, Anglorum Aposto
lus.* 69

*Augustinus Fauaronius, Archie
piscopus Nazarenus, de pote
state Ecclesiastica.* 66

B

- B** ACVLVS, in Ecclesia-
 Hica militia quid. 112
 Baptizandis Crux imprimitur a
 Sacerdote. 151
 Bartholomaei Cryptes Monachi
 testimonium. 67
 Benedictio supra populum, quo-
 modo & quando fiat a Sacer-
 dotibus, & Episcopis. 14.
 & 15.
 Benedictio data a Iacob Patriar-
 cha suis nepotibus, cum fuerit
 in Crucis figuram facta. 15
 Benedictio & populi dimissio in
 Missa considerantur. 17.
 & 18.
 Benedictio Sacerdotalis, &
 Episcopalis consideratio. 18.
 & 19.
 Benedictio mensa non sine Crucis
 signo. 20
 Bulga, siue hyppopera, Cardinali-
 bus praelate quid. 113
 Burgundi Crucem gestant ab hu-
 mero dextro ad latus lauum,
 & contra. 128

C

- C** Apitanei Classis, in conspe-
 ctu Generalis vexillum
 demittunt. 124
 Capitis consura, inslar Crucis, in

civitate Carangonara India.

68

- Caput Pontificis uni Deo aperi-
 tur. 113
 Carbones B. Laurentij veneran-
 di. 140
 Cardinalitia dignitas quibus de-
 claretur. 112
 Charitas distinguit filios regni,
 & diaboli. 88
 Catena, quibus vinctus fuit B.
 Petrus, veneranda. 140
 Chiroteca, in Ecclesiastica mili-
 tia quid. 112
 Christiani omnes se Cruce signant.
 106
 Christi mors signum est nostra
 salutis. 32
 Christum ascendentem in calum
 Apostolos benedixisse signo Cru-
 cis, rationibus, & auctoritati-
 bus probatur. 4
 Christus cur noluerit lapidari,
 aut precipitari, sine gladio
 truncari, sed crucifigi. 32
 Cineres Sanctorum veneranda.
 140
 Circumlationis Crucis ratio tri-
 plex. 46
 B. Clara in corde mysteria Passio-
 nis Christi. 89
 Clava argentea, & aurea, Car-
 dinalibus, & Papa praeferi
 solite. 112. 113
 Claves representant potestatem.
 127

Claves

Claves duæ, Romanorum Pontifici
gentilicij insignibus prala-
tæ, Crucis figuram referunt.

127

Claves decussatæ, iure usurpatæ
pro insigni Patriarchij Late-
ranensis, & Ecclesiæ vniuer-
salis per vniuersum orbem dis-
fusa.

129

Clauis, & patibula Christi quo-
modo venerentur.

139

Concilium Lateranense, anno
M. CC. XV.

89

Consalon, Ecclesiæ gubernaculum.

131.

Constantini successores Constan-
tinum imitati sunt in præfe-
renda, & honoranda Cruce.
62. & 63.

Constantino Crucis signum quo-
modo, & quando apparuerit
cum inscriptione Græcæ.

39.

Constantino Crucis signum osten-
sum, ut de victoriâ certus red-
deretur.

121

Constantinus magnus Imp. Cru-
cis signum mirum in modum
extulit.

7

Constantinus Romæ, & Constan-
tinopoli Crucis signum affigi
mandauit cum inscriptioni-
buss.

40

Constantinus ter in celo vidit
Crucem cum inscriptione Græcæ
in tribus victorijs, quas ob
Crucem miraculose reporia-

uit.

41

Constantinus tres ex ære Cruces
ferri curauit ob triplicem Cru-
cis visionem, triplicemq. vi-
ctoriam, quam miraculose re-
portauit.

41. & 59

Constantino Urbem Romam ingre-
dienti, & a Victoriâ redeun-
ti victoriâ & Crucis trophæum
fuit allatum.

59. & 60

Constantinus grauissimis pœnis
cauit, nequis deinceps ex reis
Crucis patibulo afficeretur.
61. & 62

Constantinus Crucem ex auro pu-
riissimo fabricauit, gemmisq.
pretiosissimis exornauit.

89

Constantinus Magnus Crucis si-
gnum sibi in castris præferri
iussit.

110

Consulibus fasces duodecim præ-
ferrebantur.

107. & 112

Craticula B. Laurentij veneran-
da.

140

Cruciatus, a Cruce dictus.

129

Cruce, in qua imago Christi affi-
xa pendebat, antiquissimi Pa-
tres vti sunt.

70

Cruce signandi ritus iam inde ab
Apostolis ortum habuit.
3.
Frequentissimus fuit in Eccle-
siâ Dei iam inde ab eius in-
fantia. ibidem. Hunc ritum
ab ipso Salvatore Apostolos
accepisse credendum est. ibid.
modus sine forma, & utilitas,

V 2 qua

qua ab ea nascuntur, ibidem.
 usus ibidem. 137
 Cruce signatorum exercitus quā-
 do traxerit ortum. 24
 Crucem in terra effingendi usus
 ablatas. 25. De hoc multa ibi-
 dem leguntur scitu digna.
 Crucem portantes varij. 34
 Crucem a collo pendentem Episco-
 pi, & Archiepiscopi gestantes
 considerantur. 53. 54. & 55
 Crucem cur Christus honorauit.
 140
 Cruces pro terminis regionū apud
 Scotos Anglis finitimos. pag.
 43
 Crucifigendi modus antiquus.
 129
 Crucifigi cur Christus voluerit,
 non autem lapidari, precipi-
 tari, aut gladio truncari.
 32
 Cruci Domini honor exhibendus.
 158
 Crucis adoranda preceptum Gre-
 gorio magna Armenia Epi-
 scopo tributum ante omnes.
 42
 Crucis affigenda usus frequens in
 Ecclesia Dei. 43. & 44
 Crucis affigenda, ac veneranda
 cunctis in locis usus ex Ioanne
 Chrysostomo demonstratur. 45
 Crucis circumlacionis ratio tri-
 plex. 46
 Crucis Dominica signo quid re-

praesentetur. 111
 Crucis effigies veneranda. 142
 Crucis efformanda usus in quali-
 bet materia fuit antiquus &
 frequens. 29
 Crucis imaginis excellentia, non
 modo figuras naturales, ve-
 rum etiam Astrologicas, &
 Mathematicas superat. 28
 & 29
 Crucis in nummis arcis, & in
 alijs metallis usus apud Con-
 stantinum frequens. 26
 Crux Lateranensis. 51. Collegij
 S. Spiritus. 80
 Crucis inuenta ab Helena prae-
 gium felicissimum. 35
 Crucis erectio post Constantini
 conversionem. 38
 Crucis pingenda usus frequens &
 antiquus. 22, 23
 Crucis preferenda ritus, anti-
 quissimus, Pontificibus, Pa-
 triarchis, Archiepiscopis, &
 Metropolitans. 65
 Crucis prelatio perpetua in itine-
 re ante summum Pontificem,
 ardentissimum ipsius erga il-
 lam studium demonstrat. pag.
 88
 Crucis sculpenda in petra anti-
 quitas. 22. ubi primum in-
 uenta Crux sculpta in petra,
 ibid.
 Crucis victoriosa memoria facit
 illud, quod corporis Christi
 praesen-

presentia faciebat. 32
Crucis virtus omnia peragis Sacramenta. 13
Crucis signi effectus mirandi pag. 8
Crucis signo Christum Apostolis in calum ascendentem benedixisse credendum est. 4
Crucis signo quomodo represententur Christi plage, quomodo sanctissima Trinitas, quomodo dua Christi natura. 10
Crucis signo muniti multa pericula euaserunt. 30. 31. contra vero qui eius fuerunt obliti. ibid.
Crucis signum exercendum esse in actionibus nostris docuerunt sacri Doctores. 7. & 9
Crucis signum, seu figura, que prius abhorrebatur, maximo in honore esse capis a Principibus, & ab omnibus alijs, teste Ioanne Chrysostomo. 8
Crucis signum ante somnum quomodo adhibendum iuxta Hymnum Prudentij. ibid.
Crucis signum caruleis notis facientes quinam sint. 21
Crucis signum ubique ac semper celebratum. 23. & 24
Crucis signum circumferendi vsus antiquus, in lapidibus, ac vestibus antiquissimus. 24
Crucis signum multis in artibus

exercendis representatur. 26.
27. idem in celo, & in homine ipso cernitur. ibid.
Crucis signum apud Arab. & Aegypt. obseruatum ante Christi aduentum. 28
Crucis signum Ephesi erectum. 38
Crucis signum quomodo, & quando apparuerit Constantino cum inscriptione Graca. 39
Crucis signum Roma in loco celeberrimo Constantinus assigni mandauit cum Inscriptione Latina. 40. & Constantino poli. ibid.
Crucis signum, Veneto Duci concessum, & ob quam causam. 135
Crucis trophaum venerandum, 37
Crucis vexillum deferendi ritus ante Summum Pontificem in publicum prodeuntem. 33
Crucis vexilli gestatio in processionibus. 48. 49. & 50
Crucis vexillum quid pesserit. 109
Crucis vexillum cur magis Summo Pontifici, quam ceteris conueniat. 109
Crucis vexillum cui conueniat. 109. & 111
Crucis vexillum praesertur Papa ad supremam ipsius in terris digni-

dignitatem, ac potestatem indicandam. 111
Crucis vexillum Romani Pontificis insigne est, cum sit signum Christi Redemptoris nostri, cuius vices Papa in terris gerit. 114
Crucis usus in Ecclesia duplex. 33
Crucis usus occultus & manifestus. 37
Crux corpore & mente tollitur. 33
Crux stationalis quamvis sit. 51
Crux triplici generi Principum solemniter ritu praefertur. 55.
& 56. Quando praeferi capta, & unde originem habuerit hic ritus. 56. & 57
Crux cur a Simone gestata. 57
Crux honorata mirum in modum a Regibus, & Imperatoribus post Constantini conversionem. 63. & 64
Crux visa in Hispania. 78
Crux facie conuersa, & facie auersa, cur praeferatur, & quibus. 73
Crux, cruciatus signum. 79
Crux Collegij sancti Spiritus. 80
Crux cur praeferatur Pontifici in publicum prodeunti. 83
Crux praefertur ad fidem in Dei Filium Crucifixum protestandam, & iam illius, cui praefertur, quam illorum, qui ei oc-

currunt, fidem, religionemque delegendam. 86
Crux praefertur, ad eorum, qui eam prosequuntur, tutelam. 93
Crux praelata, indicat illius, cui praefertur, praeipuum aliquam dignitatem. 106
Crux, proprium Christi insigne. 107
Crux pectoralis, in Ecclesiastica militia quid. 112
Crux, Christi signum. 114. 115. 116. 117. & 118
Crux, Romani Pontificis proprium insigne. 118
Crux semper, & ubique Romani Pontifici praefenda. 124
Crux praestantiori ratione super Romani Pontificis, quam supra Metropolitaram gentilitia insignia semper statuitur. 126
Crux parata semper ijs, qui Celso-riorem in Ecclesia locum obtinent. 132
Crux, in qua pependit Christus, quomodo adoranda. 139. & seq. & 145. & seq.
Crucis Christi imago, quomodo adoranda. 139. & seq.
Crux, qui affixus fuit B. Petrus, quomodo veneranda. 140

D

D Extra manus quomodo
nobilius sinistra. 12
Dextra manu cur signū fiat Cru-
cis. ibid.
Diaconalis dignitas, quibus de-
claretur, 112
Diadema, Regis ornamentum.
ibid.
Diaconus antiquior Cardinalium
Pontificis electionem renun-
ciat. 119
Dissatori fasces viginti quat-
tuor præferebantur. 107. 112
Didymon xylon, geminum lignū,
Cruce. 129
Dionysius Areopagita B. Pauli di-
scipulus. 12
Dominico die audire Missam
quisque tenetur ex precepto.
19
Dulia, adorationis species. 142

E

Ecclesiarum edificatio non
sine Cruce. 35. & 36
Ephesinis in foribus Crucis signū
erectum. 38
Epilogus de Cruce. 152
Episcopalis dignitas quibus de-
claretur. 112
Episcopi confirmandos Cruce mu-
niunt. 106

Episcopus Crucem a collo penden-
tem portans consideratur. 53.
Idem de Archiepiscopis consi-
deratur. ibid. & 54. & 55
Eucharistia Sacramentum Pon-
tifici extra Urbem proficiscen-
ti præfertur. 81
Euphemia Virgo consignandi se
signo Crucis ritum habuit. 6
Eustathius, dum sub Traiano
prætozem ageret, Placidus di-
ctus. 72
Exorcista, quid. 74

F

Fasces precedere solita ma-
gistratus Romanorum. 79
Fasces securibus alligati. 112
Figura Crucis omnes figuras an-
tecellit. 28
Forma, sine modis se Cruce si-
gnandi, & utilitates. 10. &
11. Varia forma, & modus
quantum ad digitos. ibid.
Fragmenta Crucis. 100. 101. 102.
& 146
Francisci Aluarez testimonium. 68
S. Francisci stigmata. 89

G

Galerius, in Ecclesiastica mi-
lizia quid. 112
Gregorij Magni vera effigies a
Ioanne Diacono descripta. 47.
& per

& per pictorem efficta. *ibid.*
Gregorius magna Armenia Pra-
sul ante omnes iussit Cruces
quibusdam in locis adorari a
se collocatas, ad easq. tamquam
ad sacra confugia concurrri.

42

Guillelmus Cremonensis, Episco-
pus Novariensis, de potestate
Ecclesiastica. 66

Guillelmi de Rep. Angl. testimo-
nium. 67

H

Hebraici Alphabeti antiqui
littera extrema, Crucis
habet similitudinem. 21

Hebraeorum littera antiqua sunt
in usu apud Samaritanos ad
hanc usque diem. *ibid.*

Hyperdulia, adorationis species.
142

Hyppopera, Cardinalibus prala-
ta, quid. 113

I

Iacob Patriarcha cur benedi-
xerit Ephraim, & Manaf-
sen manibus cancellatis, in
Crucis figuram. 15

Iacob Patriarcha manibus in Cru-
cis figurā compositis, suis Ne-
potibus benedixit. 128

Iacobus Viterbiensis Archiepisco-

pus Neapolitanus, de potestate
Ecclesiastica. 66

Ignis praelatus, Augustalem, &
Imperatoriam dignitatem si-
gnificabat. 113

Imagines patibulorum Christi,
qua veneratione honoranda.

139. & seq.

Imagines patibulorum Martyrū
quomodo venerande. *ibid.*

Imago Crucis Christi quomodo a-
doranda. *ibid.*

Imperatoria statua, veneratione
prosequenda. 146

Ioannes Apostolus ante obitum
manu sua se signo Crucis si-
gnavit. 5

Ioannes, Christi praecursor, cum
Cruce in manu pingitur. 114

Ite missa est, quid. 17. & 18

Iter facientes cum Pontifice, ad-
moncantur a pravis operibus
cauere, & bonis incumbere.

104

L

Labarum, praelatum in ca-
stris, Augustalem, & Im-
peratoriam dignitatem prae-
ferebat. 113

Lactucam comedens quadam Dei
famula absque signo Crucis fa-
cto, a demone arrepta, proti-
nus cecidit. 30

Lapis B. Stephani Ancona repositus
ob revelationem, & mi-
raculum.

raculum. 140
 Latria adorationis species. 142
 Latusclavus, propriam Senatorem indumentum. 112
 Laurentij crasicula veneranda, & carbones venerandi. 140
 Legati de latere, ubi Pontifex adest, Crucem deponunt. 82.
 & 124
 Lignum in fonte Marath amarissimo immissum a Moyse reddidit fontem dulcem. 113
 Lignum Crucis Dominice peccuari honore prosequendum. 145
 Lunula pedes nobilium decorabant. 112

Magica incantamenta Crucis virtute superata. 96
 Manipulus, in Ecclesiastica militia, quid. 112
 Marath amarissimus fons quomodo miraculose euaserit dulcis ligno inibi immisso a Moyse. 113
 Maria Virgo, eiusque venter, & vbera. 146
 Martialis Episcopus Apostolorum discipulus fuit. 19
 Martyrij Monachi exemplum de Cruce. 30
 Mensa benedictio non sine Crucis signo. 20
 Metropolitae, Pontifice, vel eius Legato accedente, Crucem de-

mittunt. 124
 Metropolis cuius Crucis praefatur. 66
 Militum Christi dignitates, Crucis signo distinguuntur. 107
 Miracula, quae post mortem Christi per fideles suos operatus est Deus, omnia communiter signo Crucis adhibito facta fuerunt. 108
 Missa Ambrosiana consideratur, & praesertim populi dimissio, & benedictio. 17. & 18
 Missa est, quid. 18
 Missam audire die Dominico unusquisque tenetur. 19
 Mitra in Ecclesiastica militia quid. 112
 Mitra Pontificis quid. 127
 Monasteria non possunt edificari nisi per Episcopos. 127
 Mors Christi signum nostrae salutis. 32
 Mors Romanorum magistratum in fascibus praeferebatur. 107

N

Nocentes in Crucem non agere, cauerunt Imperatores. 149

O
 O Nuphris Panninius de Basilica Lateranensi. 91
 Orale, siue Phanon, quid. 113
 Ossa Sanctorum veneranda. 140
 Pallium,

Pallium in Ecclesiastica milititia quid. 112

Pallium a Sede Apostolica peti-
tur. 121

Palmatam vestem soli cōsules induebant. 112

Passionis Domini instrumenta, cum Cruce pinguntur. 141

Patibula Christi quomodo ad-
randa. 139. & seq.

Patibulorū Christi imagines quomodo honorande. ibid.

Patibula Martyrum, eorumq. patibulorum imagines qua veneratione honorentur. ibid.

Patriarcharum Crux, duplici linea ducta constat. 78

Petri Catena venerande. 140

Petrus quo modo crucifixus. 128

Phanon, siue Orate, quid. 113

Pileum pretiosum, Pontificis. 125

Planeta extensa, in Ecclesiastica milititia quid. 112

Pontifex Romanus, Christi vexillo vititur. 114

Pontifex solus iubere potest, ut sibi Crux praeferatur. 120

Pontificem incedentem qua comitentur. 81

Pontificis caput vni Deo aperitur. 113

Pontificis Crux, simplici linea ducta constat. 78

Populi dimissio in Missa Ambrosiana fit post benedictionem. & multis modis consideratur. 17. & 18

Potestas per Claves representatur. 127

Præfatio in libros de sanctissima Crucis signo. 1. libros distinguit, & cuiusque materiam proponit. 2

Præfagium felicissimum ex inuentia Cruce ab Helena. 35

Præsul, mediator inter Deum, & oues sibi creditas. 75

Proconsulibus fasces sex præferbantur. 107. & 112

Procopius, ad susceptum baptismum dictus Neanias. 72

Prorex, quod vexillum sequi debeat. 114

Purpura, in Ecclesiastica milititia quid. 112

R

Regnum Pontificis, siue Tiaræ. 125

S

Sacerdotalis dignitas, quibus declaretur. 112

Sacerdotes soli baptizandis incipite Crucem formant. 106

Sacra omnes actiones signo Crucis absoluntur. 12

Sacra-

Sacramenta omnia signo Crucis
 peraguntur. 12
 Sancta Sanctorum, Oratorium S.
 Laurentij in Basil. Lateran. 91
 Sancti Spiritus in Saxia Roma
 Crux. 80
 Sandalia, in Ecclesiastica militia
 quid. 112
 Sandalia, Cruce aurea desuper
 ornata. 113
 Sceptum, Regis ornamentum. 112
 Scoti Anglis finitimi Crucibus
 pro terminis utebantur ad re-
 giones distinguendas, ac sepa-
 randas ab inuicem. 43
 Signo Crucis omnes actiones, &
 omnia Sacramenta peragun-
 tur. 12
 Signum Crucis cur dextra fiat
 manu. 12. absque signo Crucis
 nihil est sanctum, & nulla co-
 nsecratio meretur effectum. ibid.
 13. & 14
 Silvester Pontifex Crucis tro-
 phaeo usus. 66
 Simon Cyrenaeus cur Crucem por-
 tarit. 57. & 58
 Stationalis Crux quanam sit. 51.
 & 52
 Statua Imperatoria veneratione
 prosequenda. 146
 Stella Crucifer quanam dicatur. 28
 Stephani Protomartyris lapis ex
 eius cubitu excussus, & Anco-
 nam portatus, ibiq. repositus. 140
 Stigmata S. Francisci. 89

Stole decussatio quando institui-
 ta. 120
 Subdiaconalis dignitas quibus
 declaretur. 112
 Subdiaconus Crucem praefert. 114

T

T Hau littera in frontibus ge-
 mentium impressa cur de
 Cruce intelligebatur. 21
 Templum non possunt edificari, nisi
 per Episcopos. 121
 Templorum edificatio non sine
 Cruce. 38
 Tessera, Crux appellata. 86
 Tessera militares, & hospitales.
 87
 Thecla consignandi se signo Cru-
 cis ritum ab Apostolis didicis-
 s. & 6
 Tiara sacra, diademate triplici
 circumcirca redimita. 113
 Tiara, siue Regnum Pontificis. 125
 Tonsura capitis, instar Crucis in
 ciuitate Carangonara India.
 68
 Tunicella, in Ecclesiastica mili-
 tia, quid. 112
 Turci a peste seruati, quia Crucis
 signum sibi impresserant. 96

V

V Alisia, siue hyppopera, Car-
 dinalibus praelata, quid. 113
 vbi

Vbi Papa, ibi Roma. 125
Verbum Dei quod semel assum-
psit, numquam dimisit. 17
Vexilla praelata pro illorum diuer-
sa ratione varia significant.
 113
Vexilli Crucis gestatio in proces-
sionibus. 48. 49. & 50
Vexillum Crucis deferendi ritus
ante summum Pontificem in
publicum prodentem. 33
Vexillum S. Crucis inter Sedis A-
postolice insignia connumera-
tur. 68
Vicarius, Episcopi signo vitur.
 114

Vilitates, quae a Crucis signo na-
scuntur. 10. & 11

X

X, forma, similis Clauium
 figura. 127
Xylon didymon, lignum gemi-
num, Crux. 129

Z

Z Acharias Ioannis eleemo-
 sinarj discipulus per e-
 leemosinam dedit cuidam mē-
 dico Crucem argenteam, quam
 penes se habebat. 47

F I N I S.

R O M A E,
 Ex Typographia VATICANA.
 M. D. XCII.

